
أدباءالقرن العشرين

ڛٛۼۣٳڶڵڗڹٷۿ۪ڹڎ

سَيُحَمَّا إِلْسَاكُمْ الْمُ

مسرحية



http://arabicivilization2.blogspot.com

أدباءالقرن العشرين



Amly

العشرين أدبياء العشرين العشرين العشرين العشرين العشرين العشرين العشرين العشرين المسلمة المسلم

حقوق النشر محفوظة بالكامل للهيئة المصرية العامة للكتاب

دیوی: ۸۱۲

ويحظر إعادة الطبع دون إذن مسبق من هيئة الكتاب المالكة لكافة حقوق الطبع والنشر



الهيئة المصرية العامة للكتاب

القاهرة – جمهوریة مصر العربیة – کورنیش النیل – رملة بولاق ص. ب: ۲۲۰ – الرقم البریدی ۱۷۷۱ رمسیس ت: ۲۵۷۷۵۰۰ / ۲۵۷۷۵۲۲ فاکس: ۲۵۷۷۵۰۰ (۲۰۳

www.gebo.gov.eg/Email:info@gebo.gov.eg







سكة السلامة والطريق المنشود

د. حسن عطية (٠)

ليس سرًا أن الفنان المبدع منقف فاعل في مجتمعه، سلبًا أو ايجابًا جاء دوره في مجتمعه، دفعًا للأمام أو تقوقعًا في رحم الماضي جاءت رسالته بين ناسه، صادقًا أو مزيفًا كان تعبيره عن الماضي جاءت رسالته بين ناسه، صادقًا أو مزيفًا كان تعبيره عن ومرثيًا إنه لا جدوى من التعلق بأهداب التغيير، فالفنان - شاء أصحاب نظريات الفن للمجتمع أو أبي المتمسكون بأفكار الفن صناعة شكلية - مبدع غير قادر على الانعزال عما يعيشه ويعايشه، سواء تعبيرًا عنه أو توجهًا إليه، لذا فكاتبنا سعد الدين وهبة لم يكن مجرد كاتب على خريطة الإبداع المسرحي العربي في مصر، بل كان وجودًا مؤثرًا في هذه الخريطة، وفي ذاك الإبداع الذي عرف بمسرح الستينيات، وصار نموذجًا ملعونًا عند أجيال لم تستطع تجاوزه، وأضحى نموذجًا مفتقدًا لمن عايشوا هذا العقد المتألق في تاريخ الثقافة والفنون المصرية، والذي اقترن بتحقيق بعض من آمال ثوار الثقافة والحرية آنذاك .

^(*) ناقد وعميد المعهد العالى للفنون المسرحية.

وإذا ما كانت ثورة يوليو ١٩٥٢ قد جاءت في موعدها التاريخي، واحتضنها الشعب وسار بها محققًا طموحاته في بناء (مصر جديدة)، فقد فوجئ بها المسرح المصرى القائم، الذي هيمنت عليه عقليات النصف الأول من القرن الماضي، ومن ثم وقع المسرح بداية في حيرة بين انتمائه الأيديولوجي للفئات الاجتماعية التي كان يعبر عنها ويخاطبها بلغتها قبل قيام الثورة، فحاول مواكبة الفكر الجديد بأعمال سريعة التحضير، ثم مطورًا اتجاه (المواكبة) نحو (التوازي) فالتجاوز و(التنبؤ) العلمي، ولعب الدور الصحيح للفن كوسيلة للعبير عن أفكار ومصالح أصحابه، وقد جاءت الثورة، والجماهير الشعبية الكادحة مغيبة عن كل شيء، من أول اعتلائها كرسي الحكم وإدارتها لحياتها تحقيقًا لمصالحها، إلى اعتلائها منصة المسرح، وتعبيرها في فضائه عن أفكارها، وانكفأت (الفرقة القومية) على نفسها، متمزقة في صراع زائف بين الشيوخ والشباب، دون أن يطرح أيًا منهما على مائدة النقاش رؤى بديلة للفن القائم، في مواجهة واقع جديد .

وسارت الثورة، وسار المسرح معها، مغمض العينين حينًا، مواكبًا حينًا آخر، خالقًا من حركته أجيالا جديدة، حاولت بجهد شبابها الواعى أن تتماشى مع حركة الشعب الثورية، وأن تعبر عن طموحاته وانتكاساته، وأن تستشعر نبضه الفرح في انتصاراته والمتألم في هزائمه، ومن ثم انتقلت مسيرة المسرح المصرى عبر سنوات الثورة من التغاضي فالمواكبة، إلى التماس فالمواجهة .

مرت الثورة منذ قيامها إلى أحداث مارس ١٩٥٤، بمرحلة أولى للتبلور والبحث عن اتجاه، وسط خضم هاثل من الأحداث

المصيرية، غاب المسرح المصرى معها عن المتابعة فضلا عن المشاركة، ودارت مسرحيات موسمى الفرقة القومية ٥٢/٥٢ (١٨ عرضًا) و٥٣، ٤٥ (٢٨ عرضًا) حول ميلودرامات يوسف وهبى الزاعقة، وتاريخيات عزيز أباظة وباكثير الهاربة من قضايا الواقع الساخنة، وهزليات سليمان جميل وفتوح نشاطى المقتبسة عن الفودفيلات الغربية أو المنتهجة نهجها، ولم يشذ عن هذا التيار سوى مسرحية واحدة فقط قدمت لمواكبة المسيرة الجديدة، وهي مسرحية (كفاح شعب) التي كتبها محمود شعبان و أنور فتح الله، وأخرجها نبيل الألفي مفتتحًا بها موسم فرقة المسرح المصرى الحديث الشابة في موسم ٢٥/ ١٩٥٢، وسرعان ما عادت الفرقة بعدها إلى خطها السابق للثورة لتقدم: (ست البنات) و(بنت الجيران)، وكأنها اكتفت بما قدمته مشاركة بالمنطق الوظيفي في الأحداث الدائرة .

وحتى التجربة الجادة والأكثر صدقًا في مواكبة حركة الثورة، بعكم شبابية أصحابها، وهي فرقة المسرح الحر التي تكونت من الدفعات الجديدة لمعهد التمثيل العربي، والتي لم تستطع الالتحاق بالشعبة الثانية (الشبابية الأكاديمية) من الفرقة القومية، فقررت أن تكون فرقة أهلية أعلنت عن نفسها في ٣٠ ديسمبر ١٩٥٢، وسعت لتواكب الثورة بتقديم باكورة عروضها (الأرض الثائرة) التي كتبها خريجا قسم النقد بالمعهد : محمد كمال هاشم وعباس الرشيدي، وأخرجها خريج قسم التمثيل عبد المنعم مدبولي، وذلك في يناير ١٩٥٢، ثم قدمت بعدها مسرحية (حسبة برما)

ل عزت السيد إبراهيم وإخراج مدبولي أيضًا في أبريل ١٩٥٣. وتؤكد هذه الاستثناءات القليلة أن المسرح في مصر، مع بدايات الثورة، كان منعزلا عن حركة الشارع الصاخبة، عجزًا أو تهيبًا، ولم تبرز في فضائه أية تلميحات لصراع الواقع، ولم يستطع أن يشارك في الحوار الفكري والسياسي حول مسيرة هذا المجتمع وقتذاك.

فيما بين إبريل ١٩٥٤ و يوليو ١٩٦١، دخلت الثورة مرحلتها الثانية، حينما سارت من (حركة ثورية) تطيح بالعالم القديم إلى (نظام ثوري) يحاول أن يصنع عالمًا جديدًا في مواجهة العالم القائم بالفعل، ومع ذلك فلم تحسم الثورة موقفها من النظام القديم المعادى للشعب، واكتفت بضرب وإقصاء وعزل أقطابه السياسيين، دونما إقصاء للفكر والثقافة اللذين يمثلانه ويدشنان وجوده، رغم الغيبة الظاهرية القطابه، ومن ثم نقل المسرح هذا التجاور المتناحر بين الفكر القديم المسيطر إداريًا وفنيًا بوجوده السابق، والفكر الجديد الباحث لذاته عن وجود في أرض مازالت تضطرب لعدم وضوح الرؤية النظرية، وغيبة التنظيم الثوري القوى، فظلت أعمال عزيز أباظة و يوسف وهبي و على أحمد باكثير و توفيق الحكيم الذهنية مسيطرة على فضاء مسرح الفرقة القومية، بعد أن ضمت شعبيتها في منتصف عام ١٩٥٣ في فرقة واحدة باسم الفرقة المصرية الحديثة، وأسند إدارتها له يوسف وهبي، فسار بها في طريق الميلودرامات الزاعقة والهزليات الرخيصة، حتى يوليو ١٩٥٦. حين قام 'يحيى حقى' مدير عام مصلحة الفنون بإدارة أعمالها مؤقتًا ؛ ثم تم تعيين الضابط المثقف احمد حمروش مديرًا عامًا لها مع بداية العدوان الشلائي في أكتوبر من نفس العام الساخن،

فيتلازم حدث حاد مع تعيين عقلية وطنية مثقفة، خلال عرض مسرحية توفيق الحكيم ذات الرداء الفرعوني (إيزيس) والتي قام بإخراجها تبيل الألفى، فيتم إقصاء الترميز الفرعوني لقضية الحكم، لصالح الطرح الواعي لأعمال تتصدى للواقع وتتحدث بلغته، ويتم تقديم ثلاث مسرحيات من ذات الفصل الواحد لجماهير الشعب ظهرًا وبالمجان في دار الأوبرا القديمة، وهي : (صوت مصر) أول أعمال "الفريد فرج"، من إخراج "حمدى غيث"، و(عفاريت الجبانة) ثالث أعمال نعمان عاشور، من إخراج 'نبيل الألفى"، وقد سبق أن قدم له المسرح أول مسرحياته (المغماطيس) في أكتوبر ١٩٥٥ من إخراج إبراهيم سكر، ثم (الناس اللي تحت) التي أخوجها كمال باسين، وافتتحت بها فرقة (المسرح الحر) موسمها في أغسطس ٥٦ بمدينة بورسعيد، ثم توقفت بسبب العدوان الثلاثي على المدينة، وأعيد الافتتاح في مدينة القاهرة في يناير ١٩٥٧، ولازم ظهور "نعمان" و"الضريد" وقت ذاك، الكاتب الصحفي والقاص "يوسف إدريس" بمسرحيتيه القصيرتين (جمهورية فرحات) إخراج 'فتوح نشاطى' والتي قام الكاتب نفسه بمسرحتها عن قصبة قصيرة له، و(ملك القطن) إخراج "نبيل الألفى"، من خلال الفرقة القومية في نفس موسم ٥٦ / ١٩٥٧، ثم توالى ظهور أبناء هذا الجيل الذي اتفقت رؤيته مع رؤية الثوار، ومهدت أفكاره لقيامها ومسيرتها، ومنهم محمود السعدني بمسرحية (فيضان المنبع) إخراج احمد سعيد (فرقة المسرح الحر) ١٩٥٨، و لطفي الخولي" (قهوة الملوك) إخراج "نبيل الألفي" (الفرقة القومية) ١٩٥٨، و رشاد رشدى (الفراشة) إخراج صلاح منصور" (فرقة المسرح الحر) ١٩٥٩ .

وبلور هؤلاء الكتّاب في مفتتح العقد الستيني، ومع المخرجين الشبان الذين درسوا داخل وخارج مصر فن المسرح أكاديميًا، بلوروا أبرز مسلامح الجيل الجيديد في مجالي التاليف والإخراج المسرحيين، فقدموا في أعمالهم هموم وأفكار الزمن الجديد، متجاوزين مسرح الانعزال، ومسرح المواكبة، ليدخلوا إلى مسرح المشاركة الذي يتعرض لإيجابيات وسلبيات الواقع، الطارح للصراعات الطبقية، الحالم بمصر جديدة تمتلي بالحرية والانعتاق والرخاء، تجاوزا لأخطاء الماضي، وجبن الحاضر، مؤمنًا بأن ملوك اليوم هم جماهير الشعب العاملة، الذين لابد من حمايتهم بالسلام المسلح، لا السلام المستسلم، كل ذاك في إطار من الواقعية النقدية، التي بدأت تبرز وبقوة في روايات نجيب محفوظ وأفلام "صلاح أبو سيف" ومسرحيات "نعمان عاشور" وغيرهم .

وجاءت الستينيات قوية، فظهر سعد الدين وهبة وسط كوكبة من الكتاب والمخرجين ومصممى المناظر المسرحية المصريين، منهم ميخائيل رومان ومحمود دياب وصلاح عبد الصبور وسعد أردش وكرم مطاوع وحسين جمعة، وبرزت على المسرح موضوعات جديدة لم تكن مطروحة من قبل أو كانت تطرح بشكل مبتسر، وبدأت (تيمات) الصراع الطبقي بمفهومه العلمي تظهر واضعة، وبدأ الانحياز جليًا للجديد الذي تحمل لواءه الطبقة البرجوازية بشرائحها المتوسطة والدنيا والمنتمين فكريًا لها، ضد القديم الذي تمثله الشرائح المستغلة والمتعلقين بأذيالها، وتضاءل دور الصراع الأخلاقي المسطح بين الخير والشر، بين الأبيض والأسود، ليصبح في خافية الصراعات الاجتماعية والاقتصادية، ولم يعد انتصار

الخير قائمًا على قيم غيبية، وإنما بدأ البحث عن ضرورة تحقيق انتصارات له، تعتمد على القيم العلمية والموضوعية، كما بدأ (المجموع) يأخذ دوره فى فضاء المسرح كبطل قائد للحياة وصراعاتها، بدلا من دور (الفرد) القديم، كما بدأت الصياغة المسرحية تعتمد على الأساليب الواقعية فى التناول والبناء الفنى، واللهجة العامية الراقية، التى تتجاوز الهبوط المسف للغة الهزليات القديمة، كما أنها فى ذات الوقت، لا تتعقد أو تتجمد كلغة عزيز أمثالهما، إنها لغة الشعب الطامح المائزوات الراقي، ومن ثم بدأت تظهر على هذا المسرح أشكال من المائورات الشعبية كالأمثال والأغانى والرقص الشعبى ارتباطًا بهذا التوجه الجديد للشعب.

في هذا السياق الاجتماعي والفكرى والسياسي ظهر مسرح سعد الدين وهبة لافتًا النظر إلى كاتب وطنى، خبر الحياة العملية وسط الريف، بعمله كضابط شرطة في الأرياف، وعمق رؤيته الفكرية بدراسته للفلسفة بكلية الآداب، وأمسك بحرفة الكتابة السهلة والمكثفة، عبر عمله الصحفي، وبدأ نشاطه الإبداعي بمسرحيته الأولى (المحروسة) في افتتاح موسم الفرقة القومية (المسرح القومي) في الأولى من ديسمبر ١٩٦١، واضعًا قدمه على أول طريق الإبداع المسرحي، ومقدمًا واحدة من مسرحياته الأربع الأولى الدائرة في أجواء المجتمع الريفي قبيل ثورة يوليو ١٩٥٢، عرث تلتها مسرحيات (كفر البطيخ) ١٩٦٢، و(السبنسة) ١٩٦٣، ثم (كويرى الناموس) ١٩٦٤، مفتشًا فيها عن الأسباب الاجتماعية والاقتصادية التي أدت لقيام الثورة، ورغم السمة الريبورتاجية التي اتسمت بها هذه الأعمال، والنغمة الساخرة الحادة المتسلة لأحداثه

الدرامية، والمتهكمة على وقائع اجتماعية بعينها، فإن هذه الأعمال بدورانها المستمر حول موضوع (الانتظار)، وبرصدها للشخصيات الإنسانية التى تختارها وتعمل على الكشف عن أعماقها، ترقى إلى مصاف الدراما الخالدة، التى تتجاوز حدود المكان والزمان، وتقبل التفسير فى كل عصر و مجتمع، وعبر معرض من الشخصيات الدرامية، نمطية وغير نمطية، تنتظر الذى يأتى ولايأتى، تؤكد على عن أن هذا الانتظار لذلك الغائب دوما هو انتظار مأسوى لامجدى، وأن العجز عن الفعل، أو الإقدام على الفعل الطائش كليهما يؤدى لثبات الحال على ما هو عليه، ولعدم القدرة على عبور الكوبرى، عبورًا من التخلف إلى التقدم، من العجز إلى الفعل.

بلور "سعد الدين وهبة" فكرته عن الانتظار بقوة في مسرحيته (كوبرى الناموس)، التي تدور وقائعها كنموذج دال، على حافة نهر النيل، وبداية كوبرى، تتجلى المدينة في طرفه الآخر، وتظهر بها مدخنة مصنع وبيوت عالية ؛ حلم ستينيات القرن الماضى المصرية بينما يبرز على الطرف الأمامى الجزء الظاهر من القرية المصرية قبل الثورة، حيث ينتظر الكل على حافته ذلك الانتظار اللامجدى : قبل الثورة، حيث ينتظر الكل على حافته ذلك الانتظار اللامجدى : الدكتور الفلاسكي الذي عاش حياته الى جوار هذا الكوبرى وارتبط به ويعيش عليه منتظرًا عودة قرده (أشرف) الذي فر منه دونما سبب يعرفه، والشيخ "عبد الأحد" الدرويش الذي جاء لهذا الكان بحثًا عن "عبد الموجود" فلم يجده، ومازال ينتظره، والأم التي غرق ابنها في النهر، أثناء إحدى المظاهرات المطالبة بتحرير الوطن، ومازالت تأتى يوميًا إلى حافة النهر تنتظر عودته، ثم خضرة " بائعة الشاى للمنتظرين على الكوبرى وعابريه، وهي محور حركة الشخصيات ورمز انتظارهم، قادمة من مكان ما بارض

الوطن، ربما ريفه الجميل المستغل، إلى الكوبرى انتظارًا لشخص ما يحتويها ويقدر ما تحمله في أعماقها من حب للعالم وعطاء بلا حدود، وهي موقنة بأن ذلك الغائب سيجيء يومًا من أعماقها، فريما حملت به، أو مازال في أحشائها تنتظر ولادته .

خضرة "هى الوجود القوى، والقلب الجسور، يلتف حولها المنتظرون والسائرون فى الطريق الخاطئ، ويهفو إليها خميس "صاحب الكشك الذى طلق زوجته أملا فى الزواج منها، بينما تميل هى ناحية طالب الطب سامى"، ذلك المشاغب الصغير الذى انضم لإحدى خلايا الاغتيالات الفردية، ووقع تحت تأثير قائده، فقتل أحد الساسة باتهام عام بأنه شرير، فتحول من ثائر إلى متمرد، ومن وطنى إلى إرهابى، وصار فارًا مذعورًا يختبئ بأسفل الكوبرى، حتى يقبض عليه فى نهاية المسرحية.

الكل اختار الطريق الخاطئ، والأمل معلق بمستقبل مجتمع المسرحية، بينما يظل الأمل مطروحًا بين يدى مجتمع المشاهدين، فالمسرح لا يقدم واقمًا محددًا كما هو، وإنما هو يطرح السؤال المهم: ما العمل في واقع مثل هذا؟ ويشخصيات مثل تلك ؟ وتجيب المسرحية في محصلتها الكلية : إن هذا الواقع لا تغيره شخصيات هامشية عاجزة وفاقدة الوعى بالاتجاه الصحيح، وإنما تغيره عقول فعالة وفاعلة .

ينلق "سعدالدين وهبة" بهذه المسرحية ملف الماضى الذى كان يرصده بعيون حاضرة، ويبدأ فى الكتابة عما يحدث فى الواقع الآنى، وعما يهتز به واقع منتصف الستينيات، فتأتى (سكة السلامة) ليفتتح بها (المسرح القومى) عام ١٩٦٥، مقدمًا شخصياته

بعد أن عبرت الكوبرى، وراحت تحقق حلمها بنفسها، غير أنها ضلت الطريق الصحيح نحو تحقيق هذا الحلم، نظرًا لغياب الأب في (بيسر السلم) ١٩٦٥، بعد أن أصيب بالشلل، وصارت إرادته معاقة، فراحت تعيش في (كوابيس في الكواليس) مايو ١٩٦٧ ، مما أدى لحدوث الهزيمة العسكرية المدوية، ونثر (المسامير) بأرض الوطن، فجاءت هذه المسرحية الأخيرة (مارس ١٩٦٨) كاستجابة فنية مباشرة لوقائع الهزيمة، وإن عادت بوقائعها لزمن ثورة ١٩١٩ الجماهيرية، لتستمد من مقاومة الماضي قوة لرفض هزيمة الحاضر، ومعها يكتب وهبة ثلاثة نصوص رفضت الرقابة عرضها وهي : (سبع سواقي) التي تقدم مجموعة من شهداء ٦٧ الجنود يعودون ذات يوم لمحاكمة من دفعهم للموت دون حرب قتال حقيقي، و(الأستاذ) ١٩٦٩ التي لجأت لزمن موغل في القدم، لتقدم فانتازيا الصمت والبكم في مجتمع لن يتقدم إلا بهما، ولم تعرض هذه المسرحية إلا عام ١٩٨٠ من إخراج المثل جميل راتب، وأخيرًا (إسطبل عنتر) والدائرة وقائعها بمصحة للأمراض النفسية والعقلية، فتختلط داخلها شخصيات الواقع بأخرى قادمة من سجلات التاريخ مثل أخناتون وصلاح الدين الأيوبي وهتلر وأحمد عرابي وسرحان بشارة سرحان وشهرزاد وجان دارك، مما يتيح مفرصة للكاتب بقول ما يريد قوله دون محاسبة، ومع ذلك أوقفت الرقابة بروفاتها ورفضت عرضها .

مع السبعينيات تأرجع موقع وهبة داخل نظام غير مستريع المستويع وافكار جيله، كما تأرجع إبداعه بين عروض لفرق القطاع المتحاص التجارية : (سند الحنك) ١٩٧٢، (٨ ستات) ١٩٧٧ ، (سبع

ولا ضبع) ١٩٧٧، ومسرحيات معدة عن روايات لمناسبات وطنية: (رأس العش) و(مصر حبيبتى) أكتوبر ١٩٧٤، فضلا عن مجموعة من المسرحيات القصيرة، كتبها "وهبة" في فترة إزاحته من وزارة الثقافة، وعمله بجريدة الأهرام، أواخر ١٩٧٧، ونشره نصوص هذه السرحيات أسبوعيًا بها، وجمع معظمها في مجلد واحد حمل اسم واحدة من نصوصها وهي (الوزير شال الثلاجة).

جاءت (سكة السلامة) إذًا لتعلن بداية مرحلة جديدة في عالم (سعد الدين وهبة) المسرحي، ونقلة مهمة في رؤيته للعالم، دون أن تجتث جذورها المؤسسة في أرض الواقع، ودون أن تقول كلمتها الكاملة، فقد مهدت الطريق لإلقاء الضوء على ما جرى فيها، فيما برز من أعمال لاحقة لها، وأعلنت عن نفسها بالعنوان الدال (سكة السلامة)، والذي ينعش ذاكرة المتلقى ويوجهه نحو القصة الشعبية المعروفة والدائرة حول الشاطر حسن وطرقه الثلاثة : سكة السلامة وسكة الندامة وسكة الذي يذهب دون عودة (اللي يروح ما يرجيعش)، وهي السكك أو الطرق الذي وقف أمامها "الشاطر حسن في الحواديت القديمة، وكان عليه أن يختار السير في أحدها لكي يأتي بما ينقذ ست الحسن والجمال من الشر المحيط يها، وهو ما يلقى يظلاله على سيل تلقى النص الدرامي وتفسيره، فالعنوان هو الفاتح لأبواب النص الدرامي، والمهد لتفسيره، وعليه فنحن أمام نص يهفو للبحث عن طريق السلامة ، والبعد عن أية طرق أخرى تؤدى للضياع، مما يوحى بشعور كامن بوجدان الكاتب، وهاجس يطارد فكره حول وجوده ووجود مجتمعه في هذه اللحظة الفارقة من تاريخ وطنه، فالنظام السياسي قد أخذ بطريق التحول

إلى الاشتراكية، باعتبار أن الحل الاشتراكي حتمي للخروج من أزمات المجتمع شبه الرأسمالي، ولتحقيق العدالة الاجتماعية بين شرائحه وطبقاته، وذلك منذ يوليو ١٩٦١ وقوانينها الشورية، وصياغة إيديولوجية النظام في (الميثاق الوطني) ١٩٦٢، وإيقاف العمل بقانون الطوارئ في مارس ١٩٦٤، وتجدد الأمل في معرفة (طريق السلامة) للوطن المتأجج بالأفكار والمشاعر والإبداع معًا، وهو طريق طرح نفسه على عقول المبدعين المصريين زمنذاك، وكانت رواية تجيب محفوظ الشهيرة (الطريق) ١٩٦٤ أنضج صور هذا البحث المضني عن طريق السلامة روائيًا، وكانت مسرحية هذا البحث المضني عن طريق الحكيم نموذجًا تعليميًا لتحديد (شمس النهار) ١٩٦٤ لتوفيق الحكيم نموذجًا تعليميًا لتحديد الطريق الذي على الحاكم أن يتخذه إزاء مجتمعه، بعد أن قرر في (السلطان الحائر) ١٩٦١ أن يمتثل لقوة القانون بدلا من النشوة بخمر السلطة، وكانت (القضية) ١٩٦٤ للطفي الخولي تدعو لطريق التغيير الجذري، منادية بهدم البناء باكمله وإعادته من جديد، بدلا ومن ترميمه ظاهريًا.

جاء فضاء المسرح في مفتتع مسرحية (سكة السلامة) صحراويًا جافًا، يتموضع في صحراء مصر الغربية، بالقرب من منطقة العلمين التي جرت فيه الموقعة الحربية الشهيرة تاريخيا في اكتوبر ١٩٤٢ بين القوات الإنجليزية التي كانت تحتل مصر، والقوات الألمانية القادمة لاحتلال الوطن الممزق خلال الحرب العالمية الثانية، وتمزق معها عقل المجتمع المصرى بين من يكرهون الإنجليز ويسمون لتحرير عقل المجتمع المملكة المتحدة، ويأملون في قوة عظمى تتوب عنهم البلاد من قبضة المملكة المتحدة، ويأملون في قوة عظمى تتوب عنهم في هزيمة الأسد البريطاني، فينادون بتقدم "روميل" قائد الجيش في هزيمة الى القاهرة، وبين من يرون أن الألمان ليسوا أفضل

من الإنجلين، وأن الحل هو تحسرير الوطن بأيدى أبنائه من كل المحتلين، لذا عملوا على القيام بثورة ١٩٥٢، وأجبروا الإنجليز على الجلاء في يونيو ثم الاندحار في ديسمبر عام ١٩٥٦ .

في هذا الفضاء الصحراوي المقطوع عن الحياة، والوقت غروب يؤذن بإقبال الليل تدريجيا، ويوحى بخواء العالم، وكأننا في مفتتح مسرحية (في انتظار جودو) للفرنسي صمويل بيكيت وعالمه العبثي، هذا العالم الذي دشنت فرقة مسرح الجيب وجوده في ذاكرة المسرح المصرى، بتقديم مسرحيته (لعبة النهاية) في باكورة عروض هذه الفرقة عام ١٩٦٢، وأثارت بين الناس حديثًا صاخبًا حول جدوى مسرح (العيث) الأوروبي عدمي الرؤية، والرائي بأن لا خلاص للعالم، حيث انعدم كل شيء حوله، وغاب إلى الأبد المخلص المنتظر، ويقدم في مجتمع يهفو لتغيير ذاته والعالم برؤية متفائلة، ويرى أن المخلص قد جاءه، في موعده مع القدر، وقدمت له الأغاني مطالب الشعب لكي يحققها له، لهذا كان غريبًا أن تبدأ بهذا الصورة مسرحية لكاتب قدم من قبل أعمالا منغمسة في تربة المجتمع، ومنشغلة بهموم القرية، ومنبئة بحدوث الثورة التي حدثت وتعمل عملها في الواقع، مما جعل المسرحية فتحًا جديدًا في مسرح سعد الدين وهبة ومرحلة مغايرة، دون أن تخرج عن سياق رؤيته الكلية للعالم .

فى سيارة عامة تخرج من القاهرة متجهة إلى الإسكندرية، فى رحلتها اليومية المعتادة، تحمل داخلها نماذج من شرائح اجتماعية متعددة، ويقودها سائق (عامل) فى أول رحلة كبيرة له، فيضل الطريق نحو وجهته التى قصدها منذ بداية الرحلة، وذلك لتضليل

الصحفى (المثقف) له، حيث يرشده نحو طريق مغاير لأسباب شخصية بحتة، أو لنقل فئوية تحقق له الوصول إلى مرماه بغض النظر عن أهداف بقية ركاب العربة / المجتمع، وهو موقف عملى لا يختلف عن بقية مواقف ركاب العربة، والذين يكشفون عن معادنهم الرديئة في موقفين دراميين أساسيين، الأول حينما تصلهم عربة (فنطاس) بها سائق ومقعد واحد فقط، فيتتازعون الحصول عليه، الا أن يحرق أحدهم (المحامي) العربة بأكملها، وثانيهما حينما يصلون لبئر ما وسط مجموعة من الآبار، التي تشير لافتة أطاح الهواء بها إلى وجود بئر سامة من بينها، فيتتازعون عملية الهروب من عدم الإقدام على شرب الماء، حتى لا يخسر أي منهم حياته، وأن ضحى بالآخرين من أجل بعيش هو وحده .

دراما شديدة المرارة، رغم أجوائها المرحة، وشخصياتها الساخر منها مؤلفها، وحتى رغم نهايتها السعيدة التى تنهى مسيرة ركاب العربة، بوصول (عسكر) الحدود لإنقاذهم، دون أن تصل بهم لطريق الآمان، وإن غيرت الرحلة من رؤى بعض شخصياتها، وهو تنيير في مجمله أخلاقى، ويظل التغير الاجتماعى والسياسى مطروحًا في مجتمع التلقى أكثر منه في مجتمع النص، وتبقى المرارة واقفة عند حدود الأمل في تغيير نفسيات الشخصيات لوسلوك الشرائح الاجتماعية، دون أن تسقط في هوة العدمية، لذا لم تتعامل الحركة النقدية مع هذا النص الدرامى باعتباره مناهضًا لحركة المجتمع ونظامه الثورى، أو هو نقد من خارج السياق، بل اعتبرته نقدًا لفساد ورثه المجتمع من أزمنة سابقة، وانحراف أخلاقي ناتج عن عدم تماسك المجتمع اجتماعيًا، وعدم بلورة الطريق الصحيح نحو المستقبل.

سكة السلامة

الشخصيئات

سـوسـو: ممثلة درجة ثانية . في الثلاثين قــرتى: ريجيسير . فوق الخمسين سليمان : سائق البولمان . يقترب من الستين عــويس: سائق البولمان . يقترب من الستين حــسين : رئيس مجلس إدارة . في الخامسة والأربعين فــكــرى: صحفى . يقترب من الثلاثين أبو المجد : محام . في الخامسة والثلاثين محمد : موظف بشركة . في الثلاثين الهـــام : زوجة . في الخامسة والعشرين جــلـنـار : سيدة فوق الخمسين عـــمــان : عمدة في الستين عـــمـان : عمدة في الستين فــــوح : شاب في الثانية والعشرين المماعيل : تاجر . فوق الخامسة والستين رفســوان : حارس قبور . في الستين رفســوان : حارس قبور . في الستين رفســوان : حارس قبور . في الستين رفســوان : حارس قبور . في الستين

الفصل الأول المشهد الأول

المنظر:

قطعة من الصحراء الغربية. مكان فسيح. على حدود البصر تمتد الرمال والوهاد والجبال .. لا يبدو من أى جهة أثر للحياة.

لا يوجد طريق معبد أو مرصوف أو نحوه .. واضح أن هذا المكان بكر.. مقطوع عن الحياة تمامًا. يمكن أن توجد على بعض الوهاد أعشاب شوكية مما تنبته الصحراء. ولكنها قليلة جدًا وجافة.

الوقت في الغروب. الرؤية واضحة. يتقدم الليل ويظلم المسرح أثناء تقدم أحداث المشهد .. يظهر القمر والنجوم.

السماء عندما يتقدم الليل صافية جدًا ..

الوقت صيفًا.

(يرفع الستار والمسرح مضيء بضوء الغروب وخال تمامًا.

مقدمة موسيقية هادئة جدًا لمدة دقيقتين. والمسرح خال. تتوقف الموسيقي فجأة أي أن اللحن لا ينتهى نهايته الطبيعية، ثم يسمع

صوت سيارة من الناحية اليسرى للمسرح، يظهر من الصوت أن السيارة تسير في طريق غير معبد، فحركة صعودها وهبوطها واضحة من صوت السوست.

وصوت المارش واضح وواضح كذلك أنها سيارة كبيرة .. يستمر الصوت مع خلو المسرح تمامًا. وفجأة يسمع صوت سقوط السيارة فى حفرة.. ويختلط صوت السقوط بصوت صراخ حاد.. وزعيق.. أصوات مختلفة.. استغاثات وبكاء ..

وأثناء ذلك يندفع بعض الغبار إلى المسرح من الناحية اليسرى مختلطًا بدخان السيارة.

تسكن الأصوات. صوت نحيب ضعيف يأخذ في الخفوت حتى يصمت تمامًا. تمر عدة ثوان وكل شيء صامت والمسرح خال. وفجأة يدخل من الناحية اليسرى ركاب السيارة متتابعين على الوجه التالى:

يدخل الأستاذ فكرى الصحفى ... وجهه ممتقع ... يعرج وهو يسير ويحدث نفسه وهو يقطع المسرح ثم يجلس على مكان مرتفع). فــكـــرى: آه ... آه يا جنبى ... يعنى لو كنت مت دلوقت ولا رحت فى داهيه كان يبقى كويس ... آدى شورتك يا أستاذ عبد السميع ... شورتك المهببة ... آه ... آه ...

(يدخل العمدة الشيخ عثمان رافعًا أصبعه إلى السماء واضعًا يده الأخرى على صدره)

عشمان: يا لطيف ... يا لطيف ... يا لطيف الطف يا رب يا رب ارفع مقتك وغضيك عنا يا رب ...

(يشاهد الصحفى فيتجه إليه ويقف قبالته)

عشمان: احنا فين يا ابنى .. ؟ هه ... احنا فين ...

فكرى: احنا فين ؟؟ في الجنة ..

عشمان: الجنة ؟ بسم الله الرحمن الرحيم ... جنة إيه يا ابنى إلهى لا يسيئك ...

فـكـرى: ودا سؤال تسأله يا حضرة... ما انتاش شايف احنا فين؟ عشمان: ما انا شايف كل حاجه ... بس يعنى الحته دى ... الحته دى اسمها إيه ؟ ف كرى: اسمها صحرا .. وبالنحوى صحراء ...

عشمان : كده ... تشكر على كل حال ... (يختار له مكانًا ويجلس)

(تدخل السيدة جلنار وهى تكاد تسقط من الخوف) جلنار: خد ايدى يا ابنى منك له ... آه ... آه ...

(يسرع عثمان وفكرى فيصحبانها كل من يد ويجلسانها وهي تتأوه وتتحدث)

جلنار: یا خرابی یا خرابی ... ما عدش فیه حته علی بعضها خــلاص ... مت ... رحت مــا خــلاص ... الله یرحمك یا جلنار ... حتموتی فی شبابك یا حبیبتی

عشمان: بعد الشريا ست هانم... حضرتك كويسه والحمد لله... جلنار: أشعه ... عايزه أشعه تكشف عليَّ من جوه

عشمان: دلوقت نشوف حد معاه أشعه والا حاجه تكشف من حوه ...

جلنار: یا خرابی ... یا خرابی ... دا انا مت خلاص ... قلبی وقع من ضلوعی

(يدخل قرنى الريجيسير وهو مخضوض)

قررنی: دا انا قلت إیه... قلت العربیة نزلت من سابع سما... لسابع أرض... أما حتة حفرة... إیه ده... یا ساتر استر. (بتحه إلى فكری)

قرنی: والنبی یا أستاذ شوف کده فی حاجه مکسوره والا
 حاجه.

(يستدير أمامه) كده مش على بعضها

فكرى: حاجه مكسورة ... وانت مش حاسس

قسرنى: أبدا وحياتك انا ساعة البتاعه ما طبت قلت عليك العوض يا قرنى واتهيألى إن جتتى كل حته راحة فى ناحيه رجلى فى ناحيه ووركى فى ناحيه وراسى فى ناحيه.

فكرى: لا ما تخافش ... كله مظبوط ... كل حاجه مطرحها

قــرنى : كده ... جت سليمه يعنى ؟ بركاتك يا ام العواجز.

(يدخل إسماعيل التاجر وهو يحمل حقيبته ويسير وحده ويجلس وحده)

اسماعیل: (یحدث نفسه) دا مش کلام ... الطف بینا یا رب ... یا رب سترك ... یا رب لطفك یا رب عفوك ...

(تدخل إلهام ومحمد معتمدين على بعضهما ثم يقفان متقابلين)

(إلهام تعدل له من الكرافتة ومحمد ينظم لها شعرها)

الهام: اوعى تكون حصلت لك حاجه يا حبيبي

محمد : الحمد لله ما فيش ... وانتي ... حاسه بحاجه ...

الهام : أنا حاسه بحاجات كتير

محمد: حاجات كتير ... ؟ إيه ...

الهام : حاسه إن انا باحبك ... باعبدك ...

(يبتسم ويقرصها في خدها)

محمد : الحمد لله جت سليمه ... بس إياك يكون الركاب كلهم سلام عشان ما نتعطلش. (يدخل فتوح باكيًا)

ف توح: ودينى وما اعبد دا حرام ... أنا كنت نايم ... وكنت باحلم كمان ... تقوم العربية تقوم واقعه وأنا نائم ...

مش کان تستنی لما أصحی ... ودینی دا حرام

قرنى: المرَّه الجايه ابقى ادى المطبات خبر

ف توح: مطبات إيه ... دا احنا وقعنا من فوق المدنه

عشمان: المدنه ؟

فتسوح: آه ... المدنه بناعة الجامع ... كبيرة قوى (يدخل المحامى الأستاذ أبو المجد يصرخ)

أبو المجد : دا كلام فاضى ... دى فوضى ... لازم نرفع قضيه على الشركة والسواق الأعمى اللى كان حا يودينا في داهيه.

عشمان: ربنا ما يجيب قواضى ...

أبو المجد: ليه...؟ التذكره دى تعاقد ... تعاقد بين الشركة والراكب على توصيله لمكان معين في ساعة معينة والشركة.. أخلت بالتعاقد لا وصلنا ولا حاجه ... دا غير الإصابات

ف کری: يظهر إن ما حدش أصيب ...

أبو المجد: لسه بقية الركاب

فتسوح: ما حدش اتصاب إزاى ... أنا اتصبت ... صابتنى عين ... آى والنبى عين عين وصابتنى ... عين وحياتك

يا فتوح ...

قرنى : أما تروح ابقى خلى ماما ترقيك ...

فــتــوح: انا مش رايح لماما ... انا رايح لأصحابي

قـــرنى: ابقى قول لأصحابك يرقوك ... عشان العين

(يدخل حسين رئيس مجلس الإدارة)

حــسين: لابد من تحديد المسئولية... أنا كنت حاروح فيها... دا مش كلام دا مش كلام أبدا.

(يدخل الأسطى سليمان السائق ويسير هادئًا جدًا وهو يعرج ويمسك وسطه ... يراه الجميع فيلتفون حوله ولكنه يستمر في سيره ثم يجلس ويجذب شهيقًا عميقًا ثم يخرج علبة سجاير ويلف سيجارة ويولعها)

سليمان : الحمد لله ... جت سليمه النوبة ... حد فيه إصابات ... حد حصل له حاجه.

فــتــوح: أنا اتخضيت ...

سليمان : باقول إصابات

جلنار: أنا جتتى مش على بعضها ...

سليمان : يبقى يلزمك زار.

فـكـرى: يظهر ما حدش حصل له حاجه.

سليمان: الحمد لله.

حسسين: دا ما يمنعش أنك مستول طبعًا عن أى إصابة تظهر بعد كده.

ابو المجد : دا غير تعطيل مصالح الناس.

سليمان : (لحسين وأبو المجد) اسمع يا فندى منك له... أنا ما باكلش من شغل البوليتيكه بتاعكم ده... فاهمين حــسين: بلوتيكه ... أنت بتتكلم إزاي.

سليمان : باتكلم عربي اهوه ...

أبو المجد : بقى تعمل دا كله وبعدين تقول بولتيكه.

سليمان: أناعملت إيه:

قرنى : المصيبة اللي احنا فيها دى مش عمله ...

سليمان: أنا كنت سايق في أمان الله هي اللي وقعت ...

حــسين: لوحدها

سليمان : أمر الله ... حاعمل لها إيه بقى ...

قــرنى: طب قوم بقى شوف لك صرفه وخلصنا ... ورانا شغل وورانا سيما ... مصالح ... أعمال ...

سليمان : طول بالك هي الدنيا طارت ...

حـسين : إزاى ما طارتش ... قوم ... قوم خلينا نمشى.

سليمان : أنا لسه مش عارف أتلم على نفسى

أبو المجد: واحنا اللي عارفين

سليمان : يبقى خلاص ... نرتاح كلنا شويه ... دا حتى الدنيا طراوه هنا قوى.

قــرنى : طراوه إيه يا جدع انت ... قوم ورانا مصالح ...

سليمان : يا فندى طوّل بالك الدنيا اتخلقت في سبع تيام.

محمد : معلش يا أسطى قوم وامشى على مهلك وأنت ترتاح في العربية.

> قـــرنى : لسه حا يمشى على مهله (أبو المجد ينظر في ساعته)

- ** -

ابو المجد : دا كان مفروض نكون وصلنا إسكندريه من ساعتين دلوقت ... (للسائق) انت كنت سايق إزاى ...

سليمان: إزاى ... زى الناس ... رجلى اليـــمين على البنزين ورجلى الشــمال قــريبـة من الدبرياج وايدى على الدركسيون وعيني على السكه ... إلا سابق إزاى

أبو المجد: أنت بتستعبط طب قوم

سليمان : طوّل بالك.

(يقف ويبدأ في عد الركاب بصوت مرتفع)

سليمان : واحد ... اتنين تلاته ...

فـ كـرى: ما فيش حد ناقص قوم ...

قــرنی: سیبه یا فندی یعد ... هو احنا مش عهدته برضه ...

سليمان : (يتوقف عن العد) غلطتنا يا شيخ ... (ويعد مرة أخرى) واحد ... اتنين ... (حتى يصل إلى عشرة) فيه راكب ناقص.

حسين : راكب ناقص ...(يدورون ببصرهم)

سليمان : أيوه ... هى ... هى مفيش غيرها ... أحسن تكون فطست تحت العربيه ...

قرنی: فطست ... هی مین ...

سليمان: الوليه اللى وسطها سايب ... اللى سيبت وسط العربيه قــرنى: يا نهار أسود ... دا صحيح ست سوسو مش هنا يا نهار

أسود...

(ويتأهب للسير بحثًا عنها)

فتوح: ما تخافش ... دى راحت للكوافير وزمانها جايه

قــرنى: كوافير

فــتــوح: قاعده جنب العربيه ونازله توضيب في خلقتها تقولش راحة الاستقبال ... سم ... قال ممثلة قال

حسين : هي الست دي ممثلة ؟

فكرى: أيوه ممثلة ...

قــرنی : أمال یا أستاذ ... دی بطلة فیلمین كبار ...

حسسين : ممثلة سيما ...

قـــرنى : ومرسح وكل حاجه .. على ودنه ...

ف کری: دی اللی مجوزه الراجل العجوز ده ... اللی کان بیشتغل فی الرابش ...

قسرنى: عن إذنكو أروح أشوفها دى عهدتى ... عهدتى أنا
(ويتأهب للخروج فتدخل سوسو ... تحمل بيدها راديو
ترانزستور مفتوحًا تنبعث منه موسيقى راقصة تترقص
وهى تمشى ولا تعير الموجودين أى التفات ... انظارهم
تلاحقها وهى تقطع المسرح من اليسار إلى اليمين ثم
تجلس وتضع الراديو أمامها وهو مفتوح ثم تبدأ في
التزين)

(قرنى يتجه إليها)

قسرنی: أنتی جیتی یا سوسو ... خضتینی ... أنا والنبی اتخضیت.

سـوسـو: (دون أن تلتفت إليه) قلبك فيه السلامه

قـــرنى: سليمه والحمد لله.

سوسو: سليمه.

(يتركها قرنى ... الجميع ينظرون إليها)

فـتـوح: سم.

(وقرنى يتجه للسائق)

حسسين: يا للا يا أسطى بقى ... يالله شوف لك صرفه ورانا مصالح وكلنا والحمد لله سلام.

(السائق لا يرد)

قـــرنى: يا جدع بيقولك يالله ... ورانا مصالح ... سيما ... هى السيما بتستنى حد ... حتودينى فى داهيه دا اول المخرج ما يقول كلاكيت خلاص ... اعمل معروف ... ورانا فن ... ورانا ناس عايزه تتفرج.

سليمان : (يقف) استعنا على الشقا بالله ...

(يسير ويسير الجميع خلفه وتبقى على المسرح سوسو وجلنار وإسماعيل حامل الحقيبة ... بعد خروجهم تقف سوسو وترقص لمدة ثوان ثم تنظر حولها وترفع بصرها إلى السماء وتشاهد النجوم وتبدأ في الحديث وحدها).

سـوسـو: يا سـلام.. الليل... والنجوم... أنا طول عمرى باحلم بده.. باحلم أنى أقضى ليلة فى الصحرا... حولى رمل... وفوقى الليل والنجوم... مفيش عربيات. مفيش حيطان وبيوت... مفيش أسفلت ودخان... مفيش غير الليل... النجوم دول كلهم بتوعى... بتوعى أنا... لأ... مش كلهم

- -

سكة السلامة

- جلنار: (تتنبه إليها) أنتى يا شابه ... بتكلميني ...
- سوسو: (ولا تشعر بجلنار) أيوه ... انتى ... أنتى صاحبتى ... من زمان ... واحنا لسه صغيرين ... وأنا لسه صغيرة. فاكرة ... فاكرة لما كنت بابص لك من الشباك... فاكرة لما كنت باعيط واشتكى لك.
 - جلنار: أنتى يامدام ... دى باين عليها اتهفت في مخها ...
- سـوسـو: (لنفسها) أنتى زعلتى منى ... زعلتى منى ليه ... أنا بقالى كتير ماشفتكيش ... طب أعمل إيه ... ما أنتى عارفة... دخان وكحه ودوا ... وناس ناس كتير.
- (تدخل المجموعة وعندما يشاهدون سوسو يقفون ينظرون إليها وهي غير شاعرة بهم ثم يتقدمون إلى وسط المسرح وهم صامتون).
- سـوسـو: طب أعمل إيه ... أنا عايزه أجيلك ... عايزه أطلع لك
 ... ساعات باحس انى أقدر أطلع لك... وساعات باحس
 أنى رجلى فيها رصاص وأنا مش قادره حتى أمشى ...
 (تلتفت حولها ثم تشاهد المجموعة فتسير إلى قرنى
 تجذبه من ذراعه).
- سوسو: قرنى ... شوف ... شوف النجوم ... شوف الليل فى الصحرا جميل إزاى ... آهى دى النجمة بتاعتى ...
 - قــرنى: أيوه ياختى ربنا يخليها لك ...
- (يتأملها ويلتفت إلى المجموعة ويشير بيده علامة أنها مجنونة).

سـوسـو : يا سلام ... طول عمرى باحلم أنى عايشه فى الصحرا ... وحولى الرمل والليل والنجوم.

(تترك قرنى وتتجه إلى أقصى اليمين فيعود إلى المجموعة ويتحدث وكأنه يعتذر لهم).

قسرنى: دى حالات ... أصل بتوع الفن دول أنا عارفهم ... ساعات تبقى عين العقل ست كُمَّل وراسية كده وساعات زى ما أنتو شايفين ... الجنون فنون ... أمال.

سليمان : وكتاب الله الوليه دى نحستنا.

قـــرنى : والله ماحد نحسنا غيرك ...

سليمان: أنا من طلعة النهار عينى رفت ... وأول الوليه دى ماركبت العربية أنا قلت جالك الموت يا تارك الصلاه.

حــسين: دلوقت فهمنا ... أنت رجعت ليه ... سبت العربية ليه. كده ...

سليمان : (يتركهم ويسير ليجلس وهم يسيرون ويلتفون حوله ... سوسو تقف مشدوهة ناظرة إلى السماء ، والراديو تنبعث منه الموسيقي).

قــرنى: يا جدع ورانا أعمال ... سينما ... على ودنه ...

عشمان: اعمل معروف يا أسطى ... ورانا مصالح ... ورانا أشغال ... الواد عايز يخش الهندزه ... محكم رأيه ...

وناقص له نص نمره.

أبو المجد : انطق ... ما صلحتهاش ليه. سليمان : موش مصلحها. حسين : ليه ... مش عارف ...

سليمان : أيوه ... مش عارف اشتغل ...

فـــــوح: طب ما تشتغل يا أخويا حد حايشك.

عشمان: قوم سمى كده ورينا بساعدك.

حــسين : مش عارف تشتغل ليه ...

سليمان : (يهب واقفاً) عشان بقيتوا كلكم ...

ما تسكتوا البتاع دا خلونا نعرف نتكلم.

(ويشير إلى الراديو فيسير قرني إلى سوسو)

قسرنى : والنبى باست سوسو وطيه شويه ...

سوسو: (وهي مازالت في حلمها ناظرة إلى السماء).

أوطى من كده مافيش ... مافيش أوطى من كده...

اشتراني خلاص... اشتراني بالفلوس... والعربيات...

وبعدين كله راح...

قــرنى: أنا باقول الراديو ... الراديو.

سوسو: (تفيق من خواطرها وتنظر له متنمرة).

راديو إيه ؟

قـــرنى: توطيه شويه عشان نعرف نتكلم ...

سوسو: تتكلموا ... في إيه ...

قرنى : عشان نصلح العربيه ... أنتى مش برضه يهمك إن احنا نصلحها عشان نمشي.

سوسو: لأ ...

قــرنى: لأ ... مش عايزه تمشى.

سوسو: عايزه أعيش هنا على طول ... فى الليل والرمل ... قررنى: طب حيث كده بقى أدينا فرصه نصلح العربيه وبعدين نتكلم فى الحكايه دى.

(سوسو تسرع مرة أخرى ويميل قرنى يوطى الراديو ويعود إلى المجموعة).

قرنى: ادينى وطيته ... اتكلم بقى ...

سليمان : وكتاب الله مانحسنا غيرها .

حسين : يا جدع انطق عايز تقول إيه ؟

أبو المجد : ماصلحتش العربيه ليه ؟

سليمان : عشان بقيتوا كلكم أسطوات على فجأة ... ركب دى ... لأ السلك ده ... لا دا المسمار ده ... حتى الجدع أبو حماره (ويشير إلى العمدة) بقى يفهم فى العربيات كمان.

عشمان: تشكر على كل حال.

حــسين : يعنى عايز إيه ؟

سليمان : أروح أصلحها لوحدى ... ماحدش بيجى معايا ... تقعدوا هنا تستنظروني لحد ما أقولكم اركبوا.

أبو المجد: روح ...

قـــرنى : اتفـضل روح ... طول بالك على ... (يخـرج سليـمان السائق وحده)،

أبو المجد : ياباى ... إيه الرزاله دى ..

قـــرنى: يطول باله على سواق الكلب ده لما نوصل إسكندرية إن
 ماغطسته في البحر مابقاش أنا ...

فت وح: والنبي دا عايز الضرب على لبليه ...

فــكــرى: ما تتفضلوا يا جماعة تقعدوا ... واقفين كده ليه ...

(يجلسون في شبه حلقة).

فـــــوح: ما تيجوا نعملها "بكنك "....

عشمان: أكنك ؟

فكرى: الأستاذ قصده فسحه.

فـــتــوح: دا احنا مرة أنا وأصحابى عملنا بكنك فى السخنة إنما كان إبه ؟ لعننا لعب ...

عشمان: السخنة ... سخنة إيه يا أفندى ؟

فـــــوح: العين... السخنة مش عارفها ...

ف كرى: (ضاحكًا) والله دى فرصة سعيدة عشان نتعارف.

قــرنى: على رأى المثل إن طال الوقت على الركــاب يجــرى كلامهم فى سؤال وجواب بعد شوية يبقوا أحباب...

وآهى فاتت الشويه أهى (يضحك).

فــكــرى: أقدم لكم نفسى ... أنا فكرى عبد السلام صحفى فى دار الساعة.

أصوات: أهلا وسهلا ...

جلنار: حضرتك جرنالجي ...

فــكــرى: (بضيق) لاياهانم أنا صحفى ... مش جرنالجي.

جلنار: مش عارفه یا أخویا مابحبكمش لیه ؟

فــكــرى: حصل بيننا حاجه لا سمح الله.

جلنار: حشريين كده وتحطوا نفسكو في اللي ليكوفيه واللي مالكومش ... فـ كـرى: حضرتك بتقرى جرايد ؟

جلنار: باقرا جرايد ... دا الباشا الله يرحمه كان يقرا الجرنال كل يوم. ماكانش يجيب الجرنال إلا طازه بطازه.

فحرى: سعادة الباشا الله يرحمه ماجريش الملدن.

جلنار: الملدن ؟

فــكــرى: أيوه ... الجرنال البايت لو جربه سعادته ما كانش ساب الملدن أبداً وقرا الطازه.

(البعض يضحك).

عشمان: بقى حضرتك صحافي (بضم الصاد).

فكرى: ليه ... حضرتك زعلان أنت راخر م الصحافة ...

عشمان: لا يا عم ... تفوتني في حالة بس الله يكفينا شرها.

فــكــرى: وحضرتك بتشتغل إيه. عشمان: عمدة ... أبًا عن جد ...

فــكــرى: وجرى لك ايه كفى الله الشرم الصحافة بقى.

عشمان: خاربة بيتى ... كل يومين والتانى عشرة جنيه خمسة جنيه والحالة طين وأنت سيد العارفين.

فــكــرى: عارفين إيه خمسة جنيه إيه وعشرة جنيه إيه ؟

عثمان: بتاخدهم الصحافة (بضم الصاد) المحافظ سافر

المحافظ بسلامة الله رجع م السفر ... مدير التعليم بيجوز بنته الحكيمباشي عمته ماتت ... لسه الجمعه اللي فاتت بس دافع خمسة جنيه في طهور ابن رئيس الدنة.

فــكــرى: خمسة جنيه فى طهور ابن رئيس المدينة ... عشمان: أبوه ... شكر وتأبيد ...

فـ كرى: شكر وتأييد لرئيس المدينة اللي طاهر ابنه ؟

عشمان: الشكر للدكتور اللي طاهر الواد والتأييد لرئيس المدينة.

فـ كـرى: بمناسبة إيه ؟ تأييد بمناسبة إيه ؟

عشمان: ماقلتلك يا فندى بمناسبة طهور ابنه ...

فـكـرى: كده ...

عثمان: أيوه ... دى الصحافة بقت صعب ... صعب خالص.

فـــكــرى: وحضرتك ماقلتلناش بقى لك عمدة كتير.

عشمان: أكتر من خمستاشر سنة ولسه ناجح كمان في الانتخابات الأخرانية والواد ابني كمان نجح.

فكرى: في الانتخابات؟

عشمان: لأ ... في الشانوية وحب يخش الهندزة نقص له نص • نمره ... قلت ودى حكاية دى قالوا لازم استسنا ... سألت استسنا يعنى إيه قالوا واسطه سألت جماعة ولاد حلال زى حضرتك دلوني على أحمد بك اللي مناسب جماعة جنينه في الكفر دا مدير كبير قرى في الهندزة سألت عنه قالوا لي الحكومة كلاتها ع البحر

فى إسكندرية قلت سافر أزور أبو العباس وأشوف للواد النص نمره ... اللي معذور فيه.

ف كرى: (لأبو المجد)... والأستاذ لازم محامى.

أبو المجد: أيوه أنا أبو المجد الشيرادى محامى أمام الاستئناف العالى ومجلس الدولة. فكرى: (لحسين) وحضرتك ؟

حــسين: أنا حسين أبو السعود رئيس مجلس إدارة الشركة العامة للفلن ...

قـــرنى: وأنا قرنى ... اسم الشهرة ... إنما اسمى الحقانى ما اعـرفوش أنا طلعت لقيت الناس بيـقولوا لى روح يا قرنى تعالى يا قرنى بقيت قرنى ... وشغلتى ريجى في السيما والمرسح والتليفزيون.

عشمان: ريجا يعنى إيه ... لامؤاخذة يافندم.

قسرنى : ريجى يعنى ريجيسير وربنا يفتح علينا ونبقى وكيل عن قريب ...

عشمان: وكيل وزارة ...

قـــرنى: لأ ... وكيل فنانين ...

عشمان: ربنا يوكلك من بدرى.

فــكــرى: (لحامل الحقيبة) وحضرتك ...

إسماعيل: أنا ... أنا إيه ؟

فكرى: حضرتك مين.

إسماعيل: أنا إسماعيل البحراوي.

فكرى: بتشتغل إيه ...

إسماعيل: رأسمالية وطنية ...

فكرى: يعنى تاجر ... وحضرتك (لمحمد).

محمد : أنا ... أنا محمد محى الدين موظف بشركة المقاولات.

فكرى: (لفتوح) وأنت.

فــــــوح : أنا فتُوح محمد فتُوح ... وبيدلعوني ويقولولي يا فتُوح ... فــكــرى : هم مين اللي بيدلعوك.

فتسوح: أصحابى ... حاكم أنا لى أصحاب كتير ... كلهم كبارات وغنيين.

حسين : (لقرني) ما تنادى الست الأرتيست تقعد معانا.

قرنى: والله مش عارف ... أصلها لها كده حالات ساعات تبقى زى النسيم وساعات اللهم احفظنا ... أهل الفن دول اسألنى أنا عنهم ...

أبو المجد : انده لها يا شيخ ... بدل ماهي قاعدة لوحدها كده.

قـــرنی : (من مکانه) ما تیجی یاست سوسو ... دا البهوات معجبین بحضرتك قوی ... ونفسهم تتنازلی وتقعدی معاهم.

سوسو: أتنازل يا سيدى ... ورانا إيه ؟

قرنى : على رأيك.

(سوسو تسير إليهم فيفسحون لها مكانًا وواضح أن فتوح ضيق بها جدًا).

قرنى : (يشير على حسين) البيه مبسوط منك قوى فخذنى إلى الفندق يا حبيبي.

سوسو: یاه ... أنت لسه فاكر ... دا بقی له أكتر من عشر سنين دلوقت...

فكرى: بس عنوانه ... الفندق ... فندق إيه.

ســوســو: ماهى كانت الأول خذنى إلى اللوكاندة يا حبيبى وبعدين الرقابة حكمت رأيها لابد العنوان بالنحوى سميناه الفندق... حسين: (واضح أنه ينافق) دا فيلم عظيم ... عظيم صحيح أنا لسه فاكره لحد دلوقت ... اسمعى يا مدام أنتى فى هذا الفيلم تفوقتى على نفسك ...

--وسو: يعنى ...

قرنى: وإلا الشفق الذبيح ...

حسين : يا سلام ... دا أظن الفيلم اللي اتعرض في الصيف.

قسرنى : لا وأنت الصادق ... دا أتعرض في العيد الكبير.

سوسو: والله أنا مش مبسوطه من أدوارى فى السيما الوسط يعنى مش ولابد ... باشتغل فى المسرح أكتر.

حــسين : ونعم ...

قــرنى: يا سلام ... يا أستاذ لو تشوف المدام ع المرسح ...

حسين : شفتها طبعاً في البلد ... حد ماشفهاش.

- وسو: شفتنى فى غادة وكاميليا

حــسين: أظن المدام كانت وأخده دور كاميليا.

- وسو : كاميليا فين ماراحت ... ماتت موتة ياحسرة عليها.

(يدخل السائق سليمان وتقف المجموعة وتحيط به متسائلة)

حــسين: إيه ... حصل إيه ؟

أبو المجد: صلحتها ؟

قــرنى: خلاص.

(السائق يتركهم ويمسك بحسين ويجذبه إلى ناحية وهو ينظر اليه متسائلا ... ثم يفعل ذلك مع قرني).

أبو المجد: بتعمل إيه ؟ فهمنا.

سليمان : (يكف عن الإمساك بهم) الرجالة ييجوا هنا.

عشمان: ليه كفي الله الشر ... حتاخدهم القرعه.

سليمان : تعالى هنا .. بلاش لماضه .. (يجذبه).

حـسين : عايز إيه .. فهمنا ..

سليمان : باقول الرجاله اللي فيكو ييجوا هنا ...

أبو المجد : عايزهم ليه ؟

سليمان: بيجوا يطلعوا العربية المغروزه في الرمل ...مش عارف

أصلحها ونصها مدفون ... اتفضلوا ...

(يتحرك الرجال وسليمان خلفهم ... ويبقى حامل

الحقيبة وفتوح ومحمد) ..

الهام : (تمسك بمحمد)حاجى معاك يا حبيبى ...

محمد: لا .. خليكي هنا مع الستات.

إلهام: لا ... أنا عايزه أروح معاك.

محمد: اقعدى ارتاحى وكلها دقايق وحنطلعها ونمشى على

طول ...

(يخرج محمد ويتجه سليمان إلى إسماعيل).

سليمان : (لإسماعيل) ياللا ياأستاذ.

إسماعيل: ياللا فين ؟

سليمان : مش قلت الرجالة بيجوا يطلعوا العربية ...

إسماعيل : عشان إيه ؟

سليمان : عشان نصلحها وتروحوا.

سماعيل: أنا مش جاي ...

طيمان : ليه ... مش عايز تروح ...

اسماعيل: لا

طيمان: لا إزاى .. هي تلقيحة..

اسماعیل: أنت شریکی یا أخی .مش جای .. أولا مش عایز أروح.. ثانیا عندی القلب.

سليمان : طب خليك .. (لفتوح) باللا يا فندى.

فــتــوح: أنا ماعرفش أزق ..

سليمان: اتعلم ..

(يخرج سليمان وفتوح .. وتقف سوسو).

(إلهام تنظر إلى حيث خرج الرجال في وله).

جلنار: ربنا يحميهم لشبابهم ... هوا احنا من غيرهم نسوى حاجه.

- وسو : هم مين دول الرجاله ... بلا علل .

الهــام: (لجنار) عندك حق يا تانت .. احنا من غيرهم مانسواش بصله ..

جلنار: طنط .. تانت إيه ياروحي

الهام : متأسفة يا أبلة ..

جلنار: أيوه كده .. دا الواحدة من غير راجل بتبقى يا كبدى عليها زى الفرخة الدايخة ..

موسو: والراجل من غير الست يبقى زى الكتكوت الجربان.

(تشير إلى مكان حقيبتها والراديو .. وتفتح الراديو وتنظر إلى السماء). الهام : ياه .. دى بتكره الرجالة قوى ..

جلنار: تكرههم .. دا محن .. اسأليني أنا ..

الهام: إزاى .. ؟

جلنار: زى ما بقولك كده .. دا صنف ساهى .. ميه من تحت تبن.. ماهو ده الصنف اللي يلدع ويستخبى زى التعبان.

الهام : والنبى باين عليها ست طيبة وأميرة.

جلنار: دا ابن أختى عديله .. لافت عليه واحدة من دول ؟ وحياتك ماطلعت منه الا بالطبل البلدي.

إلهام: الطبل البلدي ..

جلنار: فى الكركون .. خدوا عليها التعهد .. أمال دى تلاقيها قرشالها تحت دروسها ميت راجل لحد دلوقت .. الله أنتى بتفصلى عند مين ؟ قومى ورينى كده.

(تقوم إلهام وتدور أمام جلنار وهي تراقبها).

جلنار: وأنتى من عيلة مين ؟

إلهام: من عيلة .. عيلة بابا ..

جلنار: وبابا .. من عيلة مين ؟

إلهام: من عيلة الفيومي ..

جلنار: لازم تعرفي حفيظة هانم ..

إلهام: حفيظة هانم مين ؟

جلنار: حفيظة هانم الفيومي .. وجوزك من عيلة مين ؟

الهام : جوزى .. (تضطرب خفيف) آه ... جوزى من عيلة سيد ..

(يدخل الرجال وهم ينهجون من التعب الشديد،

ويجلسون متهالكين).

حـــين : ما فيش فايدة ..

قـــرنی : دی عایزة ونش ..

ف توح: دى قطعت نفسى.

أبو المجد : دى عايزه ميت راجل.

(إلهام تسرع إلى محمد).

الهام : تعبت يا حبيبي ...

محمد : مش مهم التعب ... المهم ماقدرناش نطلعها ..

عشمان: يا سلام .. دى مغروزة غرزه .. كأن الجبل اتبنى عليها.

(يدخل السائق .. يتجهون إليه .. العمدة يميل ويهمس

فى أذنه فيرفع السائق رأسه).

سليمان : ما قدامك الصحرا واسعة .

(العمدة يسير ويرفع ملابسه ويجد الأنظار متجهة إليه

فيتوغل في التقدم حتى يختفي).

حــسين: وبعدين ؟

سليمان: والقبلين ..

أبو المجد: والعمل ..

سليمان: العمل عمل الله.

قــرنى : يعنى إيه .

سليمان : يعنى زى ما بقولك كده.

حــسين: وحنفضل هنا لحد إمتى ؟

سليمان : لحد ما تيجي عربية تاخدكم ..

أبو المجد: احنا بقى لنا دلوقت أكتر من نص ساعة ما فتتش علينا عربية.

سليمان : دلوقت تفوت ..

(يقبل العمدة).

عشمان: يا سلام .. دى سميات .. سميات في الجسم ..

(يسمع صوت محرك السيارة فيصرخ قرني).

قــرنى: حس عربيه أهوه.

عشمان: بركاتك يا سيدى شبل.

حـسين: فين ؟

سليمان : دى طياره .. مش عربية ..

أبو المجد : طيارة

(ينظرون جميعًا إلى أعلى يشاهدون نور طائرة يتحرك

في السماء).

عشمان: لو كان يشوفنا ..

(يقفون جميعاً .. ناظرين إلى السماء).

جلنار: انزل يا طيار .. انزل خدنا ..

سليمان : انزل يا طيار .. انزل خدهم ..

سوسو: لا .. ماتنزلش .. والنبي ما تنزل .

جلنار: ماتنزلش .. ماينزلش ازاى ؟

ســوســو: مش عايزه أروح .. عايزه أعيش هنا على طول .. سـتار

المشهد الثاني

(الصحراء .. نفس المكان في المشهد الأول .. الوقت قبيل الفجر .. الركاب منتشرون فوق المشرح على اليمين سوسو والريجى والصحفي يجلسون معًا يتحدثون .. في الوسط الرجل حامل الحقيبة مستيقظ وحقيبته في حجره .. العمدة نايم يشخر في أقصى اليسار .. الهام ومحمد وحدهما .. إلهام تحاول النوم معتمدة برأسها على فخذ محمد..

السيدة تنام وهي جالسة رأسها ساقط على جسدها .. السائق جالس يفكر .. رئيس مجلس الإدارة يسير عصبيًا قلقًا يدخن .. المحامي جالس يدخن .. فتوح يذهب إلى نهاية المسرح ثم يعود فيجلس..)

فــكــرى: وحضرتك في الشغلانة دى بقالك كتير ..

قـــرنى : تلاتين سنة دلوقت .. في الأول كنت باشتغل ممثل .

ف کری: ممثل ..

قـــرنى: شوف القسمة والنصيب .. اشتغلت عند يوسف بيه وخدت البطولة فى رواية أبناء المرحوم ..

- 19 -

سكة السلامة

فــكــرى: بطولة مرة واحدة .

قـــرنى: قمت بدور المرحوم فى الافتتاح .. وقبل ما تخلص الرواية كان يوسف بيه كرشنى ..

فـ كـرى: لازم ما عرفتش تمثل.

قــرنى: لا وحياتك .. البخت .. أمال .. قليل البخت يلاقى العضم فى الكرشة .. وأنا بقى .. لقيت العضم فى الكرشة ..

فــكــرى: إزاى ..

قسرنى: أقول لك إزاى .. أنا كنت بقى واخد دور المرحوم وكانت الرواية على اسمى .. كنت باخش فى الفصل الشانى أخش شايلنى على نقاله .. ويعدوا بى للمسرح من اليمين للشمال .. وطبعًا أنا ميت

لانفس ولاحس .. ولاحركة ولا أيها حاجه عملت البروفات وحياتك واللى كان يشوفنى كان يفتكرنى ميت بصحيح .. وناقص بس على الغسل والدفن ..

فــكــرى: وبعدين.

قسرنى: شالونى ودخلوا بى المسرح .. وكتمت نفسى وعملت ميت .. وجينا فى وسط المسرح بالمظبوط وما عرفش دى حاتنى منين..

فكرى: إيه هي ؟

قرنى: العطسة.

فكرى: عطست .. ؟

قرنى: فى وسط المسرح بالمظبوط .. الناس هاجت وهات يا ضحك .. الميت بيعطس .. الميت صحى والرواية الدرام انقلبت كوميدى..

فــكــرى: وبعدين؟

قسرنى: وحياتك يوسف بيه ما استنى لحد الرواية ما تخلص كرشنى .. إنما مين .. لزقت فى المسرح .. كيف دا الفن .. دا كيف ألعن من الحشيش والأفيون ويوم فى يوم اشتغلت ريجى .. ما طولتش فى الشغلانة .. المسارح قفلت والحكاية طريقت .. دخت السبع دوخات واشتغلت فى كل حاجة قبانى فى جمرك السبتية .. ومعاون صحة وتمرجى فى القصر وشاهد نفى فى شركة الترمواى.

فكرى: شاهد إيه ؟

قسرنى: شاهد نفى .. أروح أشهد فى القضايا بتاعة الترمواى
 لمصلحة الشركة وآخد فى القضية من جنيه لعشرة .

فكرى: عشرة جنيه ..

قسرنی: إذا كان الترموای دهس حد .. آخد لحد عشرة جنیه
 تعویرة بس .. جنیه .. خمسین قرش حسب الإصابة .

فـ كـ رى: تشهد زور يعنى ..

قـــرنی: ساعات کده .. وساعات کده .. ساعات بالحق وساعات زور .. زی ما تیجی بقی .. أکل العیش یا أستاذ .. مش أحسن من السرقة وأول ماجت النهده ندهولی.

فــكــرى: نهده .. نهدة إيه ؟

قرنى: نهضة المسرح.

فكرى: وبتشتغل كتير دلوقت ..

قـــرنى: على ودنه .. مسلسلات .. روايات أفلام .. كله على ودنه .. مش ملاحقين الشغل وحياتك .. أهو أنا إمبارح كنت في إسكندرية بنصور في أبو قير قالوا لى النهارده تنزل مصر تقب وتغلس وتجيب معاك ست سوسو ..

فكرى: حضرتك بتمثلي في الفيلم ده ؟

سوسو: زمانه راح ..

فــكــرى: والفيلم ده اسمه إيه ؟

سوسو: فيفا ظبطك.

فــكــرى : (بدهشـة) اسمه ثيثا ظباتا دا فيلم أمريكانى .. حضرتك بتشتغلى فيه ؟

سـوسـو: الأمريكاني اسمه ثيثا ظباته وبتاعنا اسمه فيفاظبطك.

فكرى: حاجه جميلة خالص .. بقى فيفا ظبطك .. ومين بقى فيفا وظبط مين ؟

سـوسـو: فيفا دا واحد اسمه مصطفى .. بيدلعوه بتيفا دخلت عليه مراته الأوده لقته مع واحدة ست راحت صارخة وقالت فيفاظبطك..

فــكــرى: (بتهكم) مدهش ..

سوسو: وبعدين الست دى طلعت أخته ..

قرنى: ويمكن تطلع أمه .. الله أعلم .. أنا سبتهم الصبح لسه

ما اتفقوش تطلع أخته أمه المهم تكون محرمة عليه وخلاص .. ما هي دي العقدة .

مكرى: كل عقدة ولها حلال.

قرني: إلا في السيما ..

دی حاجة عظیمة .. مدهشة .. إزای فیلم زی ده یروح
 منك..

- و- و: یا خویا .. یا ما أفلام .. اشمعنی دا اللی مش حیروح.

كرى: أنا ماباشوفش حضرتك في أفلام كتير .. إيه السبب.

قـــرنی: راسها ناشفة قوی یا أستاذ .. دا العیال العیال اللی اسمهم عیال بقوا نجوم دلوقت.

صوصو: قطيعة.

الله العظيم فنانة كبيرة .. مش عشان قعدتك .. بس حقيتك تتكى عليها شوية ..

صوصو: إيه هي ٠٠

السرني: الكرامة ..

و الجد : (من بعيد) طول الليل دلوقت ومافيش ولا عربية فاتت .. إيه الحكايه ..

---ين: أنا مش فاهم ..

المرنى: على العموم.. ما تزعليش يا سوسو .. الفرص كتيره برضه .. بس أنت اللى محبكاها قوى .. ما فيش الفيلم ده .. فيه أفلام تانيه كتير .. على ودنه فــكــرى: شوفى يا مدام .. أنتى فيكى كل المواهب المطلوبة فى فنانة كبيرة .. تقف فى صف أعظم فنانات العالم عندك الموهمة..

سـوسـو: موهبة.. وأنت شفت حاجه يا أستاذ.. والنبى دا أنا لما كنت بامثل هاملت.. كانت الصالة تنشال وتترفع من الإعجاب ..

فــكــرى: هاملت ؟ حضرتك مثلتي هاملت ؟

سـوسـو : طبعًا .. أما الرواية دى باحبها خالص .. عشان بتوعظ الناس

فكرى: بتوعظ .. ؟

سوسو: أمال .. دى بتعلم الأم تهتم بتربية ابنها .. دى رواية اجتماعيه عظيمة ..

قـــرنى : دى رواية عائليه تمام

فکری: بس هاملت ؟

سـوسـو: (مقاطعة) هى مش فيها مرات الملك بعد ما مات جوزها الملك يعنى التفتت لعشيقها وهملت فى تربية ابنها ؟

فــكــرى: هملت في تربية ابنها ..

سـوسـو: أمال سموها هملت ليه ؟

فــكــرى: (ساخرًا) يا سلام .. أنا متأكد أن شكسبير نفسه ما خطرش على باله التفسير ده..

قررنى: شكسبير مين يا أستاذ .. أنتو حتعلونا بقى .. خليها على الله .. ما احنا بقينا عال أهوه .. والروايات نازلة على ودنه .. أنت لازم عندك عقدة الخواجه. (تقف سوسو وتبدأ فى تمثيل مشهد من غادة الكاميليا .. وأثناء التمثيل يجتمع حولها أبو المجد ورئيس مجلس الإدارة .. وعندما تنتهى من التمثيل يصفقون).

- ين : عظيم .. رائع .. شيء ما حصلش ..

الواتجد: دا إبداع .. دا فن ..

____ : (لفكرى) شفت بقى ؟

محرى: بس دى غادة الكاميليا مش هاملت

____و: قطيعة .. أهو كلهم خواجات .. والنبى ما باعرفهم من بعض..

مسين : دا إعجاز .. شوفى يا مدام .. انا للواقع للواقع فقط انا لفيت كتير وشفت الرواية دى على جميع مسارح

العالم .. عمرى ما شفتها بالروعه دى

ــوــو: (بدلال) إيه .. ما تكسفنيش بقى ..

مسين : اكسف حضرتك يا سلام .. دا في باريس في باريس نفسها ما شفتهاش كده..

و و خضرتك رحت باريس

حصين : كل سنه عندى مأمورية في باريس ..

-و-و: يبقى لازم شفتني هناك ..

حسين : حضرتك مثلتى في باريس ؟

(قرنى يغالب الضحك)

__و__و: أمال .. مثلت في المسرح اللي هناك دا اللي في الميدان .. اسمه إيه يا قرني ؟

قرنى : (يفاجأ ويسايرها) اسمه إيه يا ستى .. اسمه إيه يا قرنى.. اسمه اللوفر،

سوسو: أيوه هوه دا.

حسين: عظيم .. مدهش ..

ف كرى: بس اللوفر .. دا متحف مش مسرح ..

سـوسـو: أيوه عليك نور .. أهوه أنت عرفته أهوه ..

(تسرح وتحدث نفسها)

الناس بقت حتتجنن .. سوسو .. سوسو .. عايزين سوسو .. عايزين سوسو ..

(تفيق وتنظر إليهم)

بالفرنساوى طبعًا .. والمسرح .. والنور .. وأنا اسمى مكتوب بالنور الأخضر والأحمر والأصفر

قرنى : (هامسًا للمجموعة) عمرها ما طلعت من مصر

سـوسـو: (مستمرة في أحلامها) والورد .. الورد كان يتفرش لي في الأرض .. والسقف ورد والسما ورد ..

قرنى: (هامسًا) لاجل الحق مثلت مره في حفلة خيرية في أبو حمص ...

سوسو: يا سلام .. (تفيق) أيام راحت .. دنيا ..

قرنى : معلش يا أختى .. كل اللي يجيبه ربنا كويس ..

ف کری: شوفی یا مدام ۱۰۰ کل شیء متوفر فیکی ۱۰۰ آنت ناقصك شویة بیلستی ۱۰۰

سـوسـو: ببـ .. إيه ..

- المكرى: نشر .. ناقصك شوية نشر ..
- صوسو: نشر إيه يا أستاذ .. وأنا من ساعة ما وقف بينا أتوبيس النحس ده وعضمي بينشر على ..
- نشر یعنی دعایة .. لازمك شویة دعایة .. ریبورتاجات
 فی الجراید .. أخبار .. صور ..
- صوصو: أيوه والنبى يا أستاذ .. كلهم قالوا لى كده .. وأنا عشان ماشيه بشرفى ما بلقيش حد ..

- مكرى: تدينى أخبار .. هه .. أمال الخيال فين يا أستاذ تفتكر حضرتك الخبر اللي يكون حصل ده يبقى خبر .
 - حسين: أمال إيه ؟
 - مكرى: يبقى تاريخ .. الخبر هو الشيء اللي لسه حايحصل.
 - حسين: يا سلام ..
- وسكرى: أمال .. حضرتك تعرفى جميلة جمال .. دى بقت ممثلة كبيرة إزاى ؟ أخبار موضوعات .. جميله جمال تقوم ببطولة فيلم كذا وفيلم كذا ؟ وما حصلش.. الناس يعنى حا تفتكر .. المخرج الأمريكانى أتش أتش وصل إلى القاهرة للتعاقد مع جميلة جمال على بطولة فيلم تقوم بالدور الثانى فيه إنجريد برجمان .. هى يعنى انجريد

برجمان حترفع قضیه وتطلب رد شرف .. الهم الاسم یظهر باستمرار.. جمیله جمال.. جمیله جمال.. مفیش افلام .. حادثة سرفة.. ما فیش سرفة.. جواز .. ما فیش جواز.. طلاق .. المهم طاخ طیخ .. طاخ طیخ ..

قـــرنى: على ودنه ..

فــكــرى: عليك نور.

سـوسـو: يا سـلام .. أيوه والنبى يا أسـتـاذ بصـرنى أحـسن أنا منكسرة وماليش حد.

فــكــرى: بتقـرى جريدة الساعة .. شوفتى بينكتب عنها إيه .. اللى اتنشر السنه دى فى الجريده دى عن كلب جميلة جمال .. أكتر من اللى اتنشر عن رواد الفضاء ..

حــسين : والسبب.

فكرى: لأنها صديقة الأستاذ عبد الله رئيس التحرير ..

سـوسـو: الله .. هي مش كانت مع الأستاذ عبد الغفار ..

فــكــرى: أول ما ساب الصحافة .. سابته ..

حسين : الأستاذ عنده حق يا مدام .. الدعاية أهم شيء

فــكــرى: أمال .. كل حاجه دلوقت تمشى بالدعايه ..

الصواريخ .. سفن الفضاء .. رواد الفضاء (لسوسو) تفتكرى هم صحيح عايزين يروحوا القمر .. يعملوا إيه .. هم ناقصين .. إنما دعاية ..

سـوسـو: يا سلام .. للدرجه دى ..

فــكــرى: أمال.. مارلين مونرو .. انتحار مارلين مونرو نفسه دعاية .. قــرنی: إزای .. هی ما انتحرتش ..

فــكــرى: (بغضب مصطنع) انتحرت طبعًا.. انتحرت من قبيل الدعاية ..

قرنى: انتحرت عشان تعمل دعايه لروحها ..؟

فــكــرى: لروحها إيه أنت راخر .. الشركة .. الشركة اللى كانت بتشتغل فيها .. بصوا لقوا اسمها بينزل .. يعملوا إيه .. قعدوا يكفروا فيها لحد ما انتحرت وراحوا مطلعين أفلامها القديمة وهات يا بيع ..

(الجميع يبدون إعجابهم الشديد .. وعندما يرتفع صوت فتوح ينظرون إليه)

فـــــــوح : موش أصول أسيب أصحابى لوحدهم وأنا هنا لوحدى الوحده صعب ..

الهام : وبعدين يا محمد ..

محمد : موش عارف إيه الحكاية .. المسألة طولت قوى ..

أبو المجد : ده الطريق ده بالذات .. طول عـمـره عـربيـات رايحـه وعربيات جابة .. إبه اللي حصل المره دى ..

سليمان: النحس .. فيه حد نحس في العربية.. نحسها ووقفها ونحس كمان العربيات التانية.. ما شفناش عجله ماشيه..

حــسين : أهو أنت كده .. تعمل العمله وبعدين تطول لسانك .. ما تكونش أنت ليه اللي نحستنا ..

جلنار: یا أخواتی دی موش عیشه .. أنا جسمی اتحتحت خلاص .. موش قادرة .. موش قادرة .. (وتطول الجملة الاخيرة بصوت مرتفع فيصحوا العمدة)

عشمان: العربيه جات .. هي فين ؟

أبو المجد : عربية إيه أنت راخر .. نام نام

عشمان: كده .. تشكر على كل حال ..

(ينام العمدة وبعد لحظات يرتفع شخيره)

الهـــام : وبعدين يا محمد أنا حاسه أن الحكاية موش حا تعدى على خير ..

محمد : ما تبقيش متشائمة كده .. دلوقت تيجى عربية تاخدنا كلنا ..

إلهام: متشائمة إزاى؟ طول الليل اهو ما فتتش عربية واحدة ..

محمد : موش عارف إيه الحكاية .. صحيح العربيات راحت فين.. ما فيش حد رايح يصيف ولا حد راجع من المصيف...

سليمان: (يسمع الجملة الأخيرة) القول قولك يا أستاذ يظهر اللى فى إسكندرية استقروا فى إسكندرية واللى في مصر استقروا فى مصر .. وما حدش رايح ولا جاى ..

قــرنى : انت يا فصيح .. انت ياخويا ..

(يقوم ويتجه إليه)

تعرف اللى يحكمنى فيك .. ادفنك بالحيا تحت العربيه بتاعتك دى ..

سليمان : (يقف) اصطبح يا اخينا وقول يا صبح.

سـوسـو: تعالى يا قرنى .. ابعد عنه .. ده راجل شضلى ..

سليمان : بس يا ستى أنتى .. اتلمى وخليكي في حالك ..

-وسو: (تقف وتبدأ في الردح).

أتلم .. أتلم إزاى ؟ يا سواق عره .. يا عربجى الأنوبيس

.. يا لمامه ..

ق كرى: احفظ مركزك أنت يا سواق وبلاش لماضه ..

حسين: أما سواق قليل الأدب صحيح...

🎩 رنی : سیبونی انا اوریه ۰۰

فتوح: هو قال لها حاجه .. إيه الظلم ده ؟

سوسو: بس يا واد يا مقصع بس ..

(العمدة يصحو مفزوعًا)

عشمان: هي العربيه جات ..

فکری: ماجاتش .. نام ..

عشمان: أنام .. انام ليه .. ؟

فــكــرى: كده ..

عشمان: تشكر على كل حال ..

(العمدة ينام)

سليمان : أيوه حامولها كلكك .. كل واحد يعمل أبو على قدامها .. موش كده.

سـوسـو: اوعى انت وهوه .. سيبونى عليه .. انت فاكر نفسك مين يا جدع انت ..

(رئيس مجلس الإدارة يتجه إلى سوسو ويمسكها من ذراعها..)

حسسين : تعالى يا مدام .. ده راجل قبيح .. ما تنزليش لمستواه

(سوسو تستريح لثناء رئيس مجلس الإدارة فتغير من لهجتها)

سـوسـو: دا راجل قبیح قوی ..

ابو المجد : ما تعملیش عقلك بعقله .. دا اكید راجل كبر وبیخرف .. فكرى : إنه ده .. ده مستوى واطى جدًا ..

قـــرنی: طولی بالك انت بس .. وأول مــا نوصل اسكندریه حاعرف شغلی معاه .. تعالی .. تعالی یا روحی ما تعكرش دمك .. تعالی

(سوسو تبدأ فى البكاء .. يحاول الجميع إسكاتها..) عاجبك كده..

> ابو المجد : قدم اعتذر لها .. قولها متأسف .. فكرى : تعالى بوس راسها.

سوسو: (أثناء البكاء) ابعدوه عنى .. ابعدوه عنى ..

سليمان : حاضر يا ست .. أنا الغلطان .. برضه أنا الغلطان ..

جلنار: راجل حيوان صحيح .. ما يعرفش يعامل الستات إزاى .. سوفاج ..

سليمان : (يلتفت إليها) يا ست انت ما حدش داس لك على طرف.. جلنار : نعم.. أنت بتقول إيه يا سواق.. أنت عارف أنت بتكلم مين.. أنا عندى في الجراج بتاعي خمس سواقين .. الواحد منهم بعشرة زيك...

سليمان: خمسة ..

جلنار: أيوه خمسه ..

سليمان : بيسوقوا كلهم ..

جلنار: بيقول إيه الحيوان ده .. ؟

(العمدة يصحو من النوم ويتحدث مباشرة كأنه يسمع).

عشمان : ما تاخديلوش على كلام يا ست هانم .. ده راجل غلبان والغلب يتخن المخ ..

سـوسـو: (كفت عن البكاء .. وذهبت فجلست وحدها وأخذت تحدث نفسها.).

بقى أنا يتعمل فى كده .. دى واحده غيرى كان عندها عشر عربيات .. أناعلشان ماشيه بشرفى أتهزأ وأتمرمط.. والا علشان ماليش راجل.

حسين : (يتجه إليها) يا ست هانم أنت الخير والبركة .. أنت هنا في حمانا كلنا .. ده راجل جاهل عديم التمييز ..

سوسو: والنبى دا البلد كلها تتمنى نظرة منى .. دا أنا لما كنت بامثل .. كانت العربيات تقف قدام التياترو بالعشر صفوف .. ده غير الأتوبيسات اللى كانت تغير الخط وتفوت على التياترو تاخد المتفرجين أشى رايح شبرا وأشى الحدائق وأشى الجيزه دة غير بتوع الأرياف.

حسسين : يا هانم ما تاخديش في بالك.. كل إنسان مننا معرض إنه يصطدم بالمواشى دول وهو ماشى في طريقه ..

-وسو: وحضرتك من إسكندرية ؟

--سين : (يجلس) لا .. من مصر ..

قــرنى: (وكان قد اقترب)

(الريجى يجلس .. واضح إنه يزنق على رئيس مجلس الإدارة).

قـــرنى : إزيك يا أستاذ ..

حسين : أهلا وسهلا .. (باضطراب).

قرنى: إيه رأى سيادتك في الحكايه دى ..

حــسين : موش باين أنها حاتعدى على خير ..

قـــرنی : (كلام له معنی) لا أبدًا .. ممكن تعدی علی خیر قوی ..
 سی أنت شد حیلك ..

سـوسـو: قرنى .. قوم شوف حانعمل إيه ؟

قرنى : نقوم ياست .. حاضر يا ست ..

(الفجر بدأ يظهر والرؤيا الآن واضعة جدًا).

حــسين: وحضرتك رايحة إسكندرية في شغل ..

سـوسـو: شغل إيه بقى.. ماخلاص.. زمانهم جابوا واحده غيرى .. حــسين: ولا يهمك.. أهى فرصـه برضك تقضيلك يومين تلاته

في إسكندرية .. في ضيافتي ؟

سوسو: في ضيافتك ؟

حــسين : أنا عندى شقة فى استانلى .. إنما حاتعجبك خالص .. على البحر على طول ..

سـوسـو: وأولادك ..

حــسين: الأولاد بيصيفوا في راس البر .. إنما دى شقه يعنى .. هه.. انت فاهمه بقى (يضحك).

سـوسـو: (وهي تضحك) نفكر في الحكايه دى ..

حــسين : بس المهم نمشى بقى .. أنا أعصابى باظت .. عن إذنك أشوف أخرتها .. مع السواق ده.

سوسو: اتفضل.

(رئيس مجلس الإدارة يقوم ويتجه إلى السائق)

حسين : وبعدين يا أسطى .. العمل إيه ..

سليمان : قول لى انت.. انا راجل جاهل.. مابفهمش العمل إيه .. حــسين : يعنى تلقحنا في الحته المقطوعه دى .. وبعدين تقول

العمل إيه ..

(محمد يقف بين رئيس مجلس الإدارة والسائق)

محمد : أنا مش داخله مخى الحكايه دى .. إزاى طول الليل ما فيش ولا عربية فاتت علينا .. لا أتوبيس ولا نقل ولا

ملاکی ولا أی حاجه ..

العمده : (يقترب) يمكن كرتنوا على إسكندرية .. ومصر ..

أبو المجد : (يقترب) كرتنوا .. كرتنوا يعنى إيه ؟

عشمان: يمكن الكوليرا ظهرت في مصر وإسكندرية .. وحجزوا

الأهالي .. قالوا ممنوع الدخول والخروج

فــكــرى: دا أنت خيالك خصب قوى ٠٠

عشمان : طیب قولولی بقی دی تیجی ازای ..

(المحامى ينظر إلى سوسو فيجدها وحدها تمشط

شعرها .. يتجه إليها)

أبو المجد : صباح الخيريا هانم ..

--وسو: صباح النور ··

(المحامي يجلس)

أبو البجد: اوعى يكون دمك لسه متعكر من حكايه السواق الحمار ده.

سـوسـو: أهى بلاوى ..

أبو المجد : حضرتك نازلة إسكندرية تصيفى .. ؟

سـوسـو: أيوه ٠٠

ابو المجد : یا سلام .. دی فرصه سعیده بشکل .. أنا برضه نازل أصیف .. یا تری بتنزلی فین ؟

سوسو: وحضرتك بتنزل فين؟

أبو المجد: في ميامي .. وحضرتك ..

سـوسـو : لحد دلوقت مش عارفه .. یا میامی .. یا ستانلی

ابو المجد : لا يا شيخه .. استانلي ده بقى شعبى خالص الجمال ده

حرام یتحرم منه جمهور میامی .. یا ریت تیجی عندنا فی میامی ..

سـوسـو: عندكم ..

أبو المجد : أنا عندى اقتراح ..

سوسو: (مقاطعة) أنزل عند حضرتك يومين تلاته ..

أبو المجد : يا سلام .. مدهش .. ده موش جمال بس ده ذكاء ..

سوسو: وبالأماره حضرتك عندك شقه .. موش كده ..

أبو المجد : فعلا ..

سوسو: والأولاد بيصيفوا في راس البر ..

أبو المجد: لا .. في بور سعيد ..

سوسو: معلهش .. فرقت بنط ..

أبو المجد : إيه رأيك بقى ..

نفكر في الحكايه دي ..

(الريجى يحضر ويجلس)

قـــرنى : إيه رأيه يا أستاذ .. المسألة برضه مش حتعدى على خير ؟

أبو المجد: المسألة .. آه .. مسألة إيه ؟

قـــرنی : ما تخلیك حـدق یا أسـتاذ.. احـنا ورانا شـغل.. على ودنه ..

أبو المجد : (يضحك) الله يحظك يا شيخ ؟

الباجور ... خمسه وعشرين سنه دلوقت سواق أرياف ... نفيتها قبلى وبحرى إيه اللى جابنى هنا ؟ موش عارف . قلة عقل .. زهقت من القفف والمقاطف .. عارف . قلة عقل .. زهقت من القفف والمقاطف .. تعبت من شيل البيض والفراخ والمش .. قلت اتمدن ... ارتاح ... اشتغل في البولمان .. وكده يا رب ... أول يوم يحصل ده برضه ... كان خط الباجور ماله ... عشان اتبطرت على نعمة القفف والمش ... يبقى أول مشوار يحصل لى كده برضه ...

نبو المجد: (يتجه إلى السائق) أنت بتقول إيه دا أول مشوار لك على الخطده ؟

طيمان: شوف النحس ..

ابو المجد : نحس إيه الله يخرب بيتك .. إزاى دا أول مشوار لك على خط إسكندرية ..

سليمان: اللي حصل ..

أبو المجد : يعنى عمرك مارحت إسكندرية.

سليمان : رحت كتير راكب .. إنما سواق دى أول نوبه.

أبو المجد : وإزاى ادوك العربيه وسابوك لوحدك في سكه ما تعرفهاش

سلیمان : ما اعرفهاش إزای یا فندی وحد ما یعرفش سکة مصر إسکندریة ..

أبو المجد: إزاى الشركه تعمل كده ؟

سليمان : كانوا باعتين معايا سواق قديم

أبو المجد : وراح فين ؟

سليمان : مراته عيانه قلت له خليك معاها وأنا عارف السكه لوحدي.

أبو المجد: اديته أجازه من عندك ..

سليمان : انت حاتفتح لي محضر والا إيه .

أبو المجد : طبعًا .. أنت فاهم أنت عملت إيه.

سليمان : والنبى بلاش هلضمه ..

أبو المجد : أكيد ما احناش في طريق إسكندرية (يتلفت حواليه).

سليمان : حنكون فين يعنى ؟

أبو المجد: أنت بتسألني ؟

سليمان : يمكن بقى في طريق دكرنس.

أبو المجد : أهو ده اللي انت فالح فيه .

سليمان : احفظ مركزك يا أستاذ وبلاش قباحه.

(محمد يقبل ويقف في منتصف المسرح)

محمد : (بصوت مرتفع) يا جماعه .. فيه حاجه غريبه (يتجه إليه الجميع ويلتفون حوله).

أبو المحد : إنه فيه إنه ؟

محمد: الشارع .. الطريق ..

قــرنی: طریق ایه ؟

محمد : طريق الأسفلت .. العربيه كانت ماشيه على طريق أسفلت مش كده ..

الجميع: أيوه.

محمد : طريق الأسفلت انتهى هنا بصوا ...

(ينظرون حولهم)

قــرنى: ويعنى إيه بقى الحكايه دى ..

(سوسو تسمع متجهة إليهم)

--وسو: يعنى ما احناش في طريق مصر إسكندرية ..

سليمان : أمال فين داهيه .. انا موش طالع معاكم من مصر .

(الريحبي يمسك في السائق)

فـــرنى: أنت وديننا فين .. وديتنا فين الله يخرب بيتك .. سلسمان: ماتطول بالك اما نشوف الحكايه دى ..

أبو المجد : نشوف إيه .. الله يخرب بيتك ..

محمد : علشان كده .. ما فيش ولا عربيه فاتت علينا ..

حــسين : (للسائق) يا نهار أبوك اسود ..

سليمان : طول بالك يا فندى .. دوروا على الطريق ..

أبو المجد : فين الأسفلت .. فين ..

سليمان : يعنى لطشته .. فتشونى ..

(المحامى ومحمد ورئيس مجلس الإدارة يسيرون حولهم

ويخرجون من المسرح.. ثم يعودون والجميع في ذهول).

حــسين : موش ممكن نكون في طريق مصر إسكندرية

العمدة : (للسائق) افتكر كده يا أسطى .. أنت وديتنا فين ؟

سليمان : افتكر يعنى إيه ..

عشمان : يعنى لتكون وديتنا مطرح تانى وناسى .. سمى كده بالله .. وافتكر كويس ..

سلیمان : أنتوا حاتجننونی یا عالم .. ما أنا طالع معاکم وماشی . معاکم ..

سوسو : علشان كده .. العربية وقعت في الحفره أول الأسفلت ما خلص وقعت في الرمل

(المحامى ومحمد يخرجان كل من ناحية)

سليمان: أنا عينى رفت من الصبح.. كنت عارف ان ده حا يحصل.. سوسو: (تتجه إلى السائق تحدثه في شماتة) وديتنا فين يا فالح

.. يا بو لسان طويل .. اسمعوا يا جماعه ..

(تتجه إلى الموجودين) كتفوه ..

قــرنى: بتقولى إيه ؟

سوسو: كتفوه بسرعه .. دى مؤامرة ..

(تتقدم من السائق) فين بقية العصابه .. هيه فين .. حاييجوا دلوقت .. موش كده ..

سليمان : الست دى بتخطرف بتقول إيه ؟

سـوسـو: فيه عصابه والا لأ.. يا جماعه.. يا جماعه كلكم .. احنا وقعنا في إيد عصابه والسواق ده واحد منهم

سليمان : عصابه .. يا ماما .

حــسين : حلم حضرتك شويه .. فهمينا حضرتك .. وصلتى لاستنتاج معين

قــرنی: عصابه ایه ۰۰ سیبتی رکبی

عشمان: إلهى يسترها معاكى يا ست .. رسينا على كل حاجه .. جلنار: عصابه.. يا دهوتى.. آدى اللى كان ناقص.. يا مصيبتك السوده با حلنار .. با داهبتك با حلنار ..

سوسو: كتفوه ..

(حامل الشنطة يبتعد وهو يمسلك شنطته بحرص وحذر شديدين ويجرى فتوح)

قــرنى : ما تفهمونا إيه الحكايه ..

ســوســو: بقى السـواق ده جـابنا هنا فى الحـتـه المقطوعـه دى علشان العصابه بتاعته تهجم علينا وتسرقنا (للسائق) موش كده

سليمان : إيه يا خويه التخريف ده.. ما أنا واقع فى المصيبه زيكم.. سـوسـو : العصابه دلوقت تيجى وتاخد فلوسنا وحاجتنا وتاخدك معاها وتمشى ..

- VI -

(الريجى يهجم على السائق يكتف من خلف ظهره والصحفى يشير له بيده داخل جيبه كأن بها مسدساً).

ف كرى: اوعى تتحرك.. إذا اتحركت حا اضربك بالنار على طول..

قسرنى: شوفولنا حبل .. حبل يا جماعه .. أما برافو عليكى

يا سوسو ..عرفتيها إزاى دى .. يا بنت الإيه؟

سـوسـو: م السيما.. أنا شفت فيلم زى كده بالمظبوط دلوقت بقى

.. العصابه حاتيجى راكبه خيل .. (تمثل) ترك .. ترك

.. وعلى وشهم قناع ويروحـوا مطلعين المسـدسـات

ويروحـوا مـحـوطين علينا .. وواحـد منهم يلم مننا

الحـاجـات كلهـا .. وزعـيم العـصـابه يروح هاجم على

وواخدني قدامه على الحصان ..وجرى ..

قـــرنى: عايزين حبل.

سليمان : بالله العظيم أنتو كلكم مخاليل.. حصان إيه يا ست اللي حا ييجي وعصابه إنه ؟

(يحضر المحامى مسرعًا ووجهه مكفهر ويبتعد عن الجميع وينادى)

أبو المجد : يا جماعه .. احنا واقعين في مصيبه ..

(الريجي يترك يد السائق ويلتف الجميع حوله)

أبو المجد: أنتوا عارفين احنا فين دلوقت .. احنا في أعماق الصحراء الغربية ..

فتوع: غربية .. يا نهار منيل .. سوسو: مش قلت لكم ؟

- VY -

حـسين: إزاى ..

قــرنى: رحنا فى داهيه

عشمان: يا نهار أغبر ..

أبو المجد: لقيت يافطه .. يافطه إنجليزى من أيام الحرب .. الحته اللى احنا فيها دى كانت معسكر .. بيننا وبين إسكندرية تمنين كيلو ..وبينا وبين مرسى مطروح تلتميت كيلو ..

الجميع: (مدهشون .. محمد يدخل وتقبل إلهام عليه تحتضنه في خوف) ..

سليمان : مرسى مطروح .. أيوه .. افتكرت ..

عشمان: موش قلت لك سمى وانت تفتكر ..

سـوسـو: افتركت إيه يا مغفل ..

سليمان : مرسى مطروح (يلتفت حواليه .. ثم يرى الصحفى فيتجه إليه ويمسكه من ملابسه ..) الأفندى ده هو اللي داننا هنا ..

فـ كـرى: اوعى .. شيل إيدك .. راجل عبيط صحيح

سليمان: والله ما انا سايبك .. انت اللى غشيتنى .. يا جماعه وأنا ماشى فى الطريق الطوالى شفت يافطه مكتوب عليها من ناحية إسكندرية ومن ناحية مرسى مطروح .. الحقيقة الدنيا كانت ضلمه وما شفتش السهم بيشاور على فين.. والأفندى ده كان جنبى فى كرسى نمرة واحد.. سائته إسكندرية كده والا كده .. قال لى لأ كده.. مشبت ..

ف كرى: انت كداب .. كل الكلام ده يا اخوانا ما حصلش ..

سليمان : والله العظيم حصل ..

ف کری: طیب إذا كان حصل يبقى معنى كده اننا دخلنا فى طريق مرسى مطروح .. موش كده ..

قرنى: مظبوط ..

ف کری: واحنا دلوقت موش فی مرسی مطروح .. یبقی احنا هنا ازای..

سليمان: أصل احنا بعد مامشينا شويه في السكة اللي شاورت لى عليها لقيت سكتين قدامى .. قلت لازم السكة اللي على الشمال دى ورحت محود فيها.

فـكرى: سألتنى ..

سليمان : لأ .. ما كانش فيه يافطه ..

فكرى: يعنى انت اللي جبتنا هنا ..

سليمان : أنت اللى طلعتنا من على الخط الطوالى .. كان زمانا رحنا إسكندريه .. منك لله ..

فــكــرى: انت بتستعبط يا جدع أنت .. انت عاوز تلقح بلاويك على ..

سليمان : حرام عليك .. يعنى الحق على اللى استأمنتك .. ده من أمنك لا تخونه ولو كنت خاين ..

فــكــرى: اسمع يا جدع أنت .. كلمه واحده وحاقطم رقبتك .. سليمان: ما قطمتها خلاص .. هو عاد فيها حاجه ؟ منك لله يا شيخ ..

- حــسين : بس إزاى دا ممكن يحـصل ؟ إزاى ولا واحد فينا خـد باله.
- عشمان: يا فندى اللى فينا مكفينا .. كل واحد سرحان فى حاله .. حياخد باله من السكه كمان ..
- قرنى: ما هى كلها صحرا فى صحرا .. معانا سواق حنبص على الطريق كمان.
- أبو المجد: حــودنا من طريق مــرسى مطروح ؟ يعنى كنا فى إسكندرية.. فوتنا العامرية (للسائق) ما شفتش نور إسكندرية قبل ما تحود .. اتعميت ؟
- سليمان : شفت نور صحيح .. افتكرته مشروع من اللى بيعملوهم في الصحرا..
- ابو المجد: دا مش معقول .. وأنا ابص في الساعه واقول إيه الحكايه .. ما حدش فيكم خد باله.
- سوسو: حناخد بالنا من إيه؟ ناس راكبين أتوبيس ومعاهم سواق سايق حنقول له كمان يمشى فين .. واذا كان أعمى .. مفيش مخ ...
- سليمان : أنتو يعنى كلكو اتشطرتوا على أنى .. ما حدش فيكم كلم الافندى اللي غشني ليه ؟
 - حــسين: الأفندي مش مسئول ...
- سليمان : لأ ... بقى مسئول ساعة ما سألته .. مسئول يقول لى ع الحقيقه ما يخمنيش ..
- أبو المجد : (يشير إلى السائق) حضرته دا أول مشوار له على خط اسكندريه .. وماشى لوحده ..

سليمان : طب ما هو لو كان الأفندى نصحنى بالحق كان زمانا وصلنا..

فــــوح: حوسه .. حوسه واحتسنا فيها خلاص ..

محمد : إزاى ماخدناش بالنا ... كنا إيه نايمين.. واخدين مخدر... سليمان : منك لله يا أستاذ ... منك لله ...

(يجلس على الأرض منهارًا ...)

حــسين: يعنى إيه الموقف دلوقت..

أبو المجد: الموقف إننا في جهة ما بالصحراء الغربية ..

عشمان: الصحراء الغربية .. يا نهار اسود ..

الهام : أنا خايفه يا محمد .. خايفه ..

(تبكى ومحمد يهدئ من روعها).

فـــــوح : احنا تهنا .. احنا خلاص تايهين ..

جلنار: یا مصیبتك یا جلنار ...

الجميع: (في ذهول).

قـــرنى : رحنا فى داهيه .

ســوســو: (تبتعد وتحدث نفسها) يعنى إيه.. يعنى احنا خلاص تهنا.. طب ما أنا طول عمرى تايهه فى الصحرا.. طب مش ده اللى كنت عــايزاه... كنت عــايزه أعــيش فى الصحرا على طول.. الرمل والليل والنجوم.. يعنى إيه. يعنى إيه ..

(تتجه إلى المجموعة وتواجهها).

يعنى خلاص تهنا .. تهنا في الصحرا ..

ستار

الفصل الثانى المشهد الأول

المنظره

قطعة من الصحراء.. الوقت ضحى.. المسرح خال.. يدخل محمد وإلهام من الناحية اليسرى.. التعب والإجهاد باد عليهما محمد يحمل جاكنته على كتفه والعرق واضح على جبهته.. إلهام منكوشة الشعر حزينة ثائرة.. تجلس متهالكة على مرتفع ومحمد يغف يجفف عرقه..

الهام : أنا تعبت .. مش قادره امشى خلاص ..

محمد: معلش.. دلوقت ربنا يفرجها ..

الهام : إزاى .. تقدر تقولى إزاى .. عشان تنبسط من شورتك اللي زى الزفت ..

محمد : شورتي؟ هي إيه اللي شورتي .. ؟

الهام : مشوار إسكندرية ؟ مش شورتك .. ؟

محمد : ماحصلش .. دا أنا حتى بالأمارة قلت لك بلاش نسافر وطارق عيان .. حكمتى رأيك ..

الهام : طب ما هو ممدوح كمان عيان .. وانت اللي حكمت رأيك .. محمد: أنا اللي قلت نسافر ؟

الها الحق على اللي عاوز كده .. إنما الحق على اللي سمعت كلامك .. عاجبك كده .. وماحدش عارف

حايحصل إيه كمان

محمد : حايحصل إيه يعنى ؟

إلهام : الله أعلم .. أنا كنت حاسه أنك خلاص ابتديت تمل ..

محمد: إنتي بتتكلمي إزاى ؟

إلهـــام : يعنى لسه بتخبى زى الأول ..

محمد : بذمتك دا وقته ..

الهام: شوف .. مش قادر تقولها .. طب اكدب على قول آه .. إنما مش قادر ..

محمد : وحياتك يا إلهام .. أنا مش قادر أتكلم ..

(تقف أمامه ثائرة).

الهام: قول .. قولها وخلص ضميرك من ربنا .. قول ما عدتش باحبك .. انت فاكر أنى مش حاسه بيك أنا عارفه إيه اللى في مبخك .. بذمتك مش قاعد تندم وتقول با ربتني ماحيت المشوار ده .. ؟

محمد : دا صحيح .. أنا ندمان فعلا ..

الهام: شفت .. أنا مش غلطانه .. أنا كاشفاك وفاقساك .

محمد : وحياتك ما فيش داعى للكلام ده دلوقت .. احنا فى إيه ولا في إيه ؟

إلهام: لحد دلوقت مامقلتهاش ..

محمد: إيه هي اللي مقلتهاش ..

الهام : ماقلتليش بحبك ..

محمد : باحبك يا ستى .. كويس كده ..

الهام : مالك بتقولها كده من غير نفس .. باشحت منك.

محمد: باحبك يا ستى بنفس ..

إلهام: حضرتك بتتريق .. ؟

محمد: (في ثورة) أنتي عايزه إيه ؟

الهام : اسأل نفسك .. أنت عايز إيه ؟

محمد : أنا مش عايز حاجه .. تسمحي تسكتي بقي ؟

الهام: نعم .. اسكت أنت .. حتتحكم فيَّ كمان ..

محمد : يوه .. كفايه بقى .. (يمشى).

الهام : حضرتك سايبني وماشى ..

محمد : يعنى حامشى أروح فين ..

الهام: أنا اللي حامشي وأسيبهالك ..

محمد : تسبيلي إيه ؟

الهام: الدنيا بحالها ..

محمد: ما حنا الاتنين سيبنا الدنيا خلاص كلها فركة كعب ونيقي في الآخرة...

الهام : (تبدأ في البكاء).

أنا عارفه .. كنت حاسه ..

(محمد يتقدم منها يربت على كتفها).

محمد : طب كفايه بقى .. بلاش فضايح قدام الناس ..

الهام : ابعد عنى .. اوعى تلمسنى .. من هنا ورايح لا لك دعوه بي ولا لى دعوه بيك .. فاهم .. ؟

محمد: والناس .. ؟

الهام : اللي يهمك بس الناس ..

(يدخل العمدة وجلنار ويجلسان متهالكين ويصمت محمد ويربت على إلهام .. فتمسح دموعها ويجلس محمد صامتًا).

جلنار: أنا قالولى فى راجل فى الإبراهيمية .. راجل جريجى بيشوف الكوتشينة .. كوتشينته ما تنزلش الأرض .. قلت أروح أشوف الحكاية إيه أشوف إيه اللى جاى .. إيه المخبى .. حاكم اللى شفناه كتير .. كتير قوى .. عشمان: اللهم لا اعتراض ..

جلنار: أيوه .. الريح جامد .. الموج صعب ..

عشمان: نطاطیله برضه .. ما هی الناس علی دی ودی ..

جلنار: أيوه .. بس الحكاية زاطت قوى .. الكبير صغر .. والصغير في العلالي فوق ..

عشمان: ما هو الواحد برضه .. لازم يساير الجو طيب أقولك حكاية .. حكاية من كام سنة كان اللى يسألنى بتشتغل إيه .. أقول من ذوى الأملاك .. واللى كان يقولى يا فلاح أزعل .. كانت شتمه .. جم دلوقت قالوا ما يخشش البرلمان إلا الفلاح .. قلت فلاح ابن فلاح.. ما تاخديش في بالك يا ست هانم الواحد برضه .. ما يقفش ضد التيار ..

حــسين : الحياة يا مدام مش لغز ولا حاجه .. بس اللي يفهمها .. يقدر يتغلب عليها على كل شيء ..

--وسو : وحياتك فهماها .. خبزاها وعجناها وكل ما أمشى أقع .. ح-سين : ما هى كثرة الوقوع دى .. مهمة .. الإنسان بياخد من الوقوع حصانه ضد الوقوع ..

---وسو: وحياتك وكل مرة بتعويره ··

حــسين: أنتى لازم زى ما سمعت من الإخوان محبكاها شويه .. سـوسـو: إيه هي اللي محبكاها ؟

حسين: الأمور تتاخد ببساطة .. الواحد يعيش الحياة من غير ما يفكر كتير وما يشغلش نفسه دا ليه ودا عشان إيه .. دا بيكبر ليه .. ودا بيصغر ليه ودا بيعلى ليه .. ودا بينزل ليه .. مش لازم الإنسان يشغل نفسه بالحاجات دى .. الدنيا اتخلقت عشان نعيشها .. مش عشان نفهمها .

سوسو: طب نعيشها إزاى من غير ما نفهمها ..؟

حــسين: بسيطة .. بسيطة جدًا .. حضرتك لامؤاخذة مش فى بطنك معدة وأمعاء وبنكرياس وكبد وحاجات كتير ؟

سـوسـو: أيوه ..

حسسين: الحاجات دى كلها مش بتاخد الأكل وتهضمه ودا يفرز عصارات ودا مش عارف يعمل إيه عشان الإنسان يعيش.

- 11 -

سكة السلامة

سوسو: طبعًا ..

حسين: لو فرض أن حضرتك ماتعرفيش الحاجات دى .. بتشتغل إزاى.. الحاجات دى حتتوقف عن الشغل .. ؟

سـوسـو: لا ..

حــسين : يعنى الفهم وعدم الفهم هنا مالوش دعوه ..

سـوسـو: مش واخده بالى ..

حسسین: یعنی سواء فه متی معدتك بتشتغل إزای .. أو ما تفهمیش .. فهی بتشتغل ..

سـوسـو: أيوه ··

حسين: يبقى خلاص.. الحياة الواحد يعيشها ومش ضرورى يفهمها.. ويعيشها ازاى.. يتمتع بكل اللى فيها.. الجمال ... (وبشير إليها إشارة ذات معنى...).

عشمان: احنا تعبنا خلاص .. تعبنا قوى .. اللهم لا اعتراض .. - جلنار: أنا خلاص حاسخسخ ..

حــسين: اتمتعى بحياتك يا مدام.. شبابك.. وما تفكريش كتير.. الهـــام: حانقعد هنا على طول ..

محمد : علمي علمك ..

(يدخل قرنى وفكرى يتحدثان ثم يجلسان) .

قررنى : ما هو أصل الفن بحره غويط قوى ..

فــكــرى: كده .. ؟

قسرنى: أمال .. كل مخرج وله حكايه . كل منتج وله موضوع .
 كل أرتيست ولها طريقه .. أمال .

ف كرى: يظهر خبرتك واسعة بالوسط الفني ..

قــرنى: يا سلام .. مربيه على إيدى وحياتك ..

فــكــرى: إيه هو ..؟

قـــرنی: الوسط الفنی .. أهی ست سوسو دی مثلا ممثلة حلوه قوی .. إنما تحس أنها حاطه اللی عندها كله فی قزازه وساده علیها ..

فــكــرى: فعلا.. عندها إمكانيات.. بس ما انطلقتش لأنها برضه مش مثقفة.. موهوبة وذكيه .. وعيبها قلة الثقافه ..

قـــرنى: ثقافة إيه يا فندى .. خليها على الله .. الثقافة مالها ومال الفن .. هى حتعمل خوجه فى مدرسة ..

ف كرى: الثقافه واجبه برضه ..

قرنى: وحياتك .. أنا ما بيعلنى فى الناس اللى باشتغل معاهم إلا المثقفين بتوعكم دول .. الناس الفنانين المظبوط .. إيدهم ماشيه فى الشغل عندك الأستاذ حسونه المخرج .. أهو دا لاراح مدارس ولايحزنون .. عامل كام فيلم بيجيبوا دهب ..

فكرى: كتير ..

قرنى: أهو دا اتلطم فى الدنيا وحياتك .. مخرج جدع .. مخرج واقعى صحيح ..

فــكــرى: واقعى ؟

قـــرنی : أمال .. دا قعد عشر سنین .. کل ما یقوم من نصیبه .. یقع فی نصیبه .. ف كرى: عشان كده .. سموه المخرج الواقعي ..

قــرنى: هو الواحد يفهم الواقع إزاى؟ إذا ما كانش يقع بنفسه ..

فكرى: على رأيك ..

(يدخل إسماعيل ومعه فتوح ويجلسان).

فتوح: ما تجيب عنك الشنطة أشيلهالك ..

إسماعيل: كتر خيرك ..

فتوح: ليه بس .. دا احنا كلنا هنا اخوان .. ولازم نساعد بعضينا .. مش الناس لبعضيها برضه .

إسماعيل: متشكر ..

فـــــوح: حضرتك غنى ٠٠

إسماعيل: ماغني إلا الله ..

فــــــوح: أصل أنا ما باصاحبش غير الناس الغنيين ... الغنيين قوى ..

إسماعيل: (يشير إلى حسين) عندك الراجل اللي هناك ده .. غنى قوى..

فتوح: طب ما أنا عارف .. ما هي لازقه له أهي ..

إسماعيل: أنا راجل على باب الله ..

(يقوم فتوح ويسير إلى قرنى وفكرى) .

ف توح : طب یا خویا .. خلیك لوحدك على باب الله اسمع كلامى دا الوحده صعب ..

(يدخل سليمان ويقف متهالكًا).

فکری: یعنی جیت ..

سليمان: أيوه جيت ..

فــكــرى: ما كنت بتقول مش حاسيب العربية بتاعتى وقاعد تتلامض وتقول دى زى سلاح العسكرى ..

سليمان: اللي حصل بقي .. انت حتحاكمني .. ؟

قــرنى: أمال إيه ؟ لماضه بس ..

(العمدة يقوم ويتجه إلى السائق ويميل عليه يهمس فى أذنه..)

سليمان : تقدر تفهمنى .. اشمعنى مختارنى أنا دون عن دول كلهم عشان تسألنى .. ؟

عشمان: مش أنت برضه الأسطى بتاعنا ومسئول عننا ..

سليمان : حابقى مسئول عنكم بره العربية كمان ..

عشمان : ماهو مادام ما وصلناش إسكندرية .. تبقى لسه مسئول عننا ..

(ينظر إلى الباقين ..)

مش كلامي مظبوط يا حضرات .. الكسكره أهه.

(يخرج من شال عمته تذكرته ويريها للسائق ويعيدها

في حذر ..)

سليمان : عايز إيه خلصني .. اسأل يا أخي ..

(يميل عثمان على أذنه ويرفع سليمان رأسه ويقول فيما يشبه الصراخ ..).

سليمان : ما قدامك الصحرا واسعه أهيه ..

عشمان: كده .. ما هي أصلها سميات .. سميات في الجسم ..

(يسير عثمان ويخرج من المواجهة ويضرب سليمان كفًا بكف .. ويدخل أبو المحد ثائرًا).

أبو المجد : انت حاتروح في داهية ..

سليمان: لا يا شيخ ..

أبو المجد : أمال .. انت فاكر الحكاية لعبه ..

سليمان : ع العموم أنا قلت لكم خليكوا قاعدين في العربية ع الأقل في الضل.. ما سمعتوش كلامي.. أنتو أحرار ..

أبو المجد: كنا نقعد نعمل إيه هناك ..

سليمان : يعنى عملتوا إيه هنا ..

(يدخل العمدة وهو يجرى وذيل جلبابه في يده).

عشمان: الحقوا يا جماعه .. فيه عربية جايه .. يا سلام بركاتك يا سيدى شيل ..

(يهب الجميع واقفين..)

حسين: متأكد ..

عشمان: أيوه وكتاب الله .. عربية فنطاس .. من بتوع البنزين .. شفتها بعيني دول ..

فكرى: جايه هنا ؟

عشمان: أيوه جايه علينا على طول .. تعالوا شوفوا .

(يتجهون جميعًا إلى خلفية المسرح .. ينظرون وبعد لحظات واللغط دائر بينهم .. يقبل عويس ويلتفون حوله ويدخل المسرح ..).

عـويس: سلامو عليكو ..

الجميع: وعليكم السلام ورحمة الله وبركاته .. (بلتفون حوله).

عــويس: حضرتكم عدم المؤاخذة بتعملوا إيه هنا .. سـوســو: بنتفسح .. بنشم هوا .. احنا سواح ؟ .. عــويس: (يأخذ الأمر جادًا).

یاه .. دا أنتو غوطتوا قوی ..

ســوســو: ما عجبناش الهوا هناك .. قلنا نشمه هنا. عــویس: (یجلس ویستدیر الجمیع حوله).

دا أنا كنت فاكركوا بتوع جاز ..

قــرنی: جاز إیه یا أخینا؟.. أنت شایف حد مننا فشل قدامك .. حــسین: وانت حضرتك رایج فین وجای منین .. ؟

عـويس: أنا.. أنا عدم المؤاخذة سايق فنطاس ..

سوسو : فنطاس .. فنطاس إيه ؟

فكرى: دى عربية من اللي بتشيل الجاز والبنزين ...

عــويس: معايا بنزين طياره .. كنا بنشتغل في الشركة اللي بتفجر في الصحراع الجاز ..

فكرى: وليقتوا جاز ..

عــويس: أول ماظهر الخواجات ردموا الأبيار وقالوا لنا مافيش .. وعزّلوا .. وانا أخذت بنزين الطيارة اللى فضل وكنت

راجع ورا العربيات عوقت شوية في السكة.. تهت ..

قــرنى : (يضحك) تهت .. عليك نور ..

عشمان: جبتك يا عبد المعين تعيني ..

فــكــرى: والشركة ردمت الأبيار ليه ؟

عسويس: علمى علمك .. قالوا ما فيش جاز .. وحياتك ريحة الجاز كانت طالعه من الأبيار .. بيقولوا بيسحبوه من بعد الحدود ..

حسين : وانت كنت رايح فين ؟

عسويس: إسكندرية .. أنا تهت بقالى كام ساعة تايه إنما دلوقت خلاص .. عرفت علامات السكة .

قــرنى: هي الحتة كانت تقيلة شوية ؟

عـويس: حتة.. حتة إيه؟ والنبى يا جماعة القاش معاكم شوية ميه.. أنا ريقى نشف ..

سوسو: ميه لا .. فيه بيره .. تشرب بيره ..

عــويس: بيرة .. (بتردد) زى بعضه .. هى حرام صحيح .. إنما الضرورة ..الضرورة لها أحكام

سوسو: (للريجي) هات قرازة من الفريجيدير يا قرنى بس تكون ساقعه أحسن الأسطى حران .. قوى .

عــويس: كتر خيرك يا ست هانم .. الخمرة حرام .. إنما يعنى للضرورة أحكام ..

قسرنى: يا أخى حرمت عليك عيشتك .. أنت صدقت دا احنا ريقنا نشف وبنشرب من عرقنا .. والنبى ياست سوسو ما فيش داعى للهزار دلوقت خلينا فى الجد ..

عــويس: طيب ما فيش سيجارة ..

أبو المجد : (بعصبية) اسمع .. بلاش سيرة الحاجات اللي بتبوظ

الأعصاب دى.. احنا تايهين زيك من إمبارح المغرب واحنا هنا ..

فـــــوح: احنا كلنا تايهين .. تايهين خالص ..

عـويس: تايهين؟ وكنتوا رايحين فين..؟

أبو المجد : كنا راكبين أتوبيس .. سايقه واحد سواق حمار.

سليمان : اسمع يا فندى .. لم لسانك أحسن لك ..

عــویس: معلش یا أستاذ .. دی حاجات بتاعة ربنا یعنی هو کان یقصد یتوهکم ..

سـوسـو: اسمع .. أوعى تكون من العصابة ..

عــويس: عصابة إيه يا ست .. ؟

سوسو: العصابة اللى حاتطلع علينا تسرقنا.. عصابة السواق ده ..

عــويس: كده برضه .. الله يسامحك يا ست هانم (يقف) سلامو عليكم ..

قــرنى: (يمسك به) تعالى هنا . . رايح على فين ؟

عــويس: ماشي ..

حــسين : طول بالك يا أسطى.. أنت عندك كام محل فى العربية؟ عــويس : محل إيه .. دى عربية فنطاس .. كلها بنزين .

حــسين: ما تقدرش تاخد معاك حد.. حاندفع لك اللى أنت عادره..

عــویس: تدفع لی .. یا أفندی دی عربیة فنطاس ما فیهاش مطرح.. قــرنى: نركب فوق الفنطاس ..

عسويس: فوق البنزين .. دا كان يولع فى دقيقة واحدة دا بنزين طياره ما يستحملش ..

حـسين: نركب جنبك ..

عـويس: فيه مطرح واحد ..

حسين : واحد بس ؟

عصويس: مافيش مانع آخد واحد منكم معايا ..

حسسين: زى بعضه .. وأول ما نوصل إسكندرية نبعت عربية تجيب الباقيين.. يا للا بينا ..

أبو المجد : (يعترض طريق رئيس المجلس).

ياللا بيكم فين ؟

حــسين: أروح أجيب لكم عربية وأجى ..

فــكــرى: واشمعنى أنت .. ؟

حسسين : علشان أنا رئيس مجلس إدارة .. وطبعًا لى نفوذ وأقدر أجيب لكم عربية ..

أبو المجد : ما هو الأستاذ صحفى .. واتصالاته واسعه ويقدر يقوم بالحكاية دى .. وأنا كمان مش أقل منكم ..

حــسين : طب وإذا كان واحد حيروح .. ليه يكون الأستاذ فكرى بالذات أو حضرتك .. ليه ما يكونش أنا ..

ابو المجد: وليه يكون أنت.. ثم إن الحكاية مش محتاجة لنفوذ ولا غيره.. ولا محتاجه لإسكندرية كمان اللى حيروح يبلغ أى نقطة حدود .. هم حيجوا على طول ينقذونا.. حسين: خلاص.. يبقى نروح نقطة الحدود.. يا للا يا أسطى.. فـكرى: يا للا فين ؟

قـــرنى: ما تطول بالك يا أستاذ .. أنتوا حتكروتونا ولا إيه .

حــسين : يعنى إيه نكروتك ..

قرنى: تكروتنا .. يعنى تكروتنا .. اشمعنى واحد منكم اللى حايروح .. عشان بهوات يعنى .. لا كلنا واحد ..

أبو المجد : عشان يعرف يبلغ ..

قـــرنى: ودى عايزه معرفة دى .. أى واحد حيروح يقول لهم فيه
 ناس تايهين فى الحتة الفلائية حييجوا على طول ..

سـوسـو: بالظبط .. أروح أنا ..

حسين: لايمكن ..

سوسو: ليه بقى .. ؟ معنديش نفوذ ..

مسين: مش الفكرة .. الفكرة أننا لا يمكن نوافق أن واحدة ست تسافر لوحدها مع ..

عـويس: مع إيه يا أستاذ ؟ هه مع إيه ؟

حسين: مع راجل ..

سـوسـو: ليه بقى .. حا يا كلنى فى السكة .. دا باين عليه طيب وابن حلال ..

أبو المجد : مش ممكن أبدًا ..

ف كرى: نبقى احنا إيه.. أما نسيب واحدة ست لوحدها في الصحرا مع راجل ··

إلهام: وماله .. مالها الست .. دا حتى الست تستحق الإنقاذ

قبل الراجل.. أنا اللي حاروح .. أنا عندى ولاد صغيرين سايباهم لوحدهم ..

ف کری: سایباهم فین ..

إلهام: في مصر ..

فـ کـرى: دا رايح إسكندرية ..

الهـام: وماله.. أنزل إسكندرية.. وآخد القطر على مصر على طول..

فــكــرى: دا أنتى أصلك رايحه الإسكندرية .. وكنتى سايبة الولاد الصغيرين لوحدهم .. ؟

محمد : وانت مالك انت يا أستاذ .. تتحشر في شئون غيرك .. فكرى: طب وانت مالك أنت ..

جلنار: يا جماعة اللى تروح لازم أنا .. أنا ست تعبانه وعيانه .. عشمان: أيوه .. الست جلنار لازم هى اللى تروح .. دى كُمنًا ومش حيحصل حاجة في السكة بإذن الله.

فــــــوح: أنا اللى أروح معاه .. أنا أصغر واحد فيكم وأنا لسه ما المتمتش بالدنيا .. ثم أنا خفيف يعنى لما أركب العربية .. مش حتزود الحمولة ولا حاجه .. عشان ما تغرزش ..

ف كرى: أنا اللي رايح .. يا للا يا أسطى ..

أبو المجد : وليه ما يكونش أنا ..

(يبدأ الجميع في الحديث بصوت مرتفع مختلط لا أنا..)

أنت إيه .. وفجأة يصرخ سليمان).

سليمان : بس .. أنا عندى فكرة ..

(يصمت الجميع وينظرون إليه) .

سليمان: تتخانقوا مع بعض بس مش بالكلام.. بالضرب وانتو حداشر.. تموتوا عشرة منكم واللى يفضل حى هو اللى يروح ..

أبو المحد : يا دمك ..

قــرنى: خفيف قوى المضروب ..

فــــوح : أيوه.. عشان نموت كلنا وتروح أنت..

عسويس: أنا حاخد أشد واحد فيكم .. اللى صحته كويسة إذ ربما العربيه تنغرس في الرمل ولا حاجة يبقى يساعدني.

قــرنى : عليك نور .. يا للا بينا ..

(ويجذب السائق من يده).

أبو المجد: (يعترض طريقه) يا للا بيكوا فين . . ؟

قـــرنی: فیه حد فیکم أشد منی .. ؟

حــسين: كلنا شداد والحمد لله..

فــكــرى: طبعًا أنا أشد منك .. أنت منظر بس ..

قــرنی: (یمسك فكری من یده ویلویها..)

منظر إيه يا أستاذ .. ماتقولش منظر ..

(فكرى يصرخ).

قرنى: أكسرهالك ..

ف کری: هی شطارة .. تلوی دراعی علی سهوه وتقول أقوی منك .. وعی سیب ..

(يترك ذراعه).

قــرنى: يا للا يا أسطى ..

سليمان : طُول بالك .. عندى فكرة تانية ..

(ينظر إليه الجميع).

تخشوا مع بعض مصارعة .. واللى يغلب .. هو أقوى واحد فيكم وهو اللي يروح ..

قــرنى: معنديش مانع ..

أبو المجد: إيه الأفكار دى.

ف كرى: تسمح توفر أفكارك لنفسك .. إحنا مش ناقصينك.

سـوسـو: أنا اللى حاروح .. فاهمين يعنى إيه.. اللى حيقرب منى حيعرف شغله .. با للا با أسطى انت اسمك إيه ؟

عـويس: اسمى عويس ..

(تتناول سوسو ذراع عويس بحنان واضح ..)

سوسو: يا للا بينا يا أسطى عويس ..

(عويس يسير وهو كالمنوم..)

سليمان : طول بالك يا أسطى عويس .. الراجل ده .

(يشير إلى إسماعيل).

ما نطقش .. وهو أحق واحد بالمرواح .. ده راجل عيان ويمكن اللهم احفظنا يحصل له حاجه هنا .. تبقى مصيبة ..

(يبدو عويس أنه يفكر ويعود وينظر إلى إسماعيل..)

جلنار : والراجل دا بس اللي عيان .. دا أنا حاموت وإذا مت حتحتاسوا فته .. الهـــام : وانا يعنى اللى سليمه .. دا اللى فى جسمى من جوه ما حدش شافه .. اسندنى يا محمد آه ..

(وتسقط إلهام مغشيًا عليها ومحمد يرقدها ويجرى لها التنفس الصناعي ..).

حــسين : وحياتك أنا عندى ضغط .. ويمكن فى الحـر ده أروح فها .. آه ..

(يمسك جبهته بيده ويجلس وهو يتأوه).

عشمان: يا مفاصلى .. مفاصلى يا ولاد .. اعمل معروف يا أخويه لا يسيئك .. دا أنا خلاص حاموت .. أشهد ألا إله إلا الله وأن محمدًا رسول الله ..

أبو المجد: أناعندى انزلاق غضروفى قديم .. معرفش بينقح على ليه.. ولومت (يمسك ظهره ويجلس).

فــكــرى: ترى الفـتـــان كـالنخل .. ومـا يدريك مـا الدخل. أنا. شخصيًا عندى إصابة قديمة فى العصب السمبتاوى .. يظهر المشوار خلاه يعمل على تاني ..

(يجلس فى شبه انهيار .. جميع الجالسين الآن فى حالة تأوه وتوجع ..)

فــتــوح : طب ما أنا كمان عندى فتاق .. والفتاق صعب صعب خالص .. (يجلس متأوهًا ..).

سوسو: ويعنى أنا اللي سليمه .. اسندوني ..

(تمثل المغمى عليها .. ويسرع سليمان وعويس يسندانها ويرقدانها على الأرض .. ويقف سليمان وعويس ينظران إلى الجميع وهم راقدون وجالسون يتأوهون..).

سليمان : (لعويس) شفت بقى .. أهى بقت شفخانه أهه .. مسوط ..

عسويس: والعمل .. ؟

سليمان : عمل إيه .. ودى عايزه سؤال .. دول عاوزين عربية إسعاف .. مش عربية بنزين ..

عــويس: يعنى آخد مين معايا .. تيجي أنت ..

سليمان : أنا ؟ أول هام ما أقدرش أسيب عربيتى .. وتأنى هام كانوا يموتونا ..

عــويس: يموتونا ٥٠دى عربيتي وأنا حر فيها ٥٠

سليمان : طب بلاش السيرة دى أحسن .. فضك منى أنا وتشوف حتاخد من ؟

(عويس يفكر ثم يسير بين المرضى الراقدين والجالسين على الأرض.. يتفرس فيهم واحدًا بعد الآخر وكلما أحس المريض أن عويس ينظر إليه زاد صراخه من الألم .. يعود عويس بعد المرور إلى سليمان ..).

سليمان : هيه ..

عـويس: مش عارف.

سليمان: فضك يا شيخ بقى وسيبهم لأمر الله .. خد عربيتك وامشى .. دول نحس .. كفاية نحسونى ونحسوا عربيتى ..

(عويس يسرح ثم ينظر إلى لافتة ملتصقة بجدار أحد الوهاد .. عويس يتفرس في اللافتة..).

عـويس: يا نهار اسود ..

(يتراجع ثم يوجه حديثه للراقدين ..).

عــويس: أنتوا عارفين أنتوا نايمين فين.. الحتة دى فيها ألغام .. سليمان: ألغام .. ؟

عــويس: أيوه .. اليافطة أهه .. الأرض كلها ألغام فى الحتة دى من أيام الحرب .. اليفط دى أنا عارفها كويس ..

(فى لحظات يكون الجميع قد غادروا المسرح جريًا من كل ناحية .. ويبقى عويس وحده على المسرح يقهقه بصوت عال .. وبعد لحظات تدخل سوسو من الناحية اليمنى متنمرة وتتجه فى سرعة إلى عويس وهو مازال يضحك وتصفعه قلمًا ..).

۔ ستار۔

المشهد الثاني

المنظر:

مبنى مهدم.. مجرد حوائط دون سقف أو أبواب أو شبابيك.. على اليمين حجرة تفتح يسارًا على مدخل.. بينهما فتحة كانت بابًا في الماضى في الحجرة نافذة في الناحية اليمنى.. وأمام النافذة حجر كبير يصلح كمقعد.. وأمام المقعد حجر كبير آخر يشبه المائدة.. عند رفع الســـــــــار نرى ســاثق الفنطاس يعــدل من وضع الحجر.. ثم يجلس عليه يجربه ثم يقف فرحًا.. على الباب ولكنلا لداخل الحجرة سواق البولمان.. وفي المدخل جميع الركاب واقفين متجمهرين.. سائق الفنطاس بعد أن يجرب المقعد والمائدة يتجه اليهم فرحًا.. الوقت في الظهر تمامًا.. الشمس في كبد السماء..)

ع ويس: كويس خالص .نبتدى بقى ..

(يتجه إلى سليمان) أنت تدخلهم واحد واحد وواحده واحده ..

سليمان : أيوه.. تقعد أنت هنا .. وهم يقفوا هنا وأنا أدخلهم لك واحد واحد .. ولما واحد يطلع التاني يخش .. عسويس: (للمجموعة) خلاص فاهمين.. كل واحد يخش لى جوه .. حايقولى كان مسافر ليه إيه العذر اللى عنده وإيه اللى يخليه أحق من غيره بالسفر وأنا اللى حاختار .. (ويتقدم المحامى يواجه الجميع وهو فى حالة ثورة ..)

أبو المجد: أنتو موافقين على الكلام ده .. حــسين: أبوه..

أبو المجد : موافقين إن سواق زى ده يتحكم فينا .. يذلنا .

قـــرنى : والنبى يا فندى تبطل فلحسه .. عايزين نمشى .. ورانا أشغال .. أشغال يا عالم ورانا سيما ..

أبو المجد : أنتو إيه .. مافيش كرامه .. خلاص .. حتة بتاع زى ده يتحكم فيكم .. يقف هوه جوه وأنتم تخشوا له واحد واحد .. حيحاكمكم ..

سليمان : أمال عايزين إيه.. ما دام معرفتوش تتفقوا على حد يسافر معاه .. سيبوه بقى يصرف ..

أبو المجد: اسكت أنت يا سبب المصايب كلها.. فكرك الحكاية حاتعدى كده.. وحياتك قضية قضية توديك في داهية.. دخولك السجن حا يكون على إيدى.. بإذن الله ..

سليمان: يا أستاذ اصطبح .. لما تطلع من هنا سليم ابقى قول قضية وغيرها .. ما حيلتكوش إلا الغلبه.

فـكرى: وانت حيلتك إيه ؟

سليمان : صنعة باكل منها عيش ..

أبو المجد : ما هي صنعتك دي هي اللي ودتنا في داهية ..

سليمان: لا فندى ده هو اللي وداكم في داهيه .. هو اللي ضحك على .. غشني .. منه لله ..

ف کری: بس یا جدع انت بقی .. فضك م السیرة دی ..

أبو المجد : يا ناس .. يا عالم .. أنتو حتجننوني .. إزاى توافقوا على الحكايه دى ..

حــسين : عايزنا نعمل إيه يعنى .. ؟

أبو المجد : نضربه وناخد العربيه احنا ونمشى ..

عشمان: يا جماعه مافيش داعى للأذيه .. الأسطى هو اللى حيصرف .. واحنا راضيين حكمه .. ياللا يا أسطى بقى .. احسن نقحه الشمس تسيح الزلط ..

أبو المجد: كرامتكم راحت فين .. بقى رئيس مــجلس إدارة وصحفى وعمدة وفنانة كبيرة .. كل دول يتحكم فيهم واحد زى ده ..

حسسين: طول بالك يا أستاذ أبو المجد .. (يميل عليه) إذا كان لك عند الكلب حاجه قول له يا سيد

أبو المجد : ما هو الكلام ده هو اللي ودانا في داهيه ..

حسسين: بالعكس .. الكلام ده هو اللي خلانا عايشين لحد. دلوقت .. وعندنا أمل نعيش كمان ..

(يتركه ويتجه إلى سائق الفنطاس) ما تزعلش يا أسطى.. اتفضل شوف شغلك.. هوا شرانى شويه.. إنما قلبه أبيض م البفته.. اتفضل انت.. اتفضل سعادتك ..

(يدخل سائق الفنطاس ويجلس ويتحرك سائق البولمان .. فيقف على الباب من الداخل كالحاحب .. فـــكـــرى: المبنى ده .. كان مركز القيادة البريطانية والألمانية كمان
 أيام الحرب ..

(يدور ببصره في المبني)

عشمان: بس لو كان لها سقف .. كانت حمتنا م الشمس اللي بتنقح في نافوخنا ..

ق رنى : والله عشنا يا ولاد ودخلنا القيادة البريطانية والألمانية كمان ..

ف كرى: والأوده دى .. (يشير إلى الحجرة) كانت مكتب القائد .. يعنى قعد فيها روميل ومونتجيمرى ..

ابو المجد: اتفضل.. اتفضل يا أسطى.. روميل.. ذل فينا شويه .. (فجأه تصرخ سوسو في عصبية شديدة..).

سـوسـو: ما تخلصونا بقى ..

(سائق الفنطاس يقوم ويتجه إلى الباب والجميع ينظرون إليه في دهشة .. ويقابله رئيس مجلس الإدارة فيمسك به ..

حـسين: رايح فين ؟

عـويس: ماشى ..

حسين : ماشي رايح فين ٠٠٠

ع_ويس: آخد عربيتي وأتوكل ..

(رئيس المجلس يضطرب .. الجميع مذهولون يلتفون حوله..)

حسين : تاخد عربيتك إزاى .. هو حصل لا قدر الله حاجه ..

عــويس: الأفندي ده .. مش عاجبه .. وأنا كمان مش عاجبني ..

حـسين : إيه هو بس اللي مش عاجبك .. ؟

عـويس: الغلبه بتاعتكم ..

حـسين: خلاص ..

(يتجه إلى المجموعة)

تسكتوا كلكم .. مفهوم ..

سوسو: كمان الست دى ما تصرخش ..

حــسين : مش حاتصرخ .. (يغمز سوسو في ذراعها)

أبو المجد : يا جدع انت اتلم بقى .. كفايه ..

عـويس: سلامو عليكم ..

(يتحرك ليسير ..)

عشمان: یا أسطی .. إلهی یسترك .. خلاص یا فندی خلاص .. . (الریجی یتقدم فیقبل رأسه)

قرنى: وآدى راسك ..

(يعود السائق فيجلس وينظر إلى المجموعة التى بدأت تتململ .. ثم يقوم فجأة ويقف في منتصف الحجرة..)

عــويس: مش حا ينفع كده ..

(لسائق البولمان)

طلعهم بره ..

حسسين : عايزنا نروح فين ؟

عسویس: تطلعوا بره .. کلکم .. الباب مفتوح .. وانا مش عایز هیصه ..

حــسين: حاضر .. ياللا يا جماعه ..

أبو المجد : يا نهار اسود .. حصلت كمان ..

(يستدير ويواجه المجموعة ويتحرك سائق البولمان ويبدأ فى دفع الموجودين ..)

سليمان : ياللا يا أستاذ .. يا للا يا ست .. مفيش وقوف هنا .. ياللا ورانا .. شغل المحكمة حتبتدى (يخرجون فى تكاسل .. شديد .. ويعود سائق الفنطاس فجلس ويقف

سائق البولمان) ناس مواشى صحيح .. والله لو كنت منك لاسيبهم هنا لحد ما يفطسوا ..

عصويس: وانت ..

سليمان: أفطس معاهم ..

عــويس: هات الجدع أبو شنطه ده الأول ..الجدع العيان ده .. سليمان: ده ما ينطقش خالص .. أنا خايف يخلص هنا ونحتاس

فيه .. ماتاخده معاك وتريحنا ..

(يخرج سائق البولمان ويعود ومعه حامل الشنطة ويوقفه أمام سائق الفنطاس ويعود فيقف على باب الحجرة من الخارج..)

عـويس: اقعد.

(یلتفت الرجل حوالیه ثم یجاس.. علی حجر أمامه شنطته علی حجره ..).

عـويس: اسمك إيه ؟

اسماعيل: إسماعيل البحراوي ..

عـويس: بتشتغل إيه ؟

إسماعيل: رأسماليه وطنيه ..

عـويس: ومسافر ليه؟ ..

إسماعيل: شوف يا بيه .. يا اسطى ..الجماعه اللى معانا دول .. ولا واحد فيهم يستحق الشفقه .. دول كلهم ناس مؤذيين..

ناس بعيد عنك أشرار .. اللى طويل اللسان.. واللى طالع فيها واللى لا مؤاخذة مش على بعضه .. واللى لامؤاخذة موش على بعضها ..

عـويس: وحضرتك .. ؟

إسماعيل: في حالي ..

عـویس: الشنطه دی فیها إیه ؟

(يشير إلى الشنطة)

إسماعيل: (يضطرب) لا . . دافيها شوية هدوم قديمه هدوم قديمة . . جلابيه وشبشب . . شوف يا بيه اللي انت عايزه

اطلبه .. من جنيه لعشره والا اقول لك .. تشاركني ..

عــويس: أشاركك على إيه؟

إسماعيل: على الصفقه اللى رايح اعملها .. أنا رايح اعمل صفقه في إسكندريه.. حاشتري مركب حاشتريها من المؤسسه بتاعة المراكب ..

عـويس: حاتصيد سمك ..

إسماعيل: لا.. دى مركب ركاب.. حاشتريها خرده كهنه وأصلحها.. عسويس: وبعدين؟ إسماعيل: أبيعها للمؤسسه تاني ..

عـويس: وتكسب كتير ؟

إسماعيل: دى ظروف.. إيه رأيك توصلنى ونبقى شركه والا أقول لك .. تاخد عمولة اثنين فى الميه كويس اكتب لك ورقه دلوقت .. نعمل عقد الشركه ..

عـويس: عقد.. ؟

إسماعيل: ونسجله فى الشهر العقارى.. أول ما نوصل والا اثثين فى الميه .. يطلعوا ع الأقل متين جنيه وإذا المؤسسه بعبعت يطلع اكتر ..

عـويس: (يفكر)

إسماعيل: قوم اتوكل .. دانا راجل غلبان .. عندى ولاد .. والمبلغ ينفعك .. عـويس: استتى بره شويه ..

إسماعيل: حاضر.. وأول ما تحب.. أكتب لك الورقة على طول .. (حامل الحقيبة يسير ويتجه إلى سائق البولمان ويسأله ..) إسماعيل: وحياة أبوك.. وصيه على.. ولك واحد في الميه كمان..

سليمان : طيب اطلع دلوقت ..

(يخرج حامل الحقيبة ويقترب سائق البولمان من سائق الفنطاس ..)

سليمان : عايز مين تاني ؟

عسویس: هات الواد اللی موش علی بعضه ده .. الواد الصغیر .. (یخرج سائق البولمان ویعود ومعه فتوح.. یدخل فتوح وعندما یقترب من السائق بحبیه..)

فتوح: بنسوار عليكم ..

عـويس: اقعد ..

فتوح: مرسى .. مرسيه قوى ..

(يجلس فتوح على الحجر .. ثم يقوم وهو يضع يديه

على مؤخرته ..).

فـــــوح : ياه .. دى جامده قوى .. خلينى واقف احسن

سليمان : واقف .. لا .. هو عايزك قاعد ..

(یجلس فتوح متضررًا ..)

عـويس: أنت اسمك إيه ؟

فــــــوح: اسمى.. فتوح محمد فتوح.. ويدلعوني ويقولولي يا توح ..

عـويس: هم مين ..

فـــــوح: اصحابی .. بیقولولی یا توح .. بیحبونی قوی

عـويس: ومسافر اسكندريه ليه .. ؟

فـــــوح: مطلوب.. وحياتك مطلوب بالتلغراف...... التلغراف الهم ..

(يخرج من جيبه تلغرافًا ويمد يده إلى السائق فلا بتناوله.. فيقرأ هو ..)

فتوح: تلغراف من أصحابي .. شوف مكتوب فيه إيه ...

احضر حالاً.. انا استلمت التلغراف من هنا وقلت لازم أسافر على طول ..).

عــويس: وعايزينك ليه ؟

فــــوح: الوحده صعب .. صعب خالص .. يا سلام دا أصحابي

کلهم جانتیه خالص.. وکرما.. کرما خالص.. بس شقیین.. (بضحك)

عــويس: بقى شقيين .. ؟

فــتــوح : خالص .. هم شقيين بعقل .. ده من شقاوتهم بابقى حاتجنن .. حاتجنن خالص ..

عـويس: وحضرتك بقى .. بتشتغل ايه ؟

فـــــوح: اشتغل ليه .. هو خلاص يعنى ماليش اصحاب هو انا مقطوع من شجره ..

عــويس: بتاكل منين .. ؟

فــتـوح: أصحابى كتير قوى .. أصل الوحده صعب دا انا لى ولا ميت صاحب .. وكلهم وحياتك غنيين معاهم فلوس .. وفى مراكز كبيره .. كبيره قوى أنا رايح لهم حاقعد فى اسكندريه ييجى جمعه وبعدين لازم أروح راس البر .. ولازم أرجع مـصر بعـد كـده .. على طول .. سـايب أصحابى اللى هناك على نار .. وحياتك بقوا بيبوسوا فى إيدى وأنا مسافر .. ويقولولى خليك معانا صعبوا على .. قلت لهم حاكون فى إسكندريه يومين وارجع لهم على طول .. أمال .. كلهم بيـحبونى .. اصل الوحده صعب .. خدنى معاك والنبى بدل ما تسافر لوحدك ..

عــويس: كده ..

فتوح: أمال .. أصل انا موش واخد على الصحرا .. ما

احبهاش .. والناس اللى معانا كلهم دمهم تقيل .. ومافيهومش ولا واحد ظريف .. ولا لطيف غيرك .. خدنى معاك .. أروح .. ؟

عـويس: تروح فين .. ؟

فت وح: أركب العربيه واستناك لحد ما يجيلك مزاجك تروح الوقت اللي يعجبك .. في النور .. في الضلمه اللي تشوفه .. قلت ايه؟

عـويس: طيب خليك معاهم شويه ..

فــــوح: مرسيه .. مرسيه خالص ..

(يقوم فتوح ويخرج وسائق البولمان ينظر إليه ..)

سليمان : أعدوذ بالله إيه ده.. أهى البلاوى دى اللى نحست العربيه .. ده كويس اللى مشيت لحد هنا وهي محمله

بالمصايب دى .. عايز مين تانى .. ؟

عــويس: هات الراجل اللمض ده ..

سليمان : البيه الكبير .. دا راخر حكايته حكايه ..

(يخرج سائق البولمان ويعود ومعه رئيس مجلس الإدارة الذي يحبى ويجلس ..)

حسسين : شوف يا أسطى .. انت باين عليك راجل بتفهم خليك عملى وشوف مصلحتك فين ..

عــويس: مصلحتى فين ؟

حسسين: في الفايده .. في اللي يديلك اكتر ..

عـويس: وبعدين ..

حسين : ولا قبلين .. دول كلهم جرابيع .. ما حيلتهومش اللضا .. ناس فالصو .. وانا راجل مسئول واللي تقول عليه انا مستعد .. فلوس .. وظيفه

عـويس: وظيفة إيه ؟

حسين : انت بتقول شركة الجاز شطبت .. وطبعًا حايستغنوا عنك.. أنا مستعد أوظفك في اي شغله تعجبك أعملك رئيس الجراج بتاع الشركه.. ملاحظ عمال.. رئيس ورديه.. أي وظيفه تعجبك.. إيه رأيك ؟ (رئيس المجلس يدس يده في جيبه ويقدمها للسائق).

حــسين : خد دول دلوقت ..

ع ويس: إيه دول .. (دون أن يمد يده)

حسين : دى حاجه صغيره .. تنشط تفكيرك ..

عـويس: لا .. خليها دلوقت .. واستنى حضرتك معاهم لحد ما أفكر ..

حسين : ودى عايزه تفكير .. انت حاتاخد واحد معاك ليه ما اكونش انا الواحد ده ... وتاخد المبلغ والوظيفه وتنبسط .. الراجل الجدع اللي ما يفوتش الفرصه لما تيجي لحد عنده..

عـويس: سيبني أفكر ..

حسين : أنا حاسيبك .. بس عايز أقول لك حاجه الفرصه ما تحييش للواحد في حياته غير مره واحده .. واذا ضاعت ما تتعوضش ..

(يقوم رئيس مجلس الإدارة ويخرج ..)

سليمان: راجل لمض صحيح .. ما تفضنا بقى م الحكايه دى .. دول كلهم زى بعضهم .. وحياتك ولا واحد فيهم يستاهل تاخده معاك ..

عــويس: هات الجدع بتاع الجرانيل ده ..

(يخرج سائق البولمان ويعود ومعه الصحفى ويجلس ..) فــكــرى: مساء الخير با أسطى ..

عــويس: مساء النور يا أستاذ .. حضرتك بتشتغل فى الجرنان .. موش كده .. ؟

فــكــرى: أيوه يا أسطى.. مهنة البحث عن المتاعب وزى ما أنت شايف الحمد لله المتاعب هى اللى بحثت عنى المره دى .. عــويس: ورايح إسكندرية ليه ؟

فــكــرى: الحقيقه .. أنا كنت رايح مرسى مطروح ..

(يتدخل سائق البولمان ...)

سلیمان : مرسی مطروح .. یبقی علشان کده غشتنی وودیتنی سکة مرسی مطروح ..

فــكــرى: (يهب واقفًا ويواجه سائق البولمان..) انت تسكت يا راجل انت.. انت بترمى خطأك على الغير والا إيه.. ؟

سلیمان : غیر ایه بس یا استاذ .. حرام علیك .. بقی عشان حضرتك رایح مرسی مطروح .. یبقی تاخد الناس دی كلها معاك .. تودینا كلنا فی داهیه علشان تختصر المسافه .. فــكــرى: انت بتخرف بتقول إيه ؟ أنا كنت رايح إسكندرية وكنت حاركب من هناك وأروح مرسى مطروح ..

سليمان : يا أستاذ حرام عليك .. حرام عليك تعمل فينا كده.

فــكــرى: الراجل الشريف يتحمل مسئولية عمله ..

سليمان : والراجل الشريف .. ما يكدبش ..

فكرى: انت بتحاول تأثر على الأسطى والا إيه ؟

سليمان : بانوره أحسن ياخدك معاه وتتوهه راخر .. يبص يلاقى نفسه في الواحات ..

فــكــرى: أنا عايز أفهم .. انت متقصدنى ليه .. بتحقد على ليه.. ؟ اشمعنى اخترتنى من وسط الناس دول علشان تتهمنى الاتهام الكاذب ده ؟

سليمان : أنا ما اخترتكش. انت اللى اخترت نفسك وغشيتنى .. فكرى: أمثالك دايمًا يحقدوا على المثقفين .. أمثالي ..

سليمان : مثقفين إيه يا أستاذ .. خليها على الله بلا فلقة ..

فکری: یعنی إیه ؟

سليمان : يعنى خليها على الله .. بذمتك يا شيخ موش انت اللي غلطتني برضه ..

عـويس: سيبه يا أسطى .. خلينا نشوف شغلنا ..

سليمان: حاضر ..

(يسير إلى الباب وعندما يبتعد يتحدث الصحفى) فكرى: شايف .. شايف الحقد.. أنا موش عارف الراجل ده اختارني أنا ليه .. ؟ عــويس: انت حضرتك عارف الركاب كلهم .. فكرك مين اللى يستاهل اخده معايا ..

فــكــرى: الحقيقة كده لوجه الله ؟

عـويس: الحقيقة ..

فــكــرى: ولا واحد ..

عـويس: إزاى .. ؟

فـكـرى: تاخد رئيس مجلس الإدارة .. ده راجل مغرور ومدعى ومرتشى .. وعلى فكره ده راجل خباص كبير .. حياته مليانه بلاوى .. تاخد العمده ده موته واراحة البلد منه .. واجب .. تاخد الأرتيست .. تبقى وقعتك سوده .. إذا اخدتها معاك .. موش حاتخلص .. وعلى فرض يعنى ما حصلش حاجه .. الإشاعات تهريك .. تاخد الولية الكركوبه التانيه .. ألعن واضل سبيل على الأقل الأولانيه خلقه تنشاف .. تاخد الجدع الربجيسير .. الأولانيه خلقه تنشاف .. تاخد الجدع الربجيسير .. واحد بالله .. ده راجل اللهم احفظنا .. يبقى تاخد الأفندى توح يا حفيظ .. مافيش غير واحد يا أسطى .. واحد بس اللى يستحق أنك تنقذه علشان مصلحة المجتمع .. ومصلحتك انت كمان ..

عــويس: هو مين .. ؟

ف کری: أنا طبعًا ..

عـويس: وإيه مصلحة المجتمع ومصلحتي بقي .. ؟

فــكــرى: من ناحية المجتمع .. أنا عضو عامل وبآدى خدمة عامه .. ومن ناحية مصلحتك الشهرة .. المجد أنا أشهرك ..

حاخليك شخصية معروفه ريبورتاجات .. صور.. شهامة سائق .. لا .. بلاش شائق .. شهامة مواطن .. صورة على ثلاث عواميد .. البلد كلها حاتتكام عنك .. صورة لك لوحدك .. صوره لنا احنا الاتنن .. إيه رأيك

عصويس : طيب استنى بره شويه ..

(الصحفى يخرج من جيبه مظروفًا يدفعه للسائق)

ف کسری: شوف یا أسطی .. إذا كان مالیش حظ أروح معاك تسمح تاخد الجواب ده .. وأول ما توصل إسكندرية ..

ترميه فى صندوق البوسته .. (السائق بتناول منه الخطاب وبقليه.)..

عــويس: فيه إيه ؟

فــكــرى: ده مقال .. كتبته عن حكايتنا دى .. مغامرتنا المثيره .. في الصحرا ..

عـويس: ده ما علهش ورقة بوسته ..

فــكــرى: (بضحك) كده .. اتفضل يا سيدى ..

(يخرج من جيبه ورقة بعشرة جنيهات من حافظة نقوده ..) الحقيقة ما ممعييش فكه .. ما فيش غير العشره جنيه دول .. ع العموم خدهم ويبقى لى تسعميه تسعه وتسعين قرش عندك .. (يضحك)

> عــویس: خلیهم معاك ویبقالی انا قرش صاغ .. فــكــرى: كده ..

(بكسوف يعيد النقود إلى محفظته ..)

عـويس: اتفضل انت بقى لما أشوف الباقيين ..

(يخرج فكرى وعويس يضع الخطاب في جيبه).

سليمان : موش كفايه بقى .. وحياتك كلهم زى بعض ..

عــويس: طول بالك .. هات لنا الحـريم .. هات الوليـه اللي مع جوزها..

(يخرج سائق البولمان ويعدل سائق الفنطاس من مالابسه.. ويدخل سائق البولمان ومعه إلهام.. تحيى وتجلس..)

إلهام: بنسوار ..

عــويس: أهلا وسهلا .. حضرتك متجوزه .. مش كده ؟ الهـــام: كنت حاتجوز ..

عــويس: يعنى إيه ؟ الأستاذ اللي معاكى ده مش جوزك.

الهام : لا .. خطيبى .. كان خطيبى يعنى وبعدين طلع وحش .. كان بيضحك على .. إنما كشفته خلاص كنا رايحين نجوز .. وطلع كان واخدني يضحك على .. غوانى .. قال لى تعالى نتجوز في إسكندريه .. اصل ماما موش

موافقه عليه عشان هوه كده .. عبلته موش قوى ..

عــويس: يعنى كنتوا مسافرين تتجوزوا ..

الهـــام: أيوه .. ضحك على .. قال لى أنا موش قادر أعيش من غيـرك.. وبعدين أول العـربيـه مـا اتعطلت عـرفت حقيقته.. كان واخدني إسكندرية علشان يضحك على

.. يتسلى بى شويه وتننا راجعين إنما الحمد لله ربنا كشف ستره .. وأنقذني منه

عــويس: كده ..

الهـــام: ده وحش.. أنقذنى منه وحياتك.. خدنى خدنى معاك .. (تتقدم إليه وتمسكه من كتفه .. يقف مضطربًا)

> عــويس: طيب .. طيب اتعدى واحنا نشوف الحكايه (لا تجلس .. بل تتحسس كتفيه وذراعيه).

الهام: أنت باين عليك شهم .. راجل .. اعمل معروف .. ده كان واخدنى يعتدى على وبعدين يسيبنى المجرم .. خدنى معاك .. اعمل معروف موش عايزه أموت هنا في الصحرا ..

عـویس: (مضطرب) طیب خلیکی شویه ..

الهام: لا .. أنا موش حاسيبك .. موش حاسيبك أبدًا.

(تتعلق برقبته)

(يتدخل سائق البولمان ٠٠) ويجذبها ٠٠

سليمان : طيب تعالى .. تعالى دلوقت ..

(تبدأ في البكاء .. وهي تتشبث بالسائق ولكن الآخر يجذبها ليتجه معها .. ويجلس سائق الفنطاس وهو ما زال مضطربًا .. ويعود سائق البولمان..).

سليمان: ما تخلصنا بقى من الحكايه دى .. اللى انت عايز تاخده معاك خده .. والا قوم خد عربيتك وفارقنا .. عـويس: هات الواد اللى ضحك عليها .. (يخرج سائق البولمان ويعود ومعه محمد الذي يجلس ..)

عسویس: موش عیب علیك یا أفندی تضحك علی حرمه غلبانه زی دی..

محمد: أضحك على مين ؟

عسويس: موش كنت واخدها معاك إسكندرية عشان تتجوزوا

محمد: ما حصلش .. احنا راحين نمضى يومين سوا وراجعين ..

عــويس: ما كنتوش حا تتجوزوا .. ؟

محمد: لا ..

ع ويس : لا ازاى .. ؟ انت موش واخدها تتجوزها من ورا امها ..

محمد: امها ميته ..

عسويس: وما كنتوش حاتتجوزوا ..

محمد: لا ..

عـويس: أمال إيه الحكايه .. ؟

محمد : ولا حاجه .. قالت لى نروح إسكندرية نمضى يومين سوا ونرجم ..

عــويس: هي اللي قالت .. ؟

محمد: أيوه ..

عــويس: يعنى ما كنتوش حا تتجوزوا ..

محمد: لا ..

عــويس: ليه .. ؟

محمد : أولا علشان انا مجوز .. وثانيا علشان هي مجوزه .

ع ويس: هي مجوزه .. وأنت متجوز ..

محمد: أيوه ..

عسويس: امال بتقول كده ليه .. انك خدعتها وضحكت عليها

محمد: بتسألني .. ما تسألها .. ؟

عـويس: (لسائق البولمان ..)

انده الست اللي كانت هنا دلوقت ..

تقول قدامها الكلام ده .. ؟

محمد: طبعًا ..

(تدخل إلهام وتندفع نحو السائق ..)

الهام : أنقذني منه .. يصح أول ما اطلع من عندك يضربني .. محمد : (يقف) أنا ضربتك ..

الهام: أيوه ضربتني ..

(تكشف عن فخذها .. فيغض السائق بصره).

عـويس: طب غطى يا ست ..

(لحظة صمت ..).

عـويس: الأستاذ بيقول إنك مجوزه ..

الهـــام : (تكاد تصرخ) أنا مجوِزه .. ده كداب .. ده نصاب.. ده كان واخدني يتجوزني ..

محمد : يا نهار اسود .. انت بتنكري إنك مجوزه .. ؟

إلهام : والنبي ما حصل يا أسطى .. أنا اتجوزت صحيح من

زمان .. إنما جوزى مات .. ودلوقت أرمله .

محمد : مات إزاى ؟ ما تصدفهاش يا أسطى .. ماماتش

الهام : مات من خمس سنين ..

محمد: (يضرب كفًا بكف) انت بتتكلمي إزاي .. ؟

(يبدأ في الشجار معها ويتجه سائق البولمان لسائق

الفنطاس)..

سليمان: وآخرتها .. ؟

عسويس: أنا عارف مصايب إيه دى ..

سليمان : طيب اطلعوا دلوقت ..

الهام : لا يمكن اطلع معاه .. ده يقتلوني ..

سليمان: اطلعوا كده بالهداوه .. اقعدوا مع بعض واتفقوا

محمد: نتفق على إيه .. ؟

سليمان: تتفقوا على حاجه واحده.. جوزها مات والا.. ما ماتش ..

(يجذبهم سائق البولمان ويخرجان وهما يتشاجران ..

يعود سائق البولمان ..)

سليمان: اعمل معروف خلصنا بقى.. خد اللى انت عايزه وخلصنا..

عـويس: طول بالك .. انت تعبان في حاجه ..

سليمان : عايز بس أفهم .. أنت عامل الحكايه دى ليه ؟

عسويس: عايز أعرف مين فيهم يستحق يروح معايا الأول موش جايز الباقيين يفطسوا .. هنا ..

سليمان: جايز ..

عــويس: يبقى آخد معايا اللي يستحق ..

سليمان : كلهم كدابين .. نصابين .. لابسين بدل وفساتين ..

عسويس: روح هات الوليه اللي بتمثل ..

سليمان : إلا دى .. دى لا يمكن أجيبها أبدًا ..

عـويس: اشمعنى دى ..

سليمان : دى وليَّه نحس .. دى هي اللي نحستنا كلنا

عـويس: طيب روح هاتها مالكش دعوه ..

سليمان: أمرنا لله ..

(يخرج سائق البولمان .. وقبل أن يظهر يسمع صوت سوسو ..).

سوسو: أوعى .. شيل إيدك .. أوعى تحط إيدك عليَّ سامع ..

(يظهران.. يقف سائق البولمان وهو يكاد ينفجر وتدخل

سوسو . . في عصبية وتجلس وتضع سافًا فوق ساق ..)

سـوسـو: نعم .. عايز إيه .. ؟

عـويس: حضرتك كنت رايحه إسكندرية ..

سـوسـو: لا ..

عـويس: أمال كنتي رايحه فين .. ؟

سـوسـو: الحجاز .. راحه احج ..

عــويس: تحجى ..

سـوسـو: أمال عايزنى أقول لك إيه.. موش عارف الأتوبيس كان رايح فين .. ؟

عـويس: وكنت رايحه إسكندريه ليه .. ؟

سوسو: وأنت مالك ..

عـويس: وانا مالي إزاي .. ؟

ســوســو: زى ما بقول لك .. رايحه إسكندرية .. رايحه في داهيه .. أنت مالك أنت ..

عــويس: أنت عارفه أنا أبقى مين ؟ ..

سـوسـو: سواق عربية بتاعة جاز.. حاتكون إيه يعنى ؟

عسويس: وعارفه العربية دي فيها إنه .. ؟

سوسو: فيها كرسي فاضي ..

عسويس: وانا بقى اللي أقدر أنقذ أي واحد فيكم ..

سوسو: طظ.. عايز حاجه تانيه ..

(وتقوم وتلقى بحقيبتها فوق كتفها ..)

عسويس: طب تسمحي تقعدي شويه ..

ســوســو: قعدت .. (تجلس)

عــویس: حضرتك مش عایزه تسافری معایا ..

سوسو: لأ..

عــويس: لألبه؟

.

سوسو: عشان دمك تقيل ..

عسويس: الله يسامحك.. بقى عاشان دمى تقيل .. تفضلى تموتى هنا في الصحرا ..

سوسو: أهي كلها موته ..

عسويس: حضرتك بتكرهي الدنيا قد كده .. ؟

سـوسـو: بالعكس .. باحبها جدًا ..

عــويس: وعلشان بتحبى الدنيا جدًا .. تختارى إنك تموتى في الصحرا..

سوسو: أحسن من واحد زيك يتحكم فيّ ..

عــويس: يعنى إيه واحد زيى ..

- 171 -

سوسو: يعنى واحد جربوع زيك .. إيه ..

عـويس: أنت لسانك طويل قوى ..

سـوسـو إذا كنت عايز تعرف طويل قد إيه .. أوريهولك.

عسويس: طيب اسمعى .. إذا قلت لك تعالى سافرى معايا .. تقولى إيه ..؟

سوسو: أقول لك ما اعطلكش .. خد حد تاني ..

عسويس: وإذا قلت لا .. مافيش غيرك يسافر معايا يبقى إيه الحا... ؟

سـوسـو: يبقى كتفنى وحطنى بالغصب في العربيه ..

(يصمت السائق لحظة.. ثم يتحدث ..)

عـويس: طيب اسمعى .. أنا عندى فكرة .. خدى ..

(يمد لها يده بمفتاح السيارة فتتناوله).

سـوسـو: إيه ده ..

عــويس: ده مفتاح العربيه ..

سوسو: أعمل بيه إيه .. حاسوق .. ؟

عسویس: لا موش کده.. دلوقت بعد ما اخلص یعنی حالمهم
کلهم.. وبعدین حاقول انا ما عرفتش اختار .. وبعد
شویه حاقول مفتاح العربیه وقع منی .. واللی واللی
یلاقیه حایسافر معایا وبعدین تعملی إنك بتدوری علیه
وتلاقیه .. وتسافری معایا .. ایه رأیك .. ؟

(يسمع صوت شجار .. ويدخل الجميع فجأة إلى الحجرة .. سائق البولمان

يعاول أن يمنع الداخلين.. فيظهر الركاب عدا المحامى ..)

قرنى : إحنا نموته أحسن .. دا نازل فينا بهدله ..

ف كرى: ما فيش غير كده.. إحنا ناخد منه المفتاح ونفضى البنزين.. ونركب كلنا على الفنطاس ..

قــرنى: هات المفتاح ..

(السائق يقف ثابتًا جدًا.. سوسو تقف بين السائق والمجموعة تنظر إليهم ··)

ف كرى: هات المفتاح بالذوق أحسن ..

عشمان: اديهولهم يا أسطى وبلاش أذية ..

سليمان : يديهم المفتاح ازاى .. دى عربيته عهدته عايزين تودوه في داهيه ..

ف توح : طب ما هو كمان عايز يودينا في داهيه .. عايز يسيبنا -هنا لوحدنا في الصحرا .. والوحده صعب صعب خالص ..

سليمان : اسكت أنت يا فتوح ..

قرنى: هات المفتاح يا أخينا ..

حــسين: إديهم المفتاح يا اسطى .. دول باين ناوين ع الشر ..

عـويس: المفتاح مش معايا ..

قــرنى : أمال مع مين .. ؟

عــويس: مش معايا وخلاص ٠٠

(سوسو تتقدم أمام المجموعة ..)

سوسو: المفتاح معايا انا ..

```
(تخرج المفتاح وتشير لهم به.. وفي نفس اللحظة يهجم
عوس عليها فتخمى المفتاح بسرعة ويكون عويس قد
                             التعد عن مقعده .. )
                             سوسو: (لعويس) دا بعدك ..
              قــرنى : هاتى المفتاح يا سوسو .. ويا للا بينا ..
                  سـوسـو: مستعجل على إيه .. طول بالك ..
(تسير سوسو .. فتجلس مكان عويس والمفتاح في يدها
                    .. وتشير للموجودين بيدها ..).
                                     سـوسـو: تعالو كده ..
                    (يتحركون إلى الجانب الأيسر).
                          سـوسـو : (لعويس) وانت تعالى هنا
(عويس يقف أمامها كما كان يقف الباقون عندما كان
                                      يسألهم..)
                                        سـوسـو: اقعد ..
        (يقف عويس بخوف.. وينظر حوله مترددًا ..)
                                سوسو: قلت لك اقعد ..
                           (عویس یجلس بخوف)
سوسو: (تأخذ سمة القاضي) قل لي بقي .. أنت عايز تسافر
                                          لىه..
                        عــويس: عندي عيال عايز أربيهم ..
```

سوسو: طب ما دول عندهم عيال ..

عـويس: أيوه .. بس العربيه انا السواق بتاعها ولازم أمشى.

سـوسـو: لازم ليه .. انت أحسن من دول في إيه .. ؟

سليمان: مش مسألة أحسن وأوحش .. المسألة ..

سوسو: (تقاطعه بصرخة) اسكت انت .. قرنى .. سكته.

(يسير قرنى ويزغد سليمان ويقف خلفه ..)

قــرنى: تعرف تسكت ..

سليمان: سكتنا ..

سوسو: (لعويس) ما قلتليش .. أنت احسن من دول في إيه.. ؟ عـويس: أنا غلبان .. أنا مش أحسن من حد .. دانا غلبان.

(يقف وهو يبكى.. ويتجه إليها ويميل على يدها يقبلها .. وفجأة يخطف المفتاح ويقفز بعيدًا... تقف سوسو ويندفع قرنى نحوه.. ولكنه يخرج مطواة من جيبه يشهرها في يده..)

عسويس: أوعى حد يقرب منى ..

(يقفون مشدوهين وقرنى يتراجع وسوسو فى خوف شديد تتحرك لتنضم إلى المجموعة وهى منكسة الرأس خجلا .. ويعود عويس في جلس فى مكانه والمطواة أمامه والمفتاح.. ينظر إليهم فى ازدراء وهم ينظرون فى خوف ..)

عـويس: تعالى يا ست هانم ..

(سوسو تتحرك أمامه)

عــويس: حضرتك بتضحكى على .. فاكرانى إيه .. عبيط أهبل .. درى البهوات اللي تعرفيهم ..

سـوسـو: أنت عايز إيه.. ؟

عسويس: عايز أعرف أنت عملتي كده ليه .. ؟

سـوسـو : مش عارف عملت كده ليه .. ؟عشان أوريك أنت بتعمل إيه ..

(فجأة.. صوت انفجار رهيب.. ويلمع في الجو بريق..

ويدخل إلى المسرح من الزاوية اليسرى دخان.. ينظر

الجميع في صمت ورهبة .. ويدخل فجأة المحامي وعلى

وجهه آثار الدخان وفى ملابسه .. ويواجه الجميع .. وبعدث السائق)

. . .

أبوالمجد : العربية ولعت .. اتحرقت .. عود كبريت واحد خلاها حتة حديده .. اتفضل ..

(السائق يصفر .. والمحامى يتقدم)

أبو المجد : خلاص بقيت زينا .. تايه .. ضايع .. ايه رأيك ..

(السائق يتقدم من المجموعة في خوف شديد وهو يتمتم ..)

عـويس: ولعت .. ؟ تايه.. ؟

(ينظر عويس لأبو المجد .. وفجأة يقفز فكرى فيخطف المطواة قبل أن يلحق بها عويس..).

أبو المجد : جدع يا أستاذ فكرى ..

(عويس يتجه ببطء ويسير منكسًا ناحية المجموعة).

(وهو في ذهول).

سـوسـو: (تتقدم وتشير بيدها إلى عويس .. كما يشير الإنسان إلى طفل..).

تعالى .. تعالى .. تقدم .. تقدم يا أسطى روميل .

(تضحك في عنف)

ـ ستار ـ

الفصل الثالث المشهد الأول

المنظر:

قبور فى الصحراء .. ليست هى قبور ضحايا الحرب المعروفة.. ولكنها قبور غير معتنى بها مهدمة نوعًا.. فى وسطها قبر كبير مرتفع وحوله ثلاث مجموعات منفصلة من القبور ..

الوقت عصرًا ..

عند رفع الستار .. يرى رضوان يرتدى بنطلونًا كاكيًا وقميصًا كاكيًا ممزقين يحفر قبرًا بكوريك ثم يجذب جثة غير موجودة يضعها في القبر .. ثم يهيل عليه التراب .. وعندما يسوى الأرض تماما يلقى بالكوريك ويمد يده .. يتناول جاكتته وكابه .. إنه الآن جنرال في الجيش الألماني بملابس ممزقة حافي القدمين .. يرفع بندقية .. عبارة عن قطعة من الخشب .. ثم يسير أمام القبر مشية الأوزة .. ثم يقف أمام القبر ويحيى القبر .. ثم يخاطب الميت الذي في داخل القبر ..

رضوان : نام.. نام.. جنب اخواتك هنا.. عليك رحمة الله..

یا سلام .. دنیا .. مین یصدق إنك میت .. دا انت كنت مالی الدنیا زیطه یا رضوان .. هات الجزمه .. حاضر یا كابتن یا كابتن یا رضوان هات المدفع .. حاضر یا كابتن .. ولا یوم ماجه الألمان .. تك .. تك .. تك ..

(يقلد ضرب المدفع).

ولا يوم دخل الإنجليز ..

(يقلد صوت الطائرة)

كنت طيب .. انت صعبت على خالص .. تعرف أمتى .. يوم ما وريتنى الصوره.. صورة الست الحلوه اللى شايله البنت.. وقلت لى شوف بنتى عايشه هناك فى بلاد بره.. البنت كان اسمها إيه.. اسمها إيه يا رضوان.. مش فاكر حاجه تلخبط.. اسم خوجاتى .. إنما اسم حلو والطيارات هجمت.. هو هيه.. وطاخ طاخ ورمت قنبله.. نام يا كابتن ..

أثناء ذلك يسمع رضوان أصوات قادمين فيسير مسرعًا بمشية الأوزة ويختفى خلف القبور..)

(يدخل من الناحية الأخرى اليسرى .. سوسو وقرنى وفكرى وحسين .. يجرون أقدامهم جرًا يجلسون بين القبور متهالكين ويتحدث قرنى ..)

قسرنى: ما بلاش قُعاد فى الجبانة دى . . اللهم احفظنا . سليمان : وصلنا والحمد لله .. وصلنا كلنا .. شايفين شايفين أنتوا فين دلوقت .. آدى النهاية .. نهاية السكة جيتوا برجليكم

- 114 -

.. أمر الله صدر.. خلاص وما عدش غير التنفيذ .. وكل حاجة ماشية في سكتها بالمظبوط.. يا سلام.. كل حاجة مرسومة كان لازم دا يحصل عشان نوصل لحد هنا كان لازم ماشوفش اليافطه.. والأفندي يتوهني وأخش من سكة لسكة.. احود يمين وشمال وبعدين العربيه تتعطل ونمشي على رجلينا والأفندي يولع في الفنطاس ونمشي .. ونمشي عشان في الآخر كل واحد يلاقي قبره .. يلاقي قضاه .. يلاقي ساعته ..

خلاص.. كل واحد فيكو ينقى له تربة.. ويدخل فيها.. يدخل فيها برجليه ويتشاهد على نفسه الحكاية باينة زى الشمس.. كان لازم كل ده.. يحصل عشان نيجى هنا.. نيجى من آخر الدنيا علشان نندفن فى الحتة. دى.. كله مكتوب كل خطوه محسوبه.. خلاص.. يا جماعه.. مافيش خناق.. ما فيش زغل.. كل واحد يسامح أخوه ويخش تربته ..

(يجلس منهارًا ..)

قسرنى : ما بلاش تفويل يا راجل انت ..

سـوسـو: (تقف في عصبية) هو مافيش حته تانيه نقعد فيها

قسرنی : ما فیش .. اقعدی ..

عسويس: دا حتى زيارة القبر استوعاظ ..

فــتــوح: استوعظ يا خويا زي ما انت عايز ..

عشمان: زيارة الميتين دي عبره ..

فتوح: طب اعتبر ..

أبو المجد : (يشاهد شبح رضوان خلف الترب يمر بسرعة يهتف) حاجه غريبة .. أنا اتخيلت بواحد هنا ..

حــسين : واحد إيه ..

فــكــرى: لازم حد من الميتين الأسطى قلق منامه.

(ويشير إلى سليمان)

سلیمان: (لفکری) یعنی یا فندی لو ما کنتش غشتنی وانت یا أفندی .. (یشیر إلی أبو المجد) لو ما کنتش ولعت فی العربیه .. مش کان زمان حالنا بقی غیر الحال ..

عشمان: كله مكتوب يا أسطى .. كله مكتوب ..

سليمان: أيوه مكتوب ..

جلنار: أنا حاموت خلاص ..

إلهام : أنا مت وانتهيت والنبي تسندني يا أستاذ

(لأبو المجد).

(يقوم أبو المجد ويتجه لإلهام يسندها وهى ترقد ومحمد ينظر في غيظ ..)

فـكـرى: (يقف) قطعًا فيه حد هنا ..

حــسين: يا أخى اقعد بقى ..

(فكرى يجلس وأبو المجد يفتح بعض زراير إلهام ويهوى على وجهها بيده .. ثم يتوقف وينظر إلى المجموعة ..)

أبو المجد : ما حدش معاه حاجه نهوى بيها ..

(بعضهم يضع يده في جيبه .. وعويس يخرج خطاب فكرى ويناوله لأبو المجد ..).

عــويس: ينفع ده ..

(وفكرى غير منتبه لما يحدث).

أبو المجد : (وهو يتناول الخطاب) يعنى ..

(يبدأ في التهوية)

عسويس: هوى بالمقاله بتاعة البيه .. (يشير إلى فكرى).

أبو المجد: مقاله .. مقالة إيه ؟

عــويس: كان عاطيهالى ابعتها في البوسته.. كاتب فيها حكايتنا .. دي..

(فكرى يقوم ليخطتف المظروف.. ولكن سوسو تلحقه وتخطفه هي ..)

سوسو: أما اشوف كتب عنى إيه ..

فكرى: (محرجًا) موش وقته دلوقت .. هاتيها وحياتك ..

سوسو: لازم أشوف كتب عنى إيه ..

فكرى: وحياتك بلاش دلوقت ..

سـوسـو: ليه ..`

أبو المجد : هو الأستاذ كاتب عن حكايتنا ..

فــكــرى: لا أبدًا ..

سوسو: أبدًا .. إزاى .. أنا قريت اسمى وانت بتكتبها

(فكرى يحاول أن يأخذ منها الخطاب فتداريه)

حسسين : اقعدى يا سوسو هانم .. اقرى الأستاذ صور الحادثه إزاى ..

سليمان : طبعًا حاطط المسئوليه كلها على .. ومطلع نفسه زى

الشعره من العجين ..

ف حرى : (يقوم صارخًا) يا جماعه موش وقته ..

سـوسـو: ليه .. حانتأخر عن القطر .. روح اقعد هناك حنقرى انت كاتب إنه ..

ف كرى: أنا أمنعك من القرايه ..

سـوسـو: ليه بقى .. انت لازم موش كاتب عننا كويس ..

ف كرى: بالعكس .. بس موش وقته ..

سوسو: ورانا إيه .. قرنى .. امسكه لحد ما اقرا ..

(یقوم قرنی ویمسك فكری من ذراعیه ویجلسه وهو یقاوم ویصرخ).

ف کری: یا اخوانا دی مش أصول .. دی أسرار ..

حسين : أسرار إيه .. هي موش كانت حا تتنشر .. وكل الناس حا تقراها .. بقرش ..

محمد : يمكن أسرار علينا بس ..

(سوسو تفض المظروف وتقرأ في سرها .. ثم ترفع

رأسها وتواجه فكرى ٠٠٠)

سـوسـو: آه يا كداب يا قليل الأدب ..

أبو المجد : اقرى .. اقرى يا ست سوسو ..

سوسو: ماقدرش .. دا .. دا قلة أدب .. دا كداب ..

(تتجه إلى فكرى) حاعمل لك دعايه .. انت ناقصك

الدعايه بس ٠٠

حسسين: يا ست ورينا بس هو كاتب إيه ..

سوسو: ما اقدرش .. دا فظيع .. فظيع خالص ..

(أبو المجد يقف ويتجه إلى سوسو ويأخذ منها الخطاب).

أبو المجد : هاتي انت ..

(تجلس سوسو وتنظر إلى فكرى ويعود أبو المجد ليجلس ..).

حــسين : اقرا بصوت عالى .. سمعنا كلنا ..

أبو المجد: ما تخافوش .. كل واحد حايسمع ..

سليمان : على حسك .. كأنك في المحكمة تمام ..

أبو المجد: اسكت انت ..

(يمسك بالخطاب ويبدأ تلاوته..)

العنوان .. مغامرة في الصحرا .. قدر أعمى وسواق

أضبش قذفا بنا إلى أعماق الصعراء ..

(يقوم سليمان ويتجه إلى فكرى).

سليمان : أضبش .. موش انت اللي غشيتني ..

أبو المجد: اقعد.. موش عايزين لماضه.. لما نخلص الجواب اقعد.. -سليمان: (وهو عائد إلى مكانه).

أما افندى كداب صحيح.. يتوهنا وبعدين يقول سواق أضبش...

حسسين : بس يا أسطى .. كمل يا أستاذ أبو المجد ..

أبو المجد: (يقرأ) وفى جعيم الصحراء حيث لازرع ولاماء قضينا ثلاثة أيام ..

سليمان : دا لسه يارب يوم واحد ..

فــكــرى: يا جماعة دى موش أصول .. ده مقالي وأنا حر فيه.

قسرنی : مقالك إزای .. وانت كاتبه عننا .. ده مقالنا احنا مش مقالك انت .. قول يا أستاذ .. ابو المجد: (يقرأ) كانت مجموعة غريبة من الآدميين... لاأعرف كيف اجتمعت كلها في سيارة واحدة.. مجموعة متناثرة من الشخصيات الطفيلية التي تتمو كالأعشاب وتتسلق المجتمع ..

(يتوقف عن القراءة).

سليمان: اقرأ يا أستاذ .. سمعنا الأدب والعلم ..

ابو المجد : (يقـرأ) شـخـصـيـات غـريبـة كـأنهـا هربت من رواية تراجيدية عنيفة ..

قسرنی: تراجیدیة دی عارفینها .. دی بتاعة جورج أبیض.

أبو المجد : (يقرأ) هربت من رواية تراجيدية لتصنع مأساة درامية ..

قــرنی: (مقاطعًا) ودی کمان عارفینها .. دی بتاعة یوسف بیه.

أبو المجد : ممثلة مدعية تافهة ..

سـوسـو: سامعين.. سامعين .. (تخلع حذاءها وتتجه إلى فكرى) يعنى لو ضربته بالجزمة قدامكم .. يبقى لى حق والا لأ..

حــسين: اهدى يا ست سوسو .. اهدى .. وفي الآخر نتصرف .. سـوسـو: أهدى إزاى .. ؟

(حسين يقوم وهو يهدئها..)

ابو المجد : (يقرأ) ممثلة مدعية تافهة لا تحسن إلا التمثيل على خشبة الحياة ..

سـوسـو: (تخلع حذاءها بسرعة) كمان ..

قــرنى: طولى بالك يا سوسو لما نشوف آخرتها.. اقرا يا أستاذ ..

أبو المجد: (يقرأ) وسيدة من مخلفات المجتمعات الساقطة سمينة غليظة .. تزيد كمية المنتقة التى أكلتها فى حياتها عن كمية الرمال التي تسير فوقها.

(تقوم جلنار وتتجه إلى فكرى).

ج لنار: كنت باكل من بيت أبوك ياجربوع ..

(فكرى يدافع عنه والعمدة يهدئها).

عشمان : معلش يا ست هانم .. ما تاخديش على كلامه ..

جلنار: أنا الحق على اللي صحيح نزلت عن مقامي وركبت مع الجرابيع .. دول ..

عشمان ؛ طولى بالك يا ست .. تعالى ..

(العمدة يعود بها ويجلسها.)

ابو المجد : إذا كنتم مش حاتسكتوا .. موش حاقرا ..

حسين : اقرا يا أستاذ أبو المجد .. اقرا ..

ابو المجد : بلاش تعليقات دلوقت ..

(يقرأ) وعمدة من الأرياف. كل ما فيه ينطق بالجهل والمرض ..

عشمان ؛ الله يسامحك يا ابنى .. هو حد هانك والا جه ناحيتك ..

أبو المجد : (يقرأ) ورئيس مجلس إدارة إحدى الشركات اجتمعت

فيه كل أمراض العصر من الغرور والادعاء مع سطحية متقمعة وبيروقراطية واضحة ..

حسسين: بقى كده .. إيه يا أستاذ الشتايم دى كلها.

فــكــرى: دى مش شتايم .. دا نقد ..

أبو المجد : (يقرأ) وشخص لا عمل له يسمونه الريجيسير يقولون إن وظيفته أن يجلب المثلات إلى الاستديوهات ولامانع عنده من أن يجلب ..

قسرنى: (يقاطعه بضرية) كنت جلبت لك حد قبل كده هيه يا سافل ..

أبو المجد: (يقرأ) وأنا بقى.. ومحامى عصبى ساخط يفجر.

سخطه دائمًا فى غيره.. ولا ينظر قط إلى نفسه
يا وعدى.. هيه (ويعود للقراءة) ورجل غامض يحمل
حقيبة غامضة لا تعرف حقيقته أو حقيقة حقيبته ..

سليمان: الله .. الجدع ده راح فين صحيح ..

قـــرنی : مسكين .. ماكانش قادر يمشى ..

سليمان : مش نشوفه يا جماعة .. يمكن يكون خد ضرية شمس واللا فطس في السكة .. قوم يا عويس شوفه ..

(يقوم عويس ويخرج ..)

أبو المجد: (يعود للقراءة) وهناك عاشقان .. رجل وامرأة .. استطعت أن أعرف حقيقتهما الرجل زوج لامرأة أخرى .. والمرأة زوجة لرجل آخر .. ذهبا في غفلة عن الزوج والزوجة يبحثان عن المتعة على شاطئ البحر في الإسكندرية .. وإن كنت لا أشك أن زوجها وزوجته يبحثان أيضاً عن المتعة .. ريما على شاطئ نفس البحر في مكان آخر..

محمد : (يهب واقفًا ويتجه إلى فكرى).

هى حصلت الأعراض كمان .. انت عارف كلام زى ده يتسبب فيه إيه .. ؟

قــرنى: اقعد يا أستاذ .. ما كلنا في الهوا سوا ..

إلهام : ده سافل .. إنسان سافل .. هو علشان جرى ورايا وماطالش حاجة .. عايز يبوظ سمعتى ..

محمد : هي الأعراض عندكو ساهله كده يا فندى ..

فــتــوح : حاجه صعب .. صعب خالص .. أصل الجماعة الجرنالجية دول مافيش في قلوبهم رحمة .. سوفاج ..

أبو المجد : (يعود للقراءة) وآخر المطاف شيء اسمه فتوح إنه مجرد شيء ..

فـــــوح: (يقوم ويتجه إلى فكرى).

أمال أنا إيه.. (يلتفت إلى المجموعة) والنبى تسألوه أنا إيه.. شيء يعنى ايه .. مش بنى آدم .. والا أنا مش بنى آدم .. إذا ماكنتش بنى آدم .. ابقى إيه يا أستاذ ..

سوسو: تبقى فتوح ..

(يضحكون ويعود فتوح ليجلس).

فـــــوح : (ناظرًا إلى سوسو) سم ..

قرنى: يعنى الأستاذ والحمد لله شلفطنا كلنا ..

سليمان: ما قالش هو يطلع إيه .. ما قالش هو عمل كده بينا كلنا ليه . مصيبة على الناس دى يشوفوا الناس وما يشوفوش نفسهم ..

أبو المجد: (يعود للقراءة) هذه المجموعة المتنافرة من الشخصيات المريضة.. تتخذ من الصحراء الغربية مستشفى للأمراض النفسية .. تعطلت السيارة بعد أن انحرفت عن الطريق .. وبدأت المفامرة الكبرى ..

حسسين: قول يا سيدى .. لما نشوف المغامرة الكبرى دى حاتطلع إيه ..؟

أبو المجد: (يقرأ) منذ اللحظات الأولى التى تأكد فيها هؤلاء أنهم

انعزلوا عن العالم .. بدأت نفوسهم تتكشف عما

يخفونه .. بدأ رئيس مجلس الإدارة يطارد المثلة ..

وبدأت المثلة تطاردنى وبدأ العمدة يطارد (الزوجة

الهارية).. السيدة، وبدأ المحامى يطارد الزوجة الهارية

.. وبدأ الزوج ينضم إلى قافلة الباحثين عن اللذة

الداعرة في جسد المثلة .. العابرة ..

سـوسـو: يا نهار أبوك اسود .. بقى أنا باطاردك أنت يا أبو قردان

.. يا تفل الرجاله .. يا مصاصة القصب يا هلفوت ..
انت ياواد انت موش انت اللي بتتلقح على ..

فــكــرى: عيب يا مدام .. أنا راجل عندى كرامة ..

سوسو: كرامة إيه يا بناع البوليتيكا يا أونطجى .. ترسو يا كداب ..

أبو المجد : (يواصل القراءة) وكانت السمة الواضحة في هذه الحثالة البشرية هي الجبن الشديد والخوف الشديد .. ولولا وجودي بينهم لماتوا من الخوف ..

قسرنى: يا نهارك منيل .. دا انت ياواد بتنتفض واللى يشوف وشك الأصفر يقول عليك يارحمن يارحيم.

أبو المجد : (قارئًا) وهذه المغامرة التي فرضت علينا أعطنتا صورة لاختبار قدرتي على مواجهة الشدائد. حــسين : قدرتك أنت .. كفاية يا أستاذ أبو المجد كفاية القرف اللي سمعناه .. أنا نفسي غمت على خلاص ..

أبو المجد: آدى الأخلاق والا بلاش ..

سليمان: المصيبة هي اللي يسبب كل حاجة وبعدين يرمى مصيبته على الناس ..

فــكــرى: يا جماعة أنا غلطان .. أنا متأسف .. إنما أصول الصنعة كده .. لازم أكتب كده علشان الموضوع يبقى له طعم ..

فــتــوح : طعم إيه يا خويا .. والنبى أنت كداب .. كداب خالص .. وقليل الأدب كمان ..

محمد : ده مجرم .. الراجل اللى يمس أعراض الناس يبقى مجرم ..

قـــرنى : تفتكروا نعمل فيه إيه ..

سليمان: نسيبه لوحده علشان وحدانيته تديله فرصة يصارع الشدائد ..

فـــــوح: آه . نسيبه لوحده .. حاكم الوحدة صعب ..

قسرنى: أنا رأيى ندفنه بالحيا .. إيه رأيك يا أستاذ (يوجه حديثه إلى أبو المجد).

أبو المجد : نحاكمه .. نعقد جلسة عاجلة لمحاكمته ..

عشمان: أيوه .. العدل كده .. لازم يتحاكم ..

جلنار: ده لازم ينضرب .. ينضرب علشان يتأدب ويعرف يكتب على أسياده ..

الهام: (لمحمد) الوقح ده عرف كل حاجه ..

محمد: الوقح ده بس اللي عرف وعويس ..

الهام : أنا قلت له كده .. عشان ياخدني معاه .. أنا كنت فاكر اك حاتبسط ..

محمد : انبسط .. علشان قلت على وحش .. وضحكت عليكي. انبسط قوى. دانا لازم أرقص كمان

(يدخل عويس وهو يسند إسماعيل حامل الحقيبة ويجلس وهو ينهج).

عبويس: الراجل حالته صعب خالص ..

عشمان : فك له الزراير . هوى عليه ينوبك ثواب ..

(سليمان يسرع لمساعدة عويس يفك زراير الرجل ويهويان عليه).

قرنى : حانسيب الجدع ده كده ..

حسين : أنا رأيى .. نسيبه .. بس على شرط يبعد عننا يبعد عنا خلص .. خالص .. يروح في سكة واحنا في سكة ..

عشمان: أيوه .. ما عادلوش عيشة معانا بعد ما شتمنا .

ف كرى: أنا غلطان .. أنا متأسف ..

(تقف سوسو وتوجه حديثها للرجال).

سـوسـو: الرجالة يمشوا من هنا دلوقت ..

قرنى: نمشى .. نروح فين ..

سوسو: تداروا هنا ورا الترب دى ..

حسين: آه .. باللا بينا يا جماعة ..

(يقوم الرجال جميعهم يخرجون وسليمان وعويس يسندان إسماعيل ويقف فتوح مترددًا..) سـوسـو: (تنظر لفتوح) أنا باقول الرجاله ..

فــتـوح: يا سم (يخرج مسرعًا).

سـوسـو: (تفك حزام فستانها وتجلس براحة وكذلك تفعل جلنار).

سـوسـو : نتهوى شوية كابسين نفسنا زيادة عن اللي احنا فيه ..

الهام : (تقوم فجأة وتتجه إلى سوسو)

أنا عايزة أقولك كلمتين ..

سوسو: اتفضلي ..

الهام: أنت استقريتي على أي واحد فيهم ..

سـوسـو: هم مين ؟

إلهام: الرجالة ..

سـوسـو: (تندهش).

انت بقولى إيه .. احنا في إيه والا في إيه.

إلهام : سيبك من الكلام ده .. أنا فاهماكي كويس ..

سـوسـو: (تقوم غاضبة) أنت عايزه إيه ؟

الهام : عايزه أقول لك .. ابعدى عن محمد ..

سـوسـو: محمد مين ؟

الهام : أيوه يا أختى .. اعملى عبيطة .. عندك حسين بك والأستاذ أبو المجد والأستاذ فكرى وقرنى والباقين ..

سـوسـو: طيب ما تقوليله هو يبعد عنى ..

الهام: ببعد عنك .. هو يرضى حتى بيص لك ..

إنما محمد .. سيبيه في حاله.

سوسو: طيب خدى .. (تناولها بطاقة فتأخذها).

الهام : إيه ده ؟

سوسو: ده الكارت .. الكارت بتاعه .. ونمرة التليفون عندى أهى مكتوبة بالقلم ..

الهام : نمرة التليفون دى .. (في دهشة شديدة).

سوسو: طبعًا موش نمرة البيت ولا الشغل .. أنت عارفه نمرة ايه ؟ واللا أنا غلطانه ..

(تتمشى متقصعة ثم تجلس).

إلهام : ومين اداكي الكارت ده .. أنتي سرفتيه منه.

سوسو: ومالك انت بقى ومال محمد .. مش سيبتيه خلاص.

إلهام: سيبته .. ؟

سـوسـو: أنا واخده بالى كويس قوى ..

الهام : أنت بتقولى إيه ؟

سوسو: ماتنكسفيش.. احنا هنا ستات مع بعض ونقدر نتفاهم ..

(المدام تشير إلى جلنار)

لابده في العمدة من أول دقيقة .. وانت المحامي لايق عليكي قوي ..

جلنار: عمدة إيه دا كمان .. والنبى ما أسعره جناينى في الفيللا..

إلهام: أنت وقحة ..

سـوسـو: شوفى بقى حاتطول لسانها. أنا موش وقحة أنا .. أنا صريحة . تحبى أكلمهولك .. أنا لما بانفض شبشبى كل يوم الصبح .. بيقع منه عشر رجالة..

إلهام : (تنظر للكارت وتقلبه) آه يا سافل ..

سوسو: تبقى غلطانة لو تكلميه فى حاجة .. خليكى عملية. اهتمى أنتى بالمحامى .. دا واقع خالص .. واللا إيه يا مدام ..

(تستشهد بجلنار).

جلنار: أنا ماليش في الحاجات دى يا حبيبتي ..

سوسو: احلق دول .. إذا ما كنتى كلمتى العمدة في الجواز ..

جلنار: جواز .. ؟ قطع لسانك من لغلوغه ..

سـوسـو: ويمكن اتفقتوا كمان ع المهر ...

قــرنى: خلاص ..

سوسو: إيه رأيك .. أول ما يرجعوا على المحامى على طول ..

قسرنی: خلاص ..

سـوسـو: خلاص .. خلصت روحك ..

(يدخل الرجال وحسين يتحدث إلى أبو المجد وقرنى وفكرى وفتوح وعثمان .)

حسسين: الحياة في رأيي واحدة ست .. واحدة ست حلوة .. كل حاجة جميلة في الدنيا واحدة مؤنث .. الوردة .. الزهرة .. التفاحة .. الشمس ..

فكرى: بس القمر .. مذكر ..

حسسين : دا أصله مؤنث وبيدلعوه .. الحياة نفسها مؤنث .. العيشة .. الأرض .. الدنيا .. فــكــرى: بس العالم مذكر ..

حسين: ماهو عشان كده قايم على بعضه .. شوف بقى الحاجات المذكر .. الجوع .. الفقر .. الجهل .. المرض .. الغلب .. الموت ..

فتوح: والنبي دا صحيح .. يا حلاوة ..

قسرنى : مذكر إيه .. ومؤنث إيه يا أستاذ .. مش تخلونا فى المصيبة اللى احنا فيها .. الأفندى الكداب ده .. نعمل فيه إيه..

حــسين : سيبه .. وهو يتعهد ما يكدبش تانى .. والمقال ده يقطعه .. خلاص ..

فكرى: تبت خلاص .. تبت ..

(قرنى يزغد فكرى ويدفعه بعيدًا عنه).

قسرنى: إياك يتمر فيك ..

عشمان: إلا ترب إيه دى يا أفنديات ..

حسسين: ترب العساكر اللي ماتوا في الحرب ..

عشمان: بس دا كلهم مسلمين وموحدين بالله ..

حسين : مسلمين ؟

عشمان: أيوه ترب مسلمين أهه .. والشاهد ع القبله.

(يظهر رضوان من الخلف. ويلمحه قرنى وأبو المجد ..)

قــرنى: شفتوه

أبو المجد : فيه واحد جرى كده ..

(يذهب عويس والمحامى وحسين ويعودون وهم يمسكون رضوان.. يجلسونه.. ينظر إليهم فى خوف شديد والجميم يلتفون حوله..).

حــسين: أنت بتشتغل إيه ؟

رضوان : في الحرب .. أنتو الإنجليز والا ألمانيين ..

قرنى: إنجليز والا ألمانيين .. ؟

رضوان : أنتو إيه ؟

حــسين: قول لنا أنت إيه الأول. بتعمل إيه هنا وعايش إزاى .. ؟

رضوان : أنا الجنرال .. الجنرال رضوان ..

ابو المجد : ده لازم بيحرس الترب دى .. انت بتحرس الترب .. ؟

رضــوان : باحفرها ..

ابو المجد: وتحرسها ..

رضوان : وادفنهم .. أنا الجنرال ..

حسين : هم مين ؟

رضوان: العساكر والضباط اللي يموتوا ..

حـسين: عساكر إيه .. وضباط إيه ؟

رضوان : في الحرب ..

أبو المجد : ده كان لازم بيدفن العساكر والضباط أيام الحرب.

رضوان : أنا لسه دافنه دلوقت ...

أبو المجد : هو مين .. ؟

رضوان : الكابين .. كان راجل طيب قوى .. كان بيوريني صورة

مراته وبنته .. وجات القنبلة قسمته اتنين دفنته .. دفنته

هنا هوه ۰۰

(يقوم ويشير على القبر الحديث).

حسسين: أمتى ؟

244-1125-

رضوان: النهارده الصبح ..

- سين : النهارده الصبح ؟ كان بيعمل إيه هنا ..

رضوان : كان في الحرب .. أنا كنت رايح المسكر الصبح ..

قابلتنى الغارة وكان الكابتن ماشى قعد جنبى نستخبى من الطيارات هنا . .

(يشير إلى جانب من المقبرة).

الطيارة شافتنا .. طاخ طاخ .. راح الكابتن ميت .. دفنته. كان ابن حلال .. مات جنب الترية على طول ..

حسين : (للسائق) الراجل ده بيقول إيه ؟

قرنى: لازم .. (يشير علامة أنه مجنون).

رضوان : تحبوا أفحت لكو ترب ؟

العمدة: فال الله ولا فالك ..

رضوان : أصلكو حا تموتوا .. دول هاجمين .. جامد قوى وكلنا حانموت دلوقت ..

حسين : : هم مين ؟

رضوان : هنا هوه .. أنا شفتهم .. الدبابات ماشية قدام .. والتانيين بيجروا. زمانهم وصلوا هناك دلوقت ..

أبو المجد: الراجل ده بيتكلم عن الحرب اللي فاتت.

(للرجل).

انت عايش هنا من زمان ..

رضوان : من أول الحرب .. ماتت أنيسة وسابتنى .. كنا فى العشة .. ولما وصلوا الألمان .. تك .. تك وأنيسة بقت

تصرخ .. تعرف كانوا كام .. عشر عساكر وضابط .. أنيسة كانت حاتموت ..

حسسين: مراتك ..

رضوان : وجم الإنجليز ودخلوا العشة .. تعرف كانو كام عشر عساكر وضابط .. وأنيسة كانت بتصرخ وأنا السونكى في صدري .. ماكنتش قادر أصرخ .

العمدة: لاحول ولا قوة إلا بالله ..

رضوان : كانوا كتير .. وجم كتير غيرهم .. وأنيسة كانت حاتموت .. إنجليز وطليان. وألمان وأفركان والسونكى في صدرى .. وأنيسة على الأرض ... وبعدين أنا قلت لها يا أنيسة لا .. العيال حايبقوا كتير قوى .. وحانعمل فيهم إيه .. وموش حانعرف نكلمهم .. حايكلموا إنجليزي وألماني وأفريكاني .. ودفنتها ..

حسين: قتلتها ..

رضوان: السونكى .. السونكى كان فى صدرى .. السونكى كان فى بطنها ..

شوف.. (يشير إلى القبر الكبير ..)

دفنتها هنا ..

(الجميع ينبطحون أرضًا وهم فى رعب شديد تمر لحظات وهم صامتون عدا رضوان..)

رضوان : ربنا یستر .. والنبی یارب .. والنبی یارب استر .. یارب .. سلمنا یارب ..

(يصمت فجأة ثم يتحدث).

سامعين .. دى نزلت جنبنا .. يا ترى موتت كام (بدأ الجميع في اكتشاف الموقف ويسأله قرني)

قرنى : فيه إيه يا سيدنا .. سيبت ركبنا ..

رضوان : موش سامع .. الطيارات .. ييجى ميت طيارة .

(ينظرون إلى أعلى .. فلا يجدون شيئًا فيجلسون في النهاية..

يجلس رضوان وإسماعيل حامل الحقيبة لا يجلس..)

رضوان: الحمد لله.. القنابل نزلت بعيد عننا .. يا ترى موتت كام .. أنا على العموم مجهز كل حاجة.

حـسين: طيارات إيه .. فهمنا ؟

رضوان : الطيارات .. ما شفتهاش ..

أبو المجد: الراجل ده فاهم إن الحرب ما خلصتش ..

(للرجل) الحرب خلصت يا أخينا من زمان.

رضوان : ما خلصتش .. ما تصدقش.. طيب أما اللي أنا شايفه

ده إيه ؟إمبارح .. إمبارح الصبح كانت شغالة ضرب .. دبابات .. مدافع .. طيارات ..

قـــرنى: يا جدع فوق .. الحرب خلصت من عشرين سنة دلوقت .. رضوان : طيب الناس اللي أنا دافنهم دول إيه ؟

(فجأة يقف ويتشمم بأنفه).

فيه حد مات .. أنا شامم ريحة موت .. (يمكس بصره في الموجودين).

الفارة موتت حد ..

(يتجه فجأة إلى إسماعيل حامل الحقيبة وينام ويضع رأسه على صدره ثم يعتدل ..)

أشهد أن لا إله إلا الله وأن محمدًا رسول الله الراجل مات .. (يهب الجميع واقفين وقد ذهلوا من المفاجأة ويتقدم العمدة بميل على الرجل .. ثم يغمض له عينيه ..).

عشمان: (يرفع إصبعه). البقية في حياتكم .. أشهد أن لا إله إلا الله وأن محمدًا رسول الله ..

(تندفع سوسو صارخة وتبكى إلهام).

حسين: الستات يبعدوا من هنا شوية .. خدهم بعيد يا أستاذ قرنى ..
(يتقدم قرنى من سوسو يهدئها ثم يتناول يد إلهام
وجلنار ويخرج بهن بين المقابر.. ثم يعود ..).

رضوان : موش قلت لكم الغارة موتته .. القنبلة نزلت عليه .. قصرنى : قنبلة إيه يا أخينا .. الراجل مات بالسكتة.

رضوان : أنت فكرك القنابل بتاعة الأيام دى بتعور زى بتاعة زمان أول الحرب .. لا .. القنابل دلوقت بتخش فى الجسم من سكات .. تخش فى الدم .. ولحد ما توصل القلب وتروح مموته البنى آدم ..

أبو المجد : يا أخواننا .. احنا لازم نتصرف .. حانسيب .. الراجل كده .. محمد : حانعمل إيه يعنى ؟

ابو المجد : ندفنه أولاً .. ونشوف الحاجات اللي معاه إيه .

حسين: أنا أقترح تشكيل لجنة تحصر الحاجات اللي معاه علشان نسلمها لأهله .. عشمان: عليه رحمة الله .. ما كان بينطق أبدًا ..

أبو المجد: (للسائق سليمان)..

هات الشنطة اللي في إيده دي يا أسطى ..

(سليمان يتقدم ويجذب الشنطة بصعوبة شديدة).

سليمان : الله .. دى إيده ميتة على الشنطة .. موش عايز يسيبها .. ودى فيها إيه دى .. خايف عليها قوى ..

عــويس: فيها هدوم ..

(يجذب سليمان الشنطة ويسلمها للمحامى فيفتحها وسليمان ينظر فيها).

سليمان : يا قوة النبي .. هدوم .. دى كلها فلوس.

(يقبل الجميع يشاهدون ما فى الشنطة وأبو المجد يخرج منها رزمًا من الأوراق المالية .. ثم يخرج ورقة ويقرأ ما فيها..)

ابو المجد: دى ورقة البنك .. الشنطة فيها خمستاشر ألف جنيه .. سحبهم على ثلاث دفع .. أول دفعة في ٢٢ يوليو سنة ٦١.

الصحفى : (الذي لم يكن قد نطق بعد فضيحته).

ساحبهم تاني يوم التأميم ..

عشمان: تأميم ؟

الصحفى: ٢٢ يوليو .. تانى يوم من أيام التأميم .. خاف أحسن يأمموا اللى فى البنوك .. راح ساحبهم وحطهم فى الشنطة وتلقاه كان داير من يومها بيهم ..

حسين : (للمحامى) أنا رأيى تعد الفلوس قدامنا كلنا بصفتنا شهود ونخليها عهدة عند حضرتك لحد ما نقدمها للحهات المختصة..

ابو المجد: أمتى .. ؟

حــسين : أما نوصل مصر أو إسكندرية ..

عشمان: إمتى بس .. دانا الله أعلم فكرى كده حانموت واحد واحد زى الجدع ده ..

رضوان : (فجأة).

وطى .. وطى انت وهوه ..

(الجميع لا يتحركون ماعدا فتوح الذى ينام على بطنه ثم يجلس عندما يجد أنه وحده فعلها).

عشمان: (لرضوان) ..

اصنع معروف فینا .. احنا مافیناش خضه زی دی .. رضوان : أنتو أحرار .. أنا خایف علیکم ..

حــسين : شوف يا أستاذ أبو المجد في جيبه إيه ..

(أبو المجد يتقدم يفتش جيوب الميت ويخرج بعض الأوراق .. يقلبها..)

أبو المجد : ده بطل يشتغل من يوم التأميم .. سحب فلوسه وصفى أعماله كلها ..

سليمان : كان خايف .. طيب عمل إيه بالفلوس . يعنى خدهم معاه ..

حــسين : وبعدين ..

حسين: (للمحامى) أنا رأيى تعد الفلوس قدامنا كلنا بصفتنا شهود ونخليها عهدة عند حضرتك لحد ما نقدمها للجهات المختصة..

ابو المجد: أمتى .. ؟

حــسين : أما نوصل مصر أو إسكندرية ..

عشمان: إمتى بس .. دانا الله أعلم فكرى كده حانموت واحد واحد زى الجدع ده ..

رضوان : (فجأة).

وطى .. وطى انت وهوه ..

(الجميع لا يتحركون ماعدا فتوح الذى ينام على بطنه ثم يجلس عندما يجد أنه وحده فعلها).

عثمان: (لرضوان) ..

اصنع معروف فینا .. احنا مافیناش خضه زی دی ..

رضوان : أنتو أحرار .. أنا خايف عليكم ..

حــسين : شوف يا أستاذ أبو المجد في جيبه إيه ..

(أبو المجد يتقدم يفتش جيوب الميت ويخرج بعض الأوراق .. يقلبها..)

ابو المجد : ده بطل يشتغل من يوم التأميم .. سحب فلوسه وصفى أعماله كلها ..

سليمان : كان خايف .. طيب عمل إيه بالفلوس . يعنى خدهم معاه ..

حــسين : وبعدين ..

أبو المجد: الجدع ده يغسله ويدفنه ..

رضوان : ادفن مين .. هه .. أدفنه مع الإنجليز ..

(يشير إلى بعض المقابر) واللا مع الألمان ..

(يشير إلى مكان آخر) .

(ثم يصمت) لا .. أدفنه مع الأفريكان أحسن ..

حــسين: ادفنه في أي حته .. بس الأول لازم تغسله ..

عشمان: طيب وحانجيب الميه منين ..

أبو المجد : لازم فيه ميه هنا .. الراجل ده عايش إزاى .. لازم فيه أكل وميه كمان ..

قــرنى : إزاى الحكاية دى تاهت عن مخنا .. أيوه صحيح ..

(يتقدم قرنى من رضوان والجميع فى اهتمام شديد ملتفون حولهم).

قرنى: أنت بتاكل وتشرب منين ..

رضوان: من الطيارات .. بتحدف لي الأكل والشرب ..

حــسين : طيارات إيه ..

رضوان : طيارات الحلفا ..

(يتقدم قرنى ويمسك بذراعه).

قرنى: انت حاتستعبط .. احنا ميتين من الجوع ومن العطش بتشرب منين وتاكل منين.. فهمنا ..

رضوان : بص .. (يشير إلى الناحية اليسرى).

شايفين .. الجيش جاى .. الدبابات .. المدافع .

(يجرى فجأة قبل أن يتنبه الموجودون إليه ٠٠)

حسسين: الله.. الحقوا يا جماعة .. ده لوفلت مننا حانموت .. (يجرى الجميع خلفه إلى الناحية اليمنى .. ويظل المسرح خاليًا إلا من جثة الميت..).

– ستار –

المشهد الثاني

بعض أشجار النخيل فى الصحراء .. بعض النباتات الصحراوية نامية فى الرمال .. شبه واحة صغيرة جدًا .. المسرح خال تمامًا .. يدخل قرنى وفكرى وحسين وسوسو وسليمان وعويس .. يدخلون متعاقبين واضح أن الرجال كانوا يجرون .. حالتهم جميعًا سيئة جدًا .. ينتشرون ليجلسوا متهالكين على الخضرة والرمال ..).

قسرنى : دا زى ما يكون إبرة وضاعت مننا في الرمل ..

عـويس: راح فين ابن الإيه ده ؟

سوسو: يكون دفن نفسه في تربة م اللي بيفتحهم دول ..

حسسين : كأن الأرض انشقت وبلعته ..

سليمان : يمكن الجماعة قفشوه ..

فكرى: حايقفشوه فين بس.. ؟

قـــرنى : خـمنا ابن الإيه.. حـتـة بنى آدم.. بقى الحــرب تموت الناس دى كلها وتفوته هوه ..

سليمان : أهى دى بقى شغلته هو بس ..

(يشير إلى السماء).

سبحانه وتعالى.. إدى الناس كل حاجة .. وخلا لنفسه الشغلانه دى.. يموت اللى يموته ويفوت اللى يفوته ..

قرنى: (يرفع أصبعه الأيسر إلى السماء)..

استغفر الله العظيم .. استغفر الله العظيم .

(سوسو التى كانت جالسة.. تقوم نصف قومة وهى تحدق فى مكان بعيد بعض الشىء..).

سـوسـو: الله .. إيه ده .. ؟ دا زي ما يكون ..

(تتقدم خطوات)

دابير صحيح .. بيرميه .. تعالوا .. دابير ميه قدامنا أهوه ..

(يقوم الجميع ويندفعون ويلتفون حول البئر ويسرع سليمان فيلقى فى البئر بحجر.. ويميل ليسمع بأذنيه.. ثم يرفع رأسه والجميع يتابعونه فى اهتمام شديد..)

سليمان : وفيه ميه كمان ..

سـوسـو: (بابتهال شدید) الحمد لله .. یا ما أنت کریم یا رب .. سلیمان : دوروا علی کوز ..

(يسير فكرى وعويس وسليمان وقرنى يبحثون عن كوز فى جوانب المسرح ، فكرى يخرج إلى الكواليس وهو يبحث ..)

قـــرنی : فیه کوز أهوه ..

سليمان : هاته ..

(يتناول الكوز من قرنى ويعود إلى البئر ومعه عويس

- 107 -

الذى يكف عن البحث .. أما فكرى فما زال فى الكواليس) ..

سليمان : عايزين حبل ..

حسين : بسيطة .. اتفضل ..

(يخلع حزام بنطلونه .. يقدمه لسليمان فيتناوله)

(سليمان يجمع من الباقين إيشارب سوسو ويعود ياخذ من حسين الكرافتة .. وحزام قرنى .. ويكون منها كلها حبلا يدليه ويرقد على جانبه .. ويمد يده بالحبل داخل النئر ..).

عــويس: ما تشوف الجماعة اللي معانا عشان يشربوا ..

حـسين : طول بالك .. يمكن ما نلاقيش ميه واللا على قدنا ..

(يدخل فكرى وهو مازال ينظر فى الأرض.. تراه سوسو فتناديه..).

سـوسـو: تعالى .. خلاص لقينا كوز ..

سليمان : يا سيد يا بدوى .. أهو حصل المية أهوه .. أهو اتملا خلاص...

(الجميع في حالة بشر وسعادة).

حــسين: ربنا أراد لنانعيش تانى بعد ما وصلنا حد القبر ..

سـوسـو: الحمد لله

قـــرنى: بركة دعا الوالدين ..

(سليمان يجذب الحبل ويقف الجميع يتابعونه وهم فى حالة قلق وخوف.. شديدين.. يخرج الكوز ويقدمه لسوسو..). سليمان : خدى أنتى الأول يا ست هانم ..

(سوسو تتناول الكوز والجميع يراقبونها فى اهتمام وترفعه على شفتيها وهى ترتعد .. وفجأة يقفز فكرى وقد حمل فى يده قطعة من الحديد ويلقى بالقطعة ويطيح بالكوز وهو على شفتى سوسو فيلقى به فتناوله سوسو صفعة على وجهه .. يبهت ويضع يده على خده

.. والجميع فى ذهول..). قـــرنى : إيه ده اللى أنت عملته .. ؟

ف کری: (بصوت منخفض وتأثر شدید)..

الميه مسمومة ..

(الخوف يجتاح سوسو وحسين يتقدم منه) ..

حــسين : بتقول إيه ؟

فكرى: مية البير مسمومة ..

سليمان : إزاى ؟ مسمومة إزاى .. ؟

قــرنى : مسمومة يعنى إيه ؟

(فكرى يميل على الأرض بتناول الحديدة التي قذف بو

ويرفعها في يده ويريها لحسين ..)

فــكــرى: لقيت يافطة قديمة هنا.. مكتوب عليها بالإنجليزي ممنوع الاقتراب .. مياه مسمومة..).

(حسين يتناول اللافتة ويقرؤها بصعوبة) ..

حـسين: دا صحيح .. ولقيتها فين .. ؟

فـكـرى: (يشير إلى الأرض قربهم) هنا ..

سليمان: حكمتك يارب ..

قــرنی: بقی ده اسمه کلام؟

(سوسو تنفجر في البكاء.. ويصمت الجميع وهم منكسو الرءوس ويتقدم فكرى من سوسو..).

فــكــرى: أنا متأسف .. كان لازم أعمل كده ..

قــرنى : خلاص ما تزعليش .. ما فيش حاجه ..

(سوسو تجلس منهارة على الأرض وحسين يذرع المكان فى عصبية .. وفكرى يتمشى .. وعويس يجلس ويظل سليمان واقفاً يحدث نفسه .. وقرنى يجلس)

سليمان : طب معناها إيه دى.. أنا مش فاهم معناها إيه دى
يا رب.. طب اذا كنت عايز تموتنا ماسيبتناش نشرب
ليه.. لقينا اليافطة ليه.. عشان عمرنا يطول شوية..
شويه قد إيه.. عشان نموت من العطش .. ما نموت من
الميه .. طب ما كلها موته

(يتوقف حسين عن المشي)

حــسين: قطعًا فيه بير تاني ..

عـويس: بير تاني فين بس ..

حسسين: ما هولازم يكون فيه بير تانى .. ميته مش مسمومه أمال الراجل المجنون دا بيشرب منين ..

فــكــرى: بالتأكيد فيه بير تانى ..

سليمان : لا تاني ولا تالت .. أنا ماعدتش فاهم حاجه ..

قسرنی : ما هی حاجه بالعقل .. فیه بنی آدم عایش عنا یبقی فیه میه واکل .. إلا اذا كان بقی حضرته مش بنی آدم ..

عـويس: حايكون إيه يعنى .. عفريت .. ؟

قـــرنى: ليه لأ ..

فــكــرى: بالعقل كده ..

قــرنى: هوه فيه حاجه بقت بالعقل ..

(يدخل عثمان وجلنار وأبو المجد ومحمد وفتوح)

عشمان : سلامو عليكم يا جماعه .. مالقيناش الجنرال ..

(فتوح يسير .. فيرى البير .. فيتنطط)

فتوح: فيه بير ميه أهوه .. بير أهوه ..

(يجرى عثمان وجلنار ومحمد وإلهام وأبو المجد إلى البير .. ولكن سليمان يعترضهم ..)

سليمان: كل واحد يرجع مكانه .. مية البير مسمومة ..

أبو المجد: مسمومة ؟

عشمان: مين اللي سمها .. ؟

سليمان: اليافطه أهى ..

(يشير إلى اللافتة.. فيتحركون إليها ويرفعها ابوالمجد.. ويقرأ ما فيها بالإنجليزية بصوت مرتفع)

ابو المجد : دا صحيح .. لقيتوها فين .. ؟

قرنى: الأستاذ لقاها هنا.. وربنا أنقذنا.. والميه على شفايف ست سوسو..

عشمان: الحمد لله.. قدر ولطف.. مدد يا شيخ العرب مدد ..

(يجلسون منهارين .. وفتوح ما زال واقفاً يحدث نفسه)

فــتــوح : مسمومة .. إزاى؟ طب والراجل بيشرب منين أنا عارف بقى ..

(يقف عثمان ويسير .. ثم يتوقف ويواجه الجميع) ..

عشمان: عن إذنكم .. راجع على طول .. (يسير)

حسين : (يشير إلى عثمان).

حسسين : الراجل ده بيجيب الميه دى كلها منين ..

فکری: محوش ..

(عثمان وصل إلى قرب نهاية المسرح من الناحية اليسرى.. وقبل أن يخطو.. أخذ يصرخ ..)

عشمان: الحقوا يا جماعه .. بير تانى أهوه .. وكتاب الله بير فيه

(يسرع الجميع.. يلتفون حول البير عدا سوسو التي ما زالت جالسة ساهمة..)

جلنار: الحمد لله .. يا سانت تريز والنبى تاخدى بخاطرنا دانا غلبانه..

حــسين : أهو أكيد الراجل المجنون بيشرب من ده ..

(يسرع أبو المجد فيحضر الكوز والحبل ويتجه إلى البير التانية .. وقبل أن يلقى الكوز في البئر يتحدث سليمان..).

سليمان : حوش إيدك يا سيدنا الأفندى ..

(يلتفت لفكرى)

حضرتك لقيت اليافطة فين.. ؟

(يتوقف قرنى والجميع ينظرون لسليمان وفكرى)

فکری: هنا ..

- 171 -

(يشير إلى مكان وسط المسرح).

سليمان : يعنى يجوز اليافطة تقصد البير التاني ده ٠٠

أبو المجد : اسكت أنت بلاش غلبه .. ياللا يا أستاذ قرني ياللا

سليمان : (يمسك بذراع قرنى)

أسكت إزاى ؟ أنت عايز تسمنا ..

أبو المجد : ابقى ما تشربش أنت .. ياللا يا استاذ قرنى ياللا

قرنى: طول بالك.. هي إيه..عايز تكروتنا.. دا عُمْر يا أستاذ عُمْر.. الأسطى بيكلم صح.. اليافطه كانت هنا .. يعني

عمر . . الاسطى بيكتم صح . . اليافظة كانت على اليوج يمكن كانت على البير ده ويمكن كانت على ده . .

(يشير إلى البئرين).

سـوسـو: (تقف وتتجه إليهم).

الأسطى سليمان عنده حق .. وأنت يا أستاذ أبو المجد عارف إنه بيكلم صح ..

أبو المجد : أنا .. بشرفي ما انا عارف حاجه .. عارف إيه ؟

سـوسـو : إذا كنت مش مقتنع بكلام سليمان .. اشرب انت اديله

الكوز يا قرنى ..

أبو المجد: لا .. المسألة مش كده .. هو فعلا إذا كان الأستاذ فكرى لقى الكوز هنا .. يبقى كلام الأسطى مظبوط

عشمان: بقى الميه تبقى قدام عنينا ومش عارفين الكويسه.... م المحشه ..

سليمان : واللي عارف .. راجل مجنون تاه مننا ..

فتوح: ما يمكن الحكايه مقلب ..

فكرى: مقلب .. ؟

فـــــوح: أيوه مـقلب الإنجليـز عــاملينه فى الألمان عـشــان مــا يشربوش ويموتوا م العطش ..

محمد كانوا كتبوا اليافطة بالألماني عشان الألمان يقروها.

فــتــوح: لا وانت الصادق.. لو كتبوها بالألماني.. الألمان يعرفوا أنها مقلب.. كتبوها بالإنجليزي وكأنهم كاتبينها للعسكر بتوعهم ..

حــسين : إذا كنت مقتنع بالكلام ده .. اتفضل اشرب ..

فــتــوح : اشــرب.. يا مــامى.. وانا مــالى يا أخــويا.. انا مش عطشان ..

(يجرى بعيدًا عن البئر).

قــرنى: والعمل دلوقت ؟

سـوسـو: ما فيش غير حل واحد .. نجرب ..

قــرنی: نجرب إزای ؟

سـوسـو: واحد مننا يضحى .. عشان الباقيين ..

قــرنى: يعنى إيه ؟

ســوســو : يعنى واحد مننا يشرب.. إذا جرى له حاجه يبقى الباقيين يشربوا من البير التاني.. ماجرلوش حاجه يبقى عال..

جلنار: طب ما تضحی أنت یا روحی ما دام فکرك متفلفس کده ؟

سوسو: والله انا لسه ما شبعتش م الدنيا .. الأصول تضحى

جلنار: ليه بقى ٥٠٠

سـوسـو: عشان عشتی کفایه .. حاتخدی عمرك وعمر غیرك کمان ..

جلنار: انتى يا بت انتى .. حاتحاسبينى على عمرى .. ؟

قرنى : يا جماعه مش وقته .. أنتوا حاتتخانقوا واللا إيه ؟

عشمان: (لجلنار) معلش يا ست هانم .. خلى بالك طويل

جلنار : طويل ولا قصير .. معدش غير دى كمان اللي حاتقولي

موتى وعيشى ٠٠

سـوسـو: بس يا وليه أنتى .. اتلمى أحسن لك ..

جلنار: إن ما اتلمتش .. ؟

سـوسـو: يوه ..

(تسير بعيدًا وتجلس)

جلنار: قال بطلوا ده واسمعوا ده ..

محمد : (بعصبية شديدة لجلنار)

ما بس بقى ٠٠

جلنار: إيه ده كمان .. ودا إيه اللي حشروا راخر ..

حسين : (بنفاد صبر)

يا مدام اعملى معروف اما نشوف المصيبه اللي احنا فيها

ابو المجد : لو كنا نلاقى حيوان ..

قــرنى: حيوان .. ؟

أبو المجد : كلب ولا قط واللا سحليه .. أي حاجه نجرب فيها .

فــــــوح : يا ريتنى جبت ركس.. واللا اجيبه إزاى؟ أجيبه عشان يتسمم .. لا يا خويا .. حرام ..

ف حرى: ما هو يا اما نلاقى كلب .. يا اما نلاقى الراجل المجنون ..

قـــرنى: الراجل المجنون طفش والكلاب مـا بتركبش البولمان وتتوه .. إيه اللى حيجيبها النواحى دى ..

عشمان: حيوان .. عايزين حيوان ؟

فــكــرى: أيوه ..

عشمان: أي حيوان ينفع .. يعنى أي حاجه فيها الروح

ف كرى: بالظبط.. عليك نور .. أى حاجه فيها الروح

(لحظة صمت.. العمدة يتهرش.. ثم يمد يده داخل عبه ويتحدث بابتهاج شديد..)

عثمان: قفشته .. والنبي قفشته .. بركاتك يا أم هاشم

عشمان: خد یا أفندی .. جرب فی ده..

ف کری: ایه ده ؟

عشمان: برغوت ..

فــكــرى: برغوت ؟

عشمان: أيوه .. صاحى .. فيه الروح ..

(يضحك بعضهم رغمًا عنه)

ف کری: رجعه تانی .. ما ينفعش ..

عشمان: ليه بقى .. مش بتقول أى حاجه فيها الروح .. يه يه .. (يفرد يده) أهو طفش راخر ..

سليمان : هرب م الميه المسمومه .. خاف .. خاف على عمره.

حسسين : والحل. ؟ ما هو مش معقول .. لازم فيه حل ...

ف كرى: كالعيس في البيداء يقتلها الظما ..

عشمان: اقولكوا حاجه .. نشوف البير اللي حواليه مندى يبقى هو اللي عليه انجراره ..

فکری: انجراره .. ۶

عشمان: أيوه .. يبقى هو اللي الراجل بيشرب منه

قرنى: الشمس دى .. حاتخلى حاجه منديه ..

عشمان: على رأيك .. شمس النهار .. دى صعب .. صعب قوى ..

ف توح: نشرب كلنا .. يانموت سوا .. يا نعيش سوا ..

عشمان: دى غنيوه يا أفندى .. دى غنيوه ..

فكرى: الأستاذ فتوح أصغر واحد فينا.. وقطعًا السم ما يأثرش فيه ..

فــــــوح: أصغر واحد .. وأنا مالى يا أخويا ..

(یجری بعیدًا)

حــسين: تفتكروا يعنى .. السم ممكن يعيش فى الميه من أيام الحرب لحد دلوقت .. أكثر من عشرين سنه ..

سليمان : إذا كان فكرك كده .. جرب ؟

حسسين : ما تجرب أنت يا أخى ..

سليمان : وانا نطقت ..

(إلهام تبكى فجأة)

الهام : مش معقول .. انا حاموت خلاص .. حاموت ..

(محمد يهم بالتوجه إليها .. يسبقه أبو المجد ويتبادلان النظر .. ويجلس أبو المجد بجوارها يهدئ من روعها حتى تسكن .. يقف أبو المجد)

أبو المجد : يا جماعه فيه حل .. نعمل قرعه ..

قــرنى: قرعة إيه ..

أبو المجد : قرعه .. على مين اللي يشرب ..

حــسين : دا كلام معقول .. معقول جدا ..

سليمان : معقول إزاى ؟ نعمل قرعه على مين اللي يموت

عشمان: بس يا أسطى .. الأعمار بيد الله ..

سليمان : طب حيث كده .. ما تقرب تشرب .. واذا كان ربنا كاتب لك حاتموت .. حاتموت .. واذا كان مش كاتب لك تموت .. حاتمش والمه ما تأثرش فيك ..

فــكــرى: نعمل قرعه .. آنى بير اللي فيه السم ..

ابو المجد : إزاى بقى .. احنا نعمل قرعه .. مين اللي يشرب من البير اللي يعجبه ..

حــسين: دا اقتراح عظيم.. ما هو مش معقول نموت والميه قدام عنينا..

سليمان : ومش معقول .. واحد يشرب وهو عارف أنه حايموت .. حسين : ربنا ما يجيبش موت ولا حاجه .. خلاص نعمل قرعه اتفضل يا أستاذ أبو المجد ..

قــرنى: طلعوا الستات م القرعة ..

فتوح: ليه بقي .. ؟

قرنى: عشان هم ستات ..

فتوح: ليه؟ مش بني آدمين زيَّنا ..

سـوسـو: ما تطلعوش حد يا أستاذ أبو المجد.. الأستاذ فتوح عنده حق..

جلنار: حق إيه.. طلع الستات يا أستاذ.. الستات ولايه.. جنس ضعيف.. مش حمل الحاجات دى ...

الهـام: أيوه يطلع الستات طبعًا.. فيه حد يعمل قرعه يموت..أم. فـــوح: وفيه حد يعمل قرعه عشان يموت .. أب ..

الهام : لما تبقى أب تبقى تتكلم ..

سـوسـو: طلع الستات اللي فوق الخمسين بس يا أستاذ أبو المجد .. وخليني أنا طبعًا ..

جلنار: فوق الخمسين .. خمسين إيه يا روحى ..

قسرنی: بقی ده اسمه کلام.. یا عالم .. حانتخانقوا ع السن دلوقت.. دا کلها ربع ساعه ونموت.. یعنی حانساوی بعض .. اللی عاش آلف سنه واللی ماعاش ولا یوم ..

حــسين : ياللا يا أستاذ أبو المجد .. وطلع الستات كلهم

فـــــوح: وطلعنى أنا كمان ...

فحرى: وأنت ست ..

فتوح: اسأل نفسك .. أنا شيء .. مش كده ..

أبو المجد: (بعصبية) ..

بس بقى ..

(يخرج ورقة من جيبه يقطعها أجزاء ويكتب على كل جزء اسم واحد من الموجودين وينطق الاسم وهو يكتبه.. بصوت مرتفع ..).

أبو المجد: تعالى يا مدام سوسو ..

جلنار: اشمعنى هيه .. يعنى إيدها فيها الرده ..

إلهام: أيوه .. أشمعنى هيه ..

أبو المجد : يا ناس .. يا عالم .. ياهوه .. أى واحده أى واحده .. أى واحده وخلاص ..

(تقوم سوسو وتتجه إلى أبو المجد فيمد لها يديه مطبقتين على الأوراق.. فتجذب واحدة.. الجميع قد وقفوا فى سكون رهيب.. وسوسو تفتح الورقة وتنظر فيها.. ثم تتحرك ببطه.. بعد ان أنزلت الورقة.. ثم تدور بنظرها فى الموجودين.. وكلما نظرت إلى واحد منهم ارتعد خوفًا.. وأخيرًا تنطق بصوت خال تمامًا وجاف..

سـوسـو: عويس ..

(الجميع يتنفسون الصعداء ويستديرون ناحية عويس الذي اصفر وجهه .. عويس بدأ يرتعد ويتحرك إلى الخلف والمجموعة تتحرك الآن في بطء شديد وتلتف حول عويس في شبه حلقة وعلى وجوههم تحفز غريب .. وهو يتراجع مذعورًا إلى الخلف.. ثم ينفجر...).

عسویس: لا .. مش انا .. أنا عندی عیال .. ومراتی عیانه مش عایز أموت.. انا ما عملتش فی حد حاجه .. لا.

(عویس یستدیر ویطوف بهم.. یقبل ید سوسو ورأس قرنی وید حسین وأبو المجد.. ویدور کالمجنون ثم یصرخ ویتهالك..).

أبو المجد : يا جدع مش حاتموت .. ومش يمكن الميه اللى تشربها تطلع كويسه ..

(قرنى يتقدم من عويس ويربت على كتفه)

حسسين : قوم قوم واتكل على الله .. واشرب .. الكوز يا سليمان ..

عــویس: أشرب .. لا .. ماقدرش .. موش عاوز أموت أنا عندى عيال ربنا يخليك ..

أبو المجد : طب واحنا مالنا .. موش القرعه اللي عملت كده

عسویس: دا ظلم .. ظلم یا عالم .. کان لازم القرعه تطلع حد تانی منکم .. انتو مرتاحین وسایبین فلوس لأولادکم انا .. انا غلبان ..

حــسين: ما هو لازم تخضع للقرعه.. لو كنت طلعت فى القرعه كنت شربت طبعًا.. ثم إن دى مسألة من أجل المجموع .. ولازم تضحى يا أخى ..

عــویس: اضحی .. اشمعنی انا .. ؟

ف کری: قضاء وقدر ..

أبو المجد: أمال وافقت نعمل قرعه ليه.. علشان كنت فاكر ان واحد غيرك حايطلع فيها.. موش كده.. ؟ قوم قوم والا خليك..

(أبو المجـد يذهب ويتناول الحـبل والكوز ويتـوجـه إلى البير.. و يراه عويس فيصرخ ..)

عــويس: لا .. ده مسموم .. موش شارب ..

حــسين : بلاش ده يا أستاذ أبو المجد .. هات من البير التانى اللي موش مسموم ..

عـويس: لا .. التاني مسموم برضه ..

حــسين : يابنى فيه واحد بس مسموم .. ياده ... ياده تحب تشرب من انهو ..

عــویس: موش عاوز أشرب .. موش عطشان .. موش عاوز أموت ..

فــكــرى: مافيش فايده ..

عشمان: سمى يا بنى كده واشرب ..

(أبوالمجد يعود بالكوز يقدمه لعويس .. فيتراجع عويس مذعوراً ..)

عــويس: لا .. لا ..

(فجأة يهجم على أبو المجد فيطيح بالكوز من يده)

سـوسـو: خلاص سيبوه.. اعملوا قرعه تانيه.. دا مش معانا من الأول فعلا .. أبو المجد: طب ما هو أى واحد حايطلع فى القرعه حيعمل كده. سـوسـو: لا .. كل واحد عارف دلوقت كويس .. ولازم اللى يطلع فى القرعه يتحمل النتيجه ..

أبو المجد : بس عويس يخش القرعه تاني ..

عــويس: زى بعضه.. أمرى إلى الله.. (لا أحد يرد عدا عويس). أبو المجد: موافقين ..

عـويس: أيوه موافقين ..

ابو المجد: هاتي الورقه ..

(سوسو تعطيه ورقة عويس ويطبقها ويضعها مع الأوراق الأخرى ويهزها في يده .. ثم يقدمها لسوسو فتختار ورقة.. وببطء شديد تفتحها وتقرؤها يشحب وجه الجميع صامتين معلقي البصر بها ...).

سوسو: (تتجه إلى عويس وتحدثه).

سوسو: (في ذهول) عويس برضه .. مش معقول ..

عـويس: مش ممكن .. مستحيل

(الجميع يتحركون في شبه حلقة ويحيطون بعويس الذي انهار تمامًا.. ويبدأ في الصراخ ..).

عــویس: انا موش معاکم من الأول .. أنا عابر سبیل .. أنا كنت ماشي .. أنا مالیش دعوه بیکم ..

أبو المجد : ما هو لازم تشرب .. القرعه طلعتك مرتين ..

عشمان: ده رينا بقى .. رينا عاوز كده ..

سليمان : قرعة إيه وبتاعة إيه .. تموت الراجل عشان قرعه .

فــكــرى: وما تكلمتش ليه قبل ما نعملها .. ؟

أبو المجد : وهو لما قعد يذل فينا .. ما نطقش ليه .. ؟

سليمان : كان بيذل فيكو علشان ينجى واحد.. موش عشان يموت

حسسين: اسكت أنت.. ما تتكلمش خالص.. القرعه قالت مرتين عليه..

سوسو: (تتجه فجأة إلى أبو المجد) هات الورق ..

أبو المجد : (مضطربًا) ورق إيه ؟

سوسو: (بحزم) ورق القرعه .

أبو المجد : ليه .. ما خلاص عملنا القرعه ..

(وفجأة تهجم سوسو على يديه تخلص منها الأوراق ..

وتبتعد .. فيعدو خلفها لتستدير له.. الجميع يراقبون • مشدوهين..)

سوسو: اوعى تقرب منى ..

(تفتح الأوراق ورفة ورفة وتقرأ ما فيها وتلقى كل ورقة تقرؤها ..)

سوسو: (تقرأ) عويس .. عويس .. عويس .. عويس ..

(قذفت بالأوراق)

كله عويس .. سامعين ..

(للمجموعة)

(الجميع صامتون.. عويس يشد نفسه ويقف وتتجه سوسو إلى أبو المجد الذي يقاوم نظراتها..). سوسو: عايز تقتله ليه .. ليه عايز تقتله .. ده قتل .. سامع قتل .. عويس: (يقترب من أبو المجد)

يخص .. أمال مدارس إيه وبلاوى إيه .. ؟

سـوسـو: تعرف العدل.. إنك أنت اللي تشرب الأول ..

سليمان : عين العدل.. هو اللي لازم يشرب ..

(عويس يجرى فيحضر الكوز وبه ماء ويقدمه لأبو المجد)

عـ ويس: خد اشرب .. اشرب اللي كنت عايز تشربه لي ..

قرنى : أيوه .. هو اللي يشرب .. دا أستاذ خسيس صحيح

(عويس يقرب الكوز من فم أبو المجد والأخير بدأ يرتعد.. وتتقدم إلهام فتلقى بالكوز وتحمى أبو المجد بيديها..).

إلهام : حرام عليكم تموتوه ليه .. ؟

ع ويس : ولما كان عاوز يموتني ما كانش حرام ..

حسين : مش أصول يا جماعه .. إحنا كأننا بنقتله .. بنحكم عليه بالإعدام ..

سـوسـو: (تواجه حسين) وهو لما حكم على عويس ما تكلمتش ليه .. دا انت حتى قعدت تقنع عويس يشرب ..

فــكــرى: إزاى بس؟ ازاى بس يا أستاذ.. أبو المجد يشرب ميه عارف أنها مسمومه .. دا ولا فى الغابات أنا لا يمكن أشترك فى عمل إجرامى زى ده ..

جلنار: يا حسره .. دا لسه شاب ..

عـويس: (صارخًا) وأنا كنت شبت.. ولا علشان ما انا حتة سواق غلبان .. عشمان والله القرعه دى حاجه بتاعة ربنا بقى ..

فتسوح: يا حرام يا أستاذ أبو المجد .. يا حرام .. والنبى كنت طس..

أبو المجد : لو تموتوني .. مانيش شارب .. سامعين .. ؟

(المجموعة تتحرك الآن في جانب أبو المجد.. إلهام وحسين وفكرى وجلنار وعثمان وفتوح.. وفي الجانب الآخر.. سليمان وعويس وسوسو وقرني ومحمد.. لحظة صمت..).

سـوسـو: ياللا ندور على الراجل المجنون ..

(الجميع يتنفسون الصعداء وكأنهم كانوا ينتظرون هذه الكلمة من أى واحد فيهم ..).

(وتتحرك المجموعة إلى اليسار .. وتقف سوسو فى الجهة اليسرى .. من المسرح تنظر إلى الطريق).

سوسو : فیه تلات سکك .. كل جماعه تروح من سکه ونتقابل هنا بعد ساعه ..

(تتحرك سوسو .. ثم تعود .. فتقف..) تلات سكك.. (تشير إلى الطريق بيدها) سكة

السلامة.. وسكة الندامة.. وسكة اللى يروح ما يرجعش (تسير في السكة الأولى.. وتنقسم المجموعة كالآتي ..

الطريق الأول. سوسو وقرنى ومحمد

 سليمان يتوقف ليكون آخر الخارجين..) سليمان : (عندما يخلو المسرح إلاَّ منه)

صحيح ويخلق من الماء كل شيء حي ..

(يخلو المسرح.. اللافتة التى تحذر من البئر المسموم موضوعة على تل مرتفع كما تركها واحد منهم.. عندما يخلو المسرح وبعد ثوان.. تسقط اللافتة تحدث ضوضاء..)

. ستار۔

المشهد الثالث

المنظر

شاطئ البحر.. رمال ناعمة.. الصحراء إلى اليسار.. رمال ممتدة.. والبحر إلى اليمين.. البحر هادئ جداً.. الأمواج تدفع الشاطئ في رفق.. الأفق يعلو وينخفض.. صوت الأمواج الهادئة الرتيبة يستمر طوال المشهد.. الوقت في الغروب .. عندما يتقدم الليل.. تظهر بقع ضوء بعيدة جداً في الأفق وكأنها على الشاطئ الآخر.. إذ إنها في مراكب بعيدة ..

المسرح خال تمامًا ..

تدخل سوسو وسليمان وعويس وقرنى ومحمد.. وقد أشرفوا على الموت يسقطون ويحاولون بَلِّ أجسادهم بماء البحر..

سوسو: (بصعوبة شديدة) خلاص احنا انتهينا ..

سليمان : ما انا قلت نستتى في الترب.. وإذا جه امر الله نندفن

هناك ونخلص ..

سـوسـو: وبعد ما نموت.. يهمنا إيه.. نندفن والا ما نندفنش.

- 177 -

سكة السلامة

سليمان : بس البنى آدم برضه .. لازم ينستر فى الدنيا وفى الآخرة .. طول عمرى بادور على الستر ما لقيتوش ..

محمد : بقى يا رب.. دى نهايه.. فيه مليون طريقه نموت بيها .. تختار لنا دى ..

عـويس: أنا حاشرب ..

(يتقدم من الماء)

قــرنى: حاموت ..

سليمان: اوعى ..

عــويس: ليه .. اوعى ليه .. ؟

سليمان : دي ميه مالحه .. تتسمم على طول ..

عـويس: واموت .. طب ما هي كلها موته ..

سليمان : بس مش بإيدك.. سيبها تيجى كده.. من عند الله إنما اوعى تسعى لها.. تموت كافر ..

سـوسـو : هامك قوى تموت إيه .. ؟ مؤمن والا كافر ..

سليمان : أما يا ست سوسو .. يعنى نعيش الدنيا في النار وفي الآخرة نروح النار .. برضه .. بس حاجه تعوض علينا الغلب والشقا ده ..

(تصل المجموعة الثانية وقد بلغ الإعياء منهم مبلغه، المجموعة الثانية مكونة من العمدة وجلنار وأبو المجد وإلهام وفتوح. يجلسون في أماكن متفرقة)..

> عشمان: أنتوا رحتوا فين؟ احنا دورنا عليكم في كل حته .. سـوسـو: كنا في السيما ..

عثمان: سيما .. هو فيه هنا سيما ..

ابو المجد: يا أخى افهم بقى ..

عشمان: حاضر.. بس وحياة ابوك.. ما تتعصبش على .. أنا خلاص.. احنا حانموت.. خلونا كده نموت إخوان ما ينفعش بنى آدم إلا المعاملة الحلوة ..

جلنار : حانموت .. حاتموت يا عمدة خلاص ..

عشمان: يا ست هانم .. الأعمار بيد الله ..

جلنار: انا مش منقوله من هنا.. إذا كنت حاموت.. حاموت هنا أحسن..

عشمان: أيوه .. حته شرحه.. وهوا مطلوق ..

سليمان: أنا باقول .. نروح الترب أحسن .. زمان الجدع اللى هناك فحت ترب بعددنا .. كل واحد يقعد في قبر ويستنى قضاه ..

سوسو: تاعباك قوى حكاية الدفن دى .. ؟

سليمان : ماهو يعنى نموت هنا فى الخلا.. طيب تصدقوا بالله دى أول مرة اقعد فيها على البحر.. البحر المالح يعنى.. الوليه مراتى قالت لى.. لما تروح إسكندرية خد لك غطس .. علشان حمو النيل اللى فى جتتك (يتهرش) (إلهام تقف صارخة .. وأبو المجد مهدئًا)

الهـام : أنا موش عاوزه أموت .. موش عاوزه أموت .. إذا مت هنا.. ممدوح حا يعرف كل حاجه .. وحاتبقى فضيعه أبو المجد : طولى بالك ..

الهام : أيوه .. دا بيحبنى .. بيحبنى قوى .. وانا قلت له أنا رايحه اشوف خالتى واقعد يومين فى إسكندرية وراجعه على طول..

أبو المجد : خلاص .. ما دام عارف أنك مسافره .. خلاص .. الهـــام : ما هو كان بيشك في محمد.

أبو المجد: آه ..

الهام : صحيح حانموت .. موش حانميش لحد بكره ..

أبو المجد : إذا فضلنا على الحاله دى .. ما فيش فايده ..

الهام : مافیش فایده ازای ؟

عشمان: احنا بقى نموت هناع البحر ..

سليمان : يا جماعه.. اللي يحس أن امر الله وصل.. يشَّاهد على نفسه قبل روحه ما تطلع ..

قـــرنى: يبقوا الباقيين يشًاهدوا عليه.. ما تحملش هم اتفضل ..

سليمان : ما حدش حايبقى فايق لحد .. انا باقول نروح الترب أحسن .. نموت هناك ..

(يقوم ويتجه إلى فكرى بتهالك شديد ..)

بقى ده يصح يا أستاذ .. يعنى الناس دى كلها .. الأرواح دى كلها فى رقبتك .. يعنى لو قلت على السكه العدله .. موش كنا وصلنا فى أمان الله ..

(فكرى لا يرد . ويعود سليمان ليجلس مكانه يقوم عويس متهالكًا ويواجه المجموعة ويتحدث إليهم)

عسویس: یا جماعه .. أنا غلطان .. أنا غلطان فی حقکم إذا كان حد لسه زعلان منی .. یسامحنی والمسامح كریم .. لولا قلة عقلی .. كان زمانی خدت حد منكم وجبت عربیه .. ولا حاجه خدتكم .. أنا غلطان سامحونی .. عایز أموت وانا مرتاح ..

(لا يرد عليه أحد .. فيجلس متهالكًا ويقف فكرى ..).

ف كرى: وأنا غلطان.. أنا غلطان لكو كلكم.. أنا صحيح زى الأسطى سليمان ما بيقول.. أنا المسئول عن المصيبه دى كلها.. أنا شفت اليافطة.. وأنا قلت له دى سكة اسكندريه.. أنا كنت رايح مرسى مطروح قلت بدل ما أروح إسكندرية.. وبعدين آخذ أتوبيس تأنى من هناك ..

أنا اللى اتسببت فى ده كله.. إنما ما كنتش متصور الحكاية حاتبقى كده.. انا غلطان.. أنا باعترف بغلطى انا عارف ان الكلام ده ما منوش فايده دلوقت .. لكن عايز أموت.. ضميرى مرتاح.. عايز أقابل ربنا وانا باقول الصدق.. سامحونى.. كلكم وإذا كان باقول الصدق. سامحونى.. شخلاص انا ربنا حايعمل معجزه وموش حانموت.. فخلاص انا حاسيب الشغلانه دى.. موش رايح مرسى مطروح ولا اسكندريه.. حارجع مصر.. اقعد فى المكتب أشتغل هناك على طول ..

عشمان: خلاص يا أفندى سامحناك.. ده ربنا يقبل التوبه برضه ..

(يقف أبو المجد)

ابو المجد : (لعويس) أنا متأسف يا أسطى عويس .. أنا ما كنتش عايز أولع فى العربيه .. أنت استفزنتى .. انت اللى أثرتنى .. إنما معلهش .. انا متأسف .. متأسف جدًا. (يجلس أبوالمجد)

عشمان: انا إيه بس اللى كان مودينى اسكندريه.. يعنى لازم ابن الرفضى يخش الهندزه .. يعنى نص نمره يعمل فى ده كله.. طيب لو ما دخلش الهندزه حا يحصل إيه.. حايحصل إيه يعنى.. المهندزين حاينقصوا واحد.. العماير حايبطلوا يبنوها الشغل فى السد العالى حايتعطل.. طب وفيها إيه لو دخل الحقوق.. ولا مادخلش من أصله فيها إيه لو قعد يفلح معايا فى البلد.. اناخلاص لو ربنا راد لى ونفدت بجلدى.. وكتاب الله ما انا موديه الهندزه .. لو لقيت نص نمرة وانا ماشى لاشيله واسمى عليه واحطه جنب الحيط.. انا بقى لو ربنا أراد وكان لنا عمر فى الدنيا.. راجع مصر لا .. راجع البلد طوالى ..

جلنار: والنبى ليكى عندى هديه كبيره يا سانت تريز .. صليب دهب مطعم بالألماز.. دهب عيار ٢١ بندقى انا موش رايحه إسكندريه.. حارجع مصر على طول يا سانت تريز.. راجعه لك.. بس والنبى تنجينى من الموت.. باكرهه. باكرهه خالص..

الهام : حاتقول لمدوح إيه يا محمد .. حاتقول له إيه.

محمد : وحاتقولي لسميره مراتي إيه ؟

إله اللي غلطانه.. بس والنبي إذا مت وحد منكم فضل حى يروح له.. اسمه ممدوح في شركة المباني.. في شارع شريف.. يروح يقول له إلهام مراتك بتحبك... ماتت وهي فاكراك وعمرها ما حبت غيرك...

محمد: (يقف ويواجه إلهام) أنا متأسف يا إلهام .. أنا غلطان في حق سـمـيـرة.. مـراتي وفي حق الأولاد وفي حق ممدوح جوزك.. وفي حق أولادك.. وفي حقك كمان.. أنا طول عمري ما شيء كويس.. ما عرفش إيه اللي حصل لي .. يمكن انخدعت .. انجذبت .. يمكن عملت زي غيري .. يمكن قلت طب وليه لا .. ليه ما كونليش زوجه وصديقه .. ماعرفش .. لكن ده اللي حصل .. وانا غلطان .. أنا إذا مت وانت عيـشـتى ابقي روحي لسـميـرة اعتذري لها بالنيابة عني واعتذري للولاد ولجوزك ولاولادك .. الحق على انا اللي غلطان ..

قسرنى: يعنى خلاص .. جالك الموت يا تارك الصلاه.. أنا ما واراييش حد تقولولوا حاجه.. ماليش أب.. ولا أم ولا ولد ولا بنت .. خدتها لف لف.. ماعرفتش غير دلوقت بس.. إنى لفيت كتير قوى.. ورجلى ورمت.. ما كنتش باون.. كله على ودنه.. لفيتها من فوقها لتحتها.. كسبت كتير .. وضيعت كتير والنبى يا رب تسامحنى.. دانا

غلبان .. ما يغركش المنظر .. ده انا بس كنت عامل كده في وسط الناس.. علشان آخد حقى.. أنا من جوه انت عارفني.. دانا غلبان غلب.. اعمل معروف والنبي انا صحيح ماليش حد.. كل الناس دى أهلي.. واذا نجيتني موش حاعيش لوحدى .. حاجوز .. وافتح بيت واجيب عيال.. اجيب عيال يسبحوا بحمدك.. يعبدوك والنبي يا رب.. والنبي يا رب.. موش رايح إسكندرية راجع لك .. راجع لك يا أم هاشم.. راجع لك يا بنت بنت النبي.. راجع لك يا طاهره .. راجع لك يا بنت بنت النبي.. راجع لك يا طاهره .. واتسطيلي وانا راجع لك .. راجع لك يا أم هاشم ..

فـــــوح: أنا.. والنبى يارب نجينى .. طول عمرى كنت لعبى إنما دلوقت حابقى جد.. جد خالص.. موش حاروح لهم.. حارجع المدرسة.. حارجع الأبويا وأمى أنا اللى سيبتهم.. زهقت م الفقر.. أبويا حداد فى الإمام.. وأنا عايز أبقى كويس وأروح السيما دنا خلاص من دلوقت حاروح أساعده فى الدكان... الشغل صعب.. إنما زى بعضه.. حاستحمل.. مش رايح لحد.. حارجع الأبويا.. المدرسة موش حاتقبلنى أنا حارجع اشتغل فى دكان أبويا.. نجينى والنبى يا رب.. وأنا راجع الأبويا وأمى.. مـوش حاروح لحد حارجع الإمام.. الإمام الشافعى.. الإمام الشافعى.. (تقف سوسو وتتحدث وهى تتحرك فى بطء شديد وإنهاك قوى..)

سوسو: وأنا.. أنا أقول إيه (للسما) أقولك إيه بس أقولك أنا مين .. وجايه منين ورايحه فين .. ما أنت عارف .. ما انت عارف كل حاجه .. عارف أنا جايه منين .. وعارف أنا رايحه فبن .. لو عرفت .. كان فيه حاجات كتير عملتها ما عملتهاش .وحاجات كتير ما عملتهاش .. كنت عملتها .. يعنى لو أنى عارفه انى حاموت هنا .. كنت جيت .. كنت وافقت على مشوار إسكندرية .. يمكن كنت وافقت .. ويمكن كنت ما وافقتش .. انت س اللي عارف .. وأنا عايزه أعرف أنا رابحه فين .. أنا رايحه فين .. أنا عرفت .. هنا .. هنا خلاص .. طيب وكان ليه .. المشوار الطويل ده .. كان ليه .. موش انت اللي خليتني كده .. خليتني سوسو .. سوسو .. طيب ما انت عارف سوسو تبقى مين .. عارف أن سوسو هي سعدية عبد العال الدلجموني أيوه .. طب أنا قلت كده ليه .. عملت كده ليه .. موش علشان أعيش.. موش علشان أنت حبتني هنا .. هنا عند البحر أموت.. طيب ما أنا من زمان كنت عايزه أموت.. وولعت في نفسي بجاز.. وطفيت النار.. وقلت لي لازم.. تعيشي.. طيب أعيش ليه.. علشان تجيبني هنا أموت على البحر .. أموت مع دول .. طيب هم دول هنا ليه .. (تلتفت للموجودين.. وقد بدأت الهستيريا تنتابها) أنتو

- 140 -

هنا ليه.. أنتوا جيتوا هنا ليه.. صحيح زي.. ما

بتقولوا .. انت رايح علشان شغل .. (لحسين) وانت رايح علشان نص نمرة .. (للعمدة) وانت كنت رايح مرسى مطروح (لفكرى) طيب وأنتو رايحين فين.. وإيه اللي جابكم هنا .. صحيح انت ماشفتش السكة (لسليمان) ماشفتش سكة السلامة (لفكرى) وانت ضحكت عليه .. (لأبو المجد) وانت ولعت في العربية .. صحيح كل ده ..؟ طيب أنا جيت معاكم ليه .. علشان تدوني الكروت .. (تخرج الكروت من حقيبتها وتنظر فيها وتقرأ ..). (حسين أبو السعود .. رئيس مجلس إدارة الشركة العامة للفلين .. شقة صغيرة في رشدي والأولاد في رأس البر.. (تلقى بالكارت.. وتقرأ التالي) فكرى عبد السلام .. صحفى مستعد لتوريد كافة أنواع الدعاية.. مجد .. مانشتات.. صور.. والأجرة حاجة بسيطة .. نظرة .. نظرة ياست .. (تلقى بالكارت .. وتقرأ التالي (أبو المجد الشيراوي .. محامي أمام الاستئناف العالي ومجلس الدولة .. شقة في ميامي .. وعاوز يومين بس .. وكل اللي تطلبيه .. (وتلقى بالكارت وتقرأ التالي) محمد محيى الدين.. شركة المباني المتحدة .. ده حتى الراجل الغلبان أبو شنطه اللي مات .. (تقرأ) إسماعيل البحراوي.. (تلقى بالكارت.. للسماء) شفت بقى أنا مهمة قد إيه .. كلهم .. كلهم ..عايزني انت بس اللي موش عايزني .. (للموجودين) أموت حاموت هنا .. واللي عايزني منكم أنا تحت أمره بس بشرط يفضل عايش .. الجدع فيكم يستني عايش وياخدني وانا ميتة .. كل اللي حايعوزه موجود ... صدري .. (تشير على جسمها .. قطعة قطعة) رجلي .. وشي .. ضهري .. كل حاجة حاتكون موجودة ومن غير تعب.. مافيش داعي لفلوس ولاعشا ولا وسكى .. ولا نور أحمر .. ولا شمع .. ولا جو شاعرى.. كله هنا موجود .. كله ..البحر والسما والنجوم.. كنت باحبها .. كنت باحب النحوم قوى النجمه دى .. بتاعتى .. اشترتها من زمان .. دفعت فيها ليالى طويلة .. كنت باخرج من البيت .. من أي بيت.. وكنت ألاقيها واقفة على الباب تستناني وتروح معايا .. كانت بتونسني .. وما كنتش باكسف منها كانت بتشوفني زي ما أنا .. ولما كنت باتخانق على الفلوس كانت تشجعني .. كانت تقولي اوعوا يضحكوا عليكي .. وراكى عيال.. وراكى رجاله.. وراكى نجوم.. (فجأة).. شايفين .. وقعت النجمة .. وقعت .. راحت .. راحت في البحر .. غرقت.. لكن .. لكن أنا موش عايزه أموت .. موش عايزه أموت ..

(تسقط باكية على الأرض).

(صمت لحظات)

عشمان: يا سيد .. يا شيخ العرب .. راجع لك .. رايح لك على طول.. إذا ربنا نجاني .. رايح لك ..

جــلـنــار : يا ســانت تريز .. وحـيـاة غــلاوتك صليب دهب ومطعم بالألماز ..

فــــــوح: أنا.. أنا موش رايح لحد.. يتفلقوا بقى .. هو أنا فى إيه
 ولا فى إيه ..

عـويس: يا سيدى إبراهيم .. دانا غلبان ..

الهام : محمد .. حانتفضح .. الجرايد تنشر صورتنا وممدوح.

محمد : وسميرة ..

إلهـــام: والناس .. الناس كلها حاتعرف ..

سليمان : (يقف) يا أخوانا مافيش فايده .. أمر الله صدر وأنتو

على وشكم الموت .. كل واحد يستغفر ربه ويتوب ..

خلاص .. احنا وصلنا يا أخوانا .. المحطة الأخرانية ..

اللي ما بعدها محطة .. المحطة اللي ما فيهاش حد

مستنيكم .. ومافيهاش ناظر يحاسبني على الميعاد ..

فيها ناظر صعب بحاسب على حاجات تانية ..

بيحاسب على كل حاجة بس ما بيحاسبش على الميعاد

.. مايهموش إذا جيت بدرى شوية.. أتأخرت شويه ..

خلاص وصلتوا لآخر السكة.. موش سكة السلامة ولا سكة الندامة دى سكةاللى يروح ما يرجعش ..

(يجلس وتمر فترة صمت قصيرة وفجأة يقف قرني)

قرنى: الراجل المجنون .. جاى هناك أهو ..

(ينظر الجميع إلى حيث أشار قرني)

حسين : ده معاه عساكر ..

(يدخل رضوان ومعه اثنان من عساكر الحدود شاويش وعسكرى يحملون كميات من الزمزميات، وعندما يراهم الموجودون يقبلون على الزمزميات يشربون في سرعة ولهفة..).

رضوان : أهم يا شاويش .. هجموا على الموقع وبعدين انسحبوا .. امسكوهم ..

الشاويش: (للجميع) على مهلكم .. كلكم حاتشربوا ..

(يشربون) ..

العسكرى: حقكم تشكروا الراجل ده .. (يشير إلى رضوان) هواللى جه قال لنا عليكم ..

الشاويش: الجنرال دا راجل طيب .. مكشوف عنه الحجاب ..

حــسين : (بعد أن يشرب)أنتو قريب هنا ..

الشاويش: مركز الحدود هنا قريب .. كلها خطوتين ..

حسسين : وعندكو عربيات توصلنا ..

فـــــوح: أنا جعان يا شاويش ..

الشاويش: عندنا كل حاجه.. أنتوا رايحين فين.. مصر. والا إسكندرية...

(والآن جميعهم قد شربوا) (واستطاعوا الوقوف على أقدامهم .. حالتهم تحسنت جداً..).

حسسين: أنا شخصيًا رايح إسكندرية.. ما عرفش الجماعة رايحين فين..

الشاويش: (يبدأ في سؤالهم .. للعمدة) إسكندرية ولا مصر ؟

عشمان: (یحدث جلنار) باقول نروح إسكندریة.. الواد محكم رأیه یخش الهندزه .. نروح نشوف له نص نمرة

جلنار: وأنا رايحه إسكندرية يا شاويش .. (للعمدة) لازم أشوف بتاع الكوتشينة ده ..

الشاويش: (لقرنى) وأنت ..

قـــرنى : (بشىء من التردد) مش عارف .. فوتنى للآخر .

الشاويش: (لأبو المجد) والأفندى ..

أبو المجد: (لإلهام) حاتروحي فين ؟

الهام : أنا رايعه إسكندرية .. أنا لازم أربع نفسى يومين بعد اللي حصل لنا ده ..

محمد: أنا رايح مصر ..

الشاويش: طب تعالى هنا .. (لفتوح) وأنت ..

(محمد ينعزل وحده)

فــتــوح : أنا حاروح إسكندرية .. موش أصول أسيب أصحابى لوحدهم حاكم الوحده صعب .. صعب خالص ..

الشاويش: (لفكرى) والأستاذ ..

فــكــرى: عندكو حاجة تودينى مرسى مطروح .. أنا عندى شغل هناك.. الشاويش: نروح إسكندرية الأول ..

وأنت .. (لسليمان)

سليمان: أنا.. أنا لا رايح مصر.. ولا إسكندرية.. أنا عايز حد من عندكم ييجى معايا أشوف العربية.. اللى متلقحة في الصحرا دى .. عسويس: وأنا .. حاروح مع الأسطى سليمان ..

الشاویش: هو أنت سواق العربیة اللی عملت العملة السوده .. دی فـــكـــری: (بحماس) قول له قول له یا شاویش.. سواق أعمی ما بیشوفش ..

عـويس: (لفكرى) موش أنت اللي ..

سليمان : (مقاطعًا) سيبه .. كلامه مضبوط .. أنا الحق على .. (للشاويش) أنا ما شفتش السكة .. كبرت وما عدتش باشوف.. حكمة ربنا بقى ..

سـوسـو: (تنظر لجميع الرجال متعاقبين) أنا حاروح إسكندرية الشاويش: طيب اتفضلوا بقى من هنا .. العـربيـات مـوجـودة.. (لفتوح) والأكل موجود ..

عشمان: الله يعمر بيتك..

قــرنى: أنا راجع مصر .. ودينى ما أنا رايح إسكندرية ؟

(يخرجون جميعًا من جهة اليمين ويتقدمهم الشاويش والعسكرى ويبقى على المسرح سليمان وعويس ورضوان).

عـويس: سمعت ..

سليمان : أيوه سمعت .. غيروا رأيهم يعنى .

عـويس: ما استحملوش دفيقة ..

سليمان : أديك شفت.. آدى ركاب البولمان الأيام دى.. جاى معايا ..

عــويس: أمال حاروح فين .. ؟

(يخرجان ويقف رضوان وحده يواجه البحر ويحدث نفسه).

رضوان : هجموا .. وبعدين انسحبوا .. إنما خلاص وقعوا في

الأسر.. حيحطوهم في المسكبوا... إنها مسكر اليسرى طب الأسر.. حيحطوهم في المسكر.. معسكر اليسرى طب حا يحطوهم مع مين.. مع الألمان .. والا مع الطليان.. والا مع الفريكان.. أنا عارف بقي. أهم حيحطوهم في معسكر اليسرى وخلاص.. وأنا.. أنا راجع الموقع حافحت ترب بعددهم.. وزيادة شوية.. يمكن حد يموت في الغارة .. بينظر إلى اليسار . وكأنه شاهد قائدًا كبيرًا..).

حاضر .. حاضر یا أفندم .. لا .. أنیسه ماتت یا أفندم بالسونکی .. ودفنتها .. حاضر ..

(يعظم ثم يستدير للخلف.. ويسير بمشية الأوزة حتى يختفي في خلفية المسرح..)

(المسرح خال تمامًا.. تدخل سوسو.. تجمع الكروت من فوق الأرض.. تنظر فيها كارت كارت .. ثم تمزق أحدها وهي تتمتم ..)

سوسو: الله يرحمه ..

(تضع الكروت فى حقيبة يدها.. وتفتح الراديو وتسير تتقصع.. ثم تقف فجاة وتستدير.. الموسيقى من الراديو عالية جداً.. تقفل الراديو.. ثم تخرج الكروت من حقيبة يدها وتمزقها فى عصبية.. ثم تسير هى خارجة بمشية متماسكة.. وأثناء سيرها..)

سعد الدين وهبة (١٩٢٥ - ١٩٩٧)

مؤلف مسرحى متميز وسينارست قدم للمسرح والسينما غشرات النصوص.

من مواليد ١٩٢٥/٢/٤

فى قرية دميرة مركز طلخا محافظة الدقهلية وتخرج فى كلية الشرطة عام ١٩٤٩ وعمل ضابطًا بالشرطة ، ثم تخرج فى كلية الآداب قسم فلسفة عام ١٩٥٦ من جامعة الإسكندرية

الوظائف والمناصب التي تقلدها:

عمل بالصحافة من عام ١٩٥٥ حتى عام ١٩٦٤ وشغل منصب مدير تحرير جريدة الجمهورية من عام ١٩٥٨ وحتى عام ١٩٦٤ وعمل كاتبًا غير متفرغ بالأهرام منذ عام ١٩٩٢.

عمل في وزارة الثقافة من عام ١٩٦٤ وحتى عام ١٩٨٠ وشغل منصب رئيس مجلس إدارة الشركة العامة للإنتاج السينمائي العربي، ورئيس مجلس إدارة دار الكتب العربي للطباعة والنشر، ورئيس مجلس إدارة هيئة الفنون ، ووكيل وزارة الثقافة للعلاقات

- 197 -

الخارجية، ووكيل أول وزارة الثقافة الجماهيرية ، وسكرتير المجلس الأعلى لرعاية الفنون والآداب ، ووكيل أول وزارة الثقافة ، ونائبا للوزير من عام ١٩٧٥ ورئيس مجلس إدارة صندوق رعاية الأدباء والفنانين .

انتخب نقيبًا للسينمائيين عام ١٩٧٩ ثم رئيسا لاتحاد النقابات الفنية ، ثم انتخب رئيسا لاتحاد كُتَّاب مصر عام ١٩٩٧ كما انتخب عضوًا لمجلس الشعب.

اختير رئيسًا لمهرجان القاهرة السينمائى الدولى عام ١٩٨٥ ورئيسًا لمهرجان القاهرة لسينما الأطفال ١٩٩٠ ورئيسا للاتحاد العام للفنانين العرب

قام بكتابة السيناريو والحوار والتأليف لعدد من الأفلام السينمائية والأعمال التليفزيونية منها: (زقاق المدق - أدهم الشرقاوى - الحرام - مراتى مدير عام - الزوجة رقم ١٢ - أرض النفاق - أبى فوق الشجرة - أريد حلا - آه يا بلد) .

. الأوسمة التى حصل عليها : حصل على وسام الجمهورية من الطبقة الثالثة عام ١٩٦٥ ووسام الشرف الفرنسى من درجة ضابط عام ١٩٧٦ ووسام سيمون بوليفار من حكومة فنزويلا عام ١٩٧٩ ووسام الاستحقاق من الطبقة الأولى عام ١٩٨٥ وجائزة الدولة التقديرية عام ١٩٨٧ ووسام العلوم والفنون من الطبقة الأولى عام ١٩٨٨ ووسام الفنون والآداب بدرجة قائد من الحكومة الفرنسية ، ووسام الاستحقاق من تونس عام ١٩٩١.

توفى في ١٩٩٧/١١/١١ اومن أهم أعماله :

- ١ أرزاق مجموعة قصصية .
 - ٢ كفر البطيخ .
 - ٢ السبنسة.
 - ځوبری الناموس .
 - ٥ سكة السلامة .
 - ٦ المسامير .
 - ٧ سبع سواقي .
 - ٨ يا سلام سلم الحيطة بتتكلم .
 - ٩ رأس العش مسرحية .
- الوزير شال الثلاجة مجموعة من مسرحيات الفصل الواحد (۱٦ مسرحية).
- ١١ النهر الخالد قصة حياة الموسيقار محمد عبد
 الوهاب الفنى والحياتى .
 - ١٢ كفر العشاق مجموعة قصص قصيرة .
 - ١٢ أرزاق مجموعة قصص قصيرة.
 - ١٤ أحذية الدكتور طه حسين مسرحيات الفصل الواحد.
 - ١٥ الذئب يهدد المدينة مسرحيات الفصل الواحد.
 - ١٦ نصف قرن في الصين.
 - ١٧ المحروسة .

- 190 -

- ١٨ السبنسة .
- ١٩ بير السلم .
- ۲۰ أسطبل عنتر،
- ٢١ كوابيس في الكواليس .
 - ٢٢ المحروسة ٢٠١٥.

وباللغات الأجنبية :

سكة السلامة بالإنجليزية

كوبرى الناموس بالإنجليزية

الجزء السادس (القطاع الخاص) - سد الحنك - سبع ولا

ضبع

حوار مع أرسطو ومقالات في المسرح

أزمة السينما المصرية

مكتبات البيع والتوزيع

مكتبة البتديان

۱۳ش المبتدیان - السیدة زینب من ۹ ص: ۷م (شتاء) من ۱۰ص: ۸م (صیفاً)

مكتبة ١٥ مادو

خلف مبنی جهاز مدینة ۱۵ مایو - حلوان ت : سویتش ۲۵۰۰ ۲۵۰۰ من ۹ ص: ۲م (صیفا - شتاء)

مكتبة ساقية عبد المنعم الصاوي

الزمالك - نهاية ش ٢٦ يوليو من أبو الفدا ت : ٢٧٣٦٨٨٨ - ٢٧٣٦٦١٧٨

ب – الجيزة

مكتبة الجيزة

ش مراد - میدان الجیزة ت : ۲۵۷۲۱۲۱۱ من ۹ ص: ۷م (شتاء) من ۱۰ص: ۸م (صیفاً)

مكتبة جامعة القاهرة

الجيزة - بجوار كلية الإعلام بالحرم الجامعي ت : ٢٥٧٢٩٥٨٤

من ۹٫۳۰ س: ۳م

مكتبة رادوبيس ش الهرم - الجيزة - محطة المساحة ت : ۲۷۲٦۸۸۸ - ۲۷۲٦۸۸۸۱ من ۱۰ ص: ۸ م (صيغاً - شتاء)

أ - القاهرة

مكتبة المعرض الدائم

كورنيش النيل - رملة بولاق ت: سويتش ٢٥٧٧٥٣٦٧ من ٩ ص: ٤م (صيفا - شتاء)

مكتبة مركز الكتاب الدولى ٢٠ ش٢٧يوليو - القاهرة ت : ٢٥٧٨٧٥٤٨ من ٩ س: ٧م (شتاء)

من ١٠ص: ٨م (صيفًا)

مكتبة ٢٦ يوليو

۲۱ش۲۲یولیو - القاهرة ت: ۲۵۷۸۸٤۳۱ من ۹ ص: ۷م (شتاء)

مكتبة شريف

۳۹ ش شریف - القاهرة ت : ۲۲۹۳۹۱۱۲ من ۹ ص: ۷م (شتاء) من ۱۰ص: ۸م (صیفًا)

مكتبة عرابي

۵ میدان عرابی - القاهرة ت : ۲۵۷۴۰۰۷۵ من ۹ ص: ۷م (شناء) من ۱۰ص: ۸م (صیفاً)

مكتبة الحسن

ه الباب الأخضر - الحسين - القاهرة ت : ۲۰۹۱۳٤٤٧ من ۹ ص: ۲م (شتاء) من ۹ ص: ۸م (صيفاً)

مكتبة أسبوط

٦٠ ش الجمهورية - اسبوط ت: ١٨٨/٣٢٢٠٣٢ من ٩ ص: ٤م (صيفاً) (شتاءً)

مكتبة المنيا

۱۹ ش خصیب - المنیا ت : ۸۸/۳٦٤٤٥٤ من ۹ص: ۸م: ۵م، ۸م (شتاء) من ۱۰ص: ۳م: ۳م، ۹م (صیفا)

مكتبة النيا (فرع الجامعة) مبنى كلية الأداب - جامعة النيا ت: ١٠٥٠/٢٦٤٠٥٠ من ٩ ص: ٤م (صيفا - شتاء)

> و - محافظات الوجه البحري

> > مكتبة طنطا

میدان الساعة - طنطا ت : ۴۰/۲۲۲۲۹۹۱ من ۸ ص: ۲م : ۵م ، ۸م (صیفا - شتاء)

مكتبة الحلة الكبرى ميدان المحطة - المحلة

> من ۹ ص: ٤م (صيفاً - شتاء) مكتبة دمنهور

ش عبدالسلام الشاذلى - دمنهور من ٩ ص: ١٩ (صيفا - شتاء)

> مكتبة النصورة ه شرالثورة - النصورة

ه ش التوره – المصوره ت : ۲۹:۲۷۲۹ / ۰۰۰ من ۲ص: ۲م: ۵م، ۸م (شتاء) من ۲۰ص: ۲م: ۲م، ۲م (صيفا)

مكتبة منوف

مبنى كلية الهندسة الإلكترونية ،جامعة منوف، ت : £4/٦٦١٣٣٤ من ٩ ص: ٣م (صيفاً - شتاء) مكتبة أكاديمية الفنون

مبنى أكاديمة الفنون ش الهرم ت : سويتش ٣٥٨٥٠٢٩١

من ٩ ص: ٢م (صيفا - شتاء)

جـ - الإسكندرية

مكتبة الإسكندرية

١٤ ش سعد زغلول - الإسكندرية
 ٢/٤٨٦٢٩٢٠

من ۹ ص: ۲م (شتاء) من ۱۰ ص: ۸م (صيفًا)

د - محافظات القناة

مكتبة الاسماعيلية

الإسماعيلية: التمليك - المرحلة الخامسة - عمارة ٦ مدخل (1) ت: ٦٤/٣٣٤٠٧٨٠

مكتبة جامعة قناة السويس الإسماعيلية: مبنى الملحق الإدارى – بكلية الزراعة – الجامعة الجديدة ت: ١٤/٢٨٢٠٣٠

(صيفًا - شتاء)

مكتبة بورفؤاد

بورسعید: بجوار مدخل الجامعة من ٩ص: ٨م: ٢م، ٧م (شتاء) من ٩ص: ٨م: ٢م، ٧م (صيفا)

هـ - محافظات الوجه القبلي

مكتبة أسوان

السوق السياحى - أسوان ت : ۹۷/۳۰۲۹۳۰

من ۱ ص: ۳م (صيفًا)من ۱۰ص: ۸م (شتاء)

مطابع الهيئة المصرية العامة للكتاب

ص. ب: ٢٢٥ الرقم البريدي : ١١٧٩٤ رمسيس

WWW. eg) ptianbook. org. eg E - mail : info @egyptianbook.org. eg

الهيئة المصرية العامة للكتاب رملة بولاق القساهرة ص-ب: ٢٣٥ رمسيس (١٧٩٤) www.gebo.gov.eg



ISBN# 9789774205715